

საქართველოს სსრ მეცნიერებათა აკადემია

სამეცნიერო-პოპულარული სერია
„ათინათი“

ჯ. ჩეღვიკი

ეიკენური სამყარო

ინგლისურიდან თარგმნა,
წინასიტყვაობა და შენიშვნები დაურთო
თეშურ ბუაჩიძემ



„მეცნიერება“

თბილისი

1989

ჟ. ჩედვიკის „მიკენური სამყარო“ წარმოადგენს ერთ-ერთ მნიშვნელოვან ნაშრომს მიკენური კულტურის სფეროში. ავტორი აქტიურად თანამშრომლობდა მ. ვენტრისთან, რომელმაც გაშიფრა B-ხაზოვანი დამწერლობა და რომელიც წარმოადგენს უდიდეს სპეციალისტს მიკენოლოგიაში დღევანდელ დღეს. წიგნში განხილულია გვიანბრინჯაოს ხანის საბერძნეთის ცივილიზაციის ყველა ასპექტი. აღნიშნული წიგნის შემოკლებული თარგმანი არის პირველი ედა — გააცნოს საბჭოთა მკითხველს უახლესი კვლევის შედეგები აღნიშნულ სფეროში. წიგნი გათვალისწინებულია ძველი ისტორიის, არქეოლოგიისა და კლასიკური ფილოლოგიის სპეციალისტებისათვის, ასევე ფართო მკითხველისათვის.

რედაქტორი საქართველოს სსრ მეცნიერებათა აკადემიის
წევრ-კორესპონდენტი. რ. გორდეზიანი

რეცენზენტები: აკად. ა. აფაქიძე

ისტ. მეცნ. დოქტორები: გ. ლორთქიფანიძე,

ლ. სანიკიძე.

J. Chadwick

The Mycenaean world

© Cambridge University press

This book was originally published in the English language by Cambridge University Press of Cambridge, England.

0502010000

6 247—89

M 607 (06)—89

ISBN 5—520--00497—8

© გამომცემლობა „მეცნიერება“, 1989:

მთარგმნელის წინასიტყვაობა

საყოველთაოდ ცნობილია, რომ საბერძნეთმა უდიდესი როლი შეასრულა ყოველი ერისა თუ ქვეყნის ისტორიაში, კულტურის განვითარების საქმეში. ბერძნული ენიდან თითქმის ყველა ერის ენაში მრავალი საკუთარი თუ საზოგადო სახელი გადავიდა. ენგელსი აღნიშნავდა: „იმ საფუძვლის გარეშე, რომელიც ძველმა საბერძნეთმა და რომმა ჩაყარა, არ იქნებოდა არც თანამედროვე ევროპა“. რაც საბერძნეთია ევროპისათვის, იგივეა მიკენი საბერძნეთისათვის. ფართო მკითხველისათვის უდავოდ საინტერესოა გაეცნოს ცივილიზაციას, არსებულს საბერძნეთში კლასიკურ ბერძნულ ცივილიზაციამდე გაცილებით უფრო ადრე. ამ პერიოდის კულტურაზე ერთ-ერთ ყველაზე კომპეტენტურ ნაშრომს წარმოადგენს ჯ. ჩედვიკის წიგნი, რომლის შემოკლებულ თარგმანს ვთავაზობთ ჩვენ ქართველ მკითხველს. ავტორი „მიკენური სამყაროს“ დასაწყისში აღნიშნავს რა ბერძნული ენის ღირსებას, ურთავს თანამედროვე ბერძენი პოეტის ა. ა. სინოპოულოსის სიტყვებს: „კვლავაც გაისმის ოცდაცამეტ-საუკუნოვანი ზარების რეკვა“.

ვერ ვიტყვით, რომ განვიცდიდეთ იმ წიგნების ნაკლებობას, რომლებშიც აღწერილია საბერძნეთის ცივილიზაციის განვითარება გვიანდელ ბრინჯაოს ხანაში — ძვ. წ. XVI—XIII საუკუნეებში. აღნიშნული პერიოდი ცნობილია როგორც მიკენური პერიოდი და თითქმის ყველა წიგნი, რომელშიც აღწერილი იყო ამ ეპოქის საბერძნეთის ცივილიზაცია, ეკუთვნის არქეოლოგებს, ხოლო მათი ყურადღება ყოველთვის კონცენტრირებულია ნივთიერ საბუთებზე — ისტორიული ცნობები მოცემულია არქეოლოგიურ მასალებზე დაყრდნობით. მხოლოდ 1939 წლიდან გახდა ცნობილი მიკენის სასახლეების წარწერები, ხოლო 1952 წლიდან — მ. ვენტრისის მიღწევები B-ხაზოვანი დამწერლობის გაშიფერის საქმეში, აქედან კი ის ფაქტი, რომ XIV საუკუნის მიკენური ფირფიტები შესრულებული იყო ბერძნული ენის არქაულ დიალექტზე. მ. ვენტრისს ამ საქმეში დიდი დახმარება გაუწია წინამდებარე ნაშრომის ავტორმა. ჯ. ჩედ-

ვიკს ზემოაღნიშნული დამწერლობის გაშიფვრის ისტორია აღწერილი აქვს წიგნში — „Б-ხაზოვანი დამწერლობის დეშიფრირება“ (კემბრიჯი, 1958 წ. XI გამოცემა)*.

წინამდებარე წიგნის ავტორს ჯ. ჩედვიკს კარგად იცნობენ სპეციალისტები, განსაკუთრებით 50-იანი წლების შემდეგ, რადგანაც იგი იყო ერთ-ერთი პირველი, ვინც მონაწილეობა მიიღო მასინ ჯერ კიდევ უცნობი დამწერლობის გაშიფვრის პროცესში და ერთ-ერთი პირველთაგანი, ვინც რეალურ შედეგს მიაღწია.

ამ დროიდან მოყოლებული მკვლევარებს მრავალმხრივი საშუალება მიეცათ მიკენური საბერძნეთის კვლევის საქმეში. აუცილებელი გახდა ისეთი წიგნის შექმნა, რომელშიც აღწერილი იქნებოდა მიკენური სამყარო ისე, როგორც მას წარმოგვიდგენენ წარწერებიანი ფირფიტები.

მოვლენები, რომლებიც ფირფიტებზეა ჩაწერილი უცნობ გადამწერთა და მოხელეების მიერ, ამჟამად მკვლევართათვის მისაწვდომი გახდა. რასაკვირველია, ბერძნებმა მინოსელებისაგან, რომელნიც მათ დახვდნენ ეგეიდში, გადაიღეს დამწერლობის სისტემა, რომლითაც ბერძნული ენა წარმოგვიდგინეს ფირფიტებზე.

ფირფიტების შინაარსი, ერთი შეხედვით, უინტერესო ჩანს: სახელების გრძელი ნუსხა, უცნობი მოხელეების ჩანაწერები შინაური ცხოველების, მარცვლეულისა და სხვა პროდუქტების ანგარიშწარმოების შესახებ. მაგრამ ზოგჯერ გამოჩნდება ხოლმე ჩანაწერებიც დეკორირებული მაგიდებისა და მდიდრულად მორთული ეტლების შესახებ, რომელიც თითქოს ერთგვარად არღვევს მონოტონურობას.

ფირფიტების მთავარ ღირსებას მათი აშკარა უტყუარობა წარმოადგენს, რადგანაც ისინი შეიცავენ სიტყვებსა და გამოსახულებებს, შედგენილს იმ ხალხის მიერ, რომელმაც შექმნა ცივილიზაცია, და რასაც ბრწყინვალე არქეოლოგიური აღმოჩენებიც ადასტურებენ.

მკვლევარებს არა აქვთ იმის საშუალება, რომ ზუსტად დაათარიღონ მთელი ბრინჯაოს ხანის მოვლენები საბერძნეთსა და ხმელთაშუა ზღვის აუზში. ისინი ძირითადად ეყრდნობიან არქეოლოგიური გათხრების შედეგად აღმოჩენილ ნივთების სტილსა და ზოგ შემთხვევაში, ამას უფარდებენ უფრო ზუსტად დათარიღებულ ეგვიპტის ისტორიას.

კლასიფიკაციის მიხედვით არქეოლოგები განასხვავებენ ადრეულ, შუა და გვიანდელ ბრინჯაოს ხანას. ეს პერიოდები თავისთავად იყო-

* Ч е д в и к Дж. Дешифровка линейного письма-Б. Перевод с английского Г. А. Барниновой в сборнике: Тайны древних письмен. Проблемы дешифровки. М., Прогресс, 1976, с. 105—250.

ფა ქვეჯგუფებად, ესენი კი, თავის მხრივ, ფაზებად. წიგნის ავტორი წინამდებარე ნაშრომში მოვლენებს ათარილებს საუკუნეებით და მიუთითებს — „არ უნდა დაეიფიწყოთ, რომ ეს დათარილება მაინც მიახლოებითია“. ქვემოთ მოტანილ ტაბულაში ნაჩვენებია ძირითადი მოვლენების ავტორისეული დათარილება:

საუკუნე ძვ. წ.

XX საუკუნე (ან უფრო ადრე) — ბერძნების წინაპრები მკვიდრებიან საბერძნეთში.

XVI საუკუნე — გვიანპელადური ან მიკენური პერიოდის დასაწყისი.

XV საუკუნე — დასაწყისში, ძლიერი ვულკანური ამოფრქვევები თერაზე. ბერძნები შეიპრნენ კრეტაზე (დაახლოებით აღნიშნული საუკუნის შუა პერიოდი).

XIV საუკუნე — კნოსოსის დარბევა (გვიანმინოსური III-A პერიოდის დასასრული. III-B გვიანმინოსური პერიოდის დასაწყისი).

XIII საუკუნე — მიკენური ცივილიზაციის მწვერვალი; მიკენური სამყაროს დასასრული — თებეს, მიკენის, პილოსის და სხვა ქალაქების განადგურება.

XII საუკუნე — გვიანპელადური III-C პერიოდი.

VIII საუკუნე? — ჰომეროსის ხანა.

წინამდებარე წიგნში ავტორს მიკენური სიტყვები უცვლელად აქვს დატოვებული, რასაკვირველია, თარგმანშიც ეს სიტყვები უცვლელად გადმოვიტანეთ. თარგმანში უცვლელადაა დატოვებული აგრეთვე კლასიკური პერიოდის ბერძნული სიტყვები და დასახელებანი. ყოველივე ზემოთქმულიდან გამომდინარე, აუცილებელია აიხსნას ის პრინციპი, რომლითაც თვით ავტორი სარგებლობს მათ გადმოსაცემად.

B-ხაზოვანი წარწერების ტრანსკრიფცია გადმოცემულია ორი სახით:

1. წარწერების ნიშნების პირდაპირი ტრანსლიტერაციით, სადაც მარცვლები დეფიზის საშუალებით არის დაყოფილი. მაგალითად, a-to-ro-go.

2. სიტყვები წარმოდგენილია გამოსათქმელი ფორმით, მაგალითად, a-to-ro-go-სთვის გვექნება *ατληρωδοι*.

კლასიკური სიტყვების გადმოსაცემად ავტორი იყენებს ლათინურ ტრანსკრიფციას. რიცხვითი სახელების გადმოსაცემად ტრანსკრიფცია უფრო მარტივია, რადგანაც მიკენური რიცხვითი სახელები მსგავსია რომაული რიცხვითი სახელებისა. რაც შეეხება იდეოგრამებს, აქ საქმე უფრო რთულადაა, რადგანაც ისინი ბერძნული სიტყვების დამწერლობას არ შეესაბამება. ჩანს, რომ იდეოგრამების შესაქმნელად გარ-

კვეული თავისუფლება არსებობდა. მაგალითად, სხვადასხვა ქურქლის აღსანიშნავად გამოყენებულია პატარა ზომის სქემატური სურათები. ფირფიტებზე, მათ გარდა, ვხვდებით პირობით ნიშნებსაც იდეოგრა-მების სახით და მათი უმრავლესობის მნიშვნელობა მკვლევართათვის ცნობილია. აქედან გამომდინარე, ნაშრომში აღნიშნულია მხოლოდ მათი მნიშვნელობა.

ცალკე პრობლემას ქმნის ზომა-წონის ნიშნები. მაგრამ ეს პრობ-ლემა მკვლევარებმა გადაჭრეს პირობითი ნიშნების სისტემის შემუშა-ვებით, სადაც ნიშნების აღსანიშნავად გამოიყენეს ალფაბეტის დიდი ასოები — L-დან Z-მდე, თანამიმდევრობით. ამ ნიშნების გამოყენებას პრაქტიკულად მკითხველი შეხვდება VII თავში.

ბერძნული ტოპონიმების ქართულ ენაზე გადმოცემისას მაქსიმალურად ვითვალისწინებთ ქართულ სამეცნიერო ლიტერატურაში დამ-კვიდრებულ ტრადიციას. გათვალისწინებული უნდა იქნეს ის გარე-მოება, რომ მიკენური სიტყვების ტრანსლიტერაციისას ლათინური ანბანით K-მ შეიძლება გადმოსცეს kh-ც, t-მ th-ც, p-მ pl-ც. ასევე არ გვაქვს, გარდა d-სა, მჟღერთა გადმოცემის სისტემაც. k, ჩვეულებრივ, გამოიყენება g-ს მაგივრადაც. ასევე z-მ შეიძლება გადმოსცეს ts და dz. ასო r გამოყენებულია ტრანსკრიფციაში, მაგრამ ის ისმის ხან r-ს ხან კი l-ს ადგილას. g-ს აქვს gu-ს (ან kw-ს) ფუნქცია, და შეიძ-ლება მისი ასპირაცია (guh) ან გამჟღერება (gu). არ არის ნიშანი h-სათვის. დანარჩენ თავისებურებებთან დაკავშირებით, ყოველ ცალ-კეულ შემთხვევაში, წარმოვადგენთ შენიშვნებს.

ფირფიტების ტექსტების ანალიზი ნაშრომში განმტკიცებულია არქეოლოგიური და სხვა დამხმარე მასალებით. წიგნის ძირითად მი-ზანს წარმოადგენს გვიჩვენოს, თუ რას მოგვითხრობენ ფირფიტები, როგორ შეერწყა ეს ცნობები აქამდე არსებულ წყაროებს და რა შე-დეგია მიღწეული მათი ანალიზის პროცესში. სწორედ ამით განსხვავ-დება წინამდებარე ნაშრომი სხვა ნაშრომებისაგან, რომლებშიც ყუ-რადღება უპირატესად გამახვილებული იყო არქეოლოგიურ მასალებ-ზე.

ჩვენს მიზანს არ შეადგენს წიგნის ავ-კარგზე მსჯელობა, მხო-ლოდ აღვნიშნავთ, რომ წიგნი საინტერესო იქნება არა მარტო ანტი-კური ხანის ისტორიის შემსწავლელთათვის, არამედ ფართო მკითხვე-ლისთვისაც. წიგნი პირველად ითარგმნება ჩვენს ქვეყანაში და გასა-გებია ის პასუხისმგებლობა, რომელიც მის დასტამბვასთან არის და-კავშირებული.

თარგმანი წარმოდგენილია შემოკლებული სახით. შეკვეცა მოხდა მეორეხარისხოვანი პრობლემების ხარჯზე. იმედი გვაქვს, რომ შემო-კლების შედეგად მიკენური სამყაროს ავტორისეული სურათი არ შე-

ცვლილა და წიგნი უფრო დაუახლოვდა ფართო მკითხველის ინტერესებს.

თარგმანი, ალბათ, დაზღვეული არ იქნება ნაკლოვანებებისაგან, მაგრამ, თუკი ის ქართველ მკითხველს მცირედენ სამსახურს მაინც გაუწევს, მთარგმნელი გამართლებულად ჩათვლის თავის შრომას.

დიდი მადლობა მინდა გადაეუხადო პროფ. რ. გორდეზიანს თარგმანზე მუშაობის პროცესში გაწეული კონსულტაციებისა და დახმარებისათვის.


ჯ. ჩედვიკის „მიკენური სამყარო“ ითარგმნა საქართველოს სსრ მეცნიერებათა აკადემიის საზოგადოებრივ მეცნიერებათა დარგში სამეცნიერო ინფორმაციის ცენტრის ისტორიისა და ხელოვნებათმცოდნეობის განყოფილებაში.

საბერძნეთის ელინიზაცია

წარსულზე საუბრის დროს, უშინაარსო შეკითხვებზე ადვილი არაფერია. მიუხედავად ამისა, ზოგ შემთხვევაში, ეს კითხვები კეთილგონიერული აღმოჩნდება ხოლმე. მაგალითად, კითხვა: „სად იყვნენ ინგლისელები, როცა იულიუს კეისარი ბრიტანეთში შეიჭრა“?. ამ კითხვაზე, რასაკვირველია, პასუხი არ გაიცემა, ვინაიდან იმ პერიოდში ბრიტანეთში არ არსებობდა მოსახლეობა „ინგლისელები“, როგორც ასეთი: ასეთივე კითხვა შეიძლება დაისვას, მაგრამ უფრო ფრთხილად — „როდის დამკვიდრდნენ ბერძნები საბერძნეთში?“ ფრთხილად იმ ვარაუდით, რომ ბერძნები არსებობდნენ საბერძნეთის ფარგლებს გარეთ. ეს კითხვა ხშირად წამოიჭრება ხოლმე და, ჩვეულებრივ, იგო (მეტ-ნაკლებად) უპასუხოდ არ რჩება.

ორივე განხილულ მაგალითში არსებითი მნიშვნელობა ენიჭებათ „ბერძნებს“ ან „ინგლისელებს“. აქ მე ვგულისხმობ, შესაბამისად, ბერძნულ ან ინგლისურ ენაზე მოლაპარაკე ხალხთა ჯგუფს. ბერძნულ ენა ცნობილია ძვ. წ. XIV საუკუნის საბერძნეთისა და მოგვიანებით, აგრეთვე (როგორც კოლონიზაციის შედეგი) სხვა ქვეყნების დოკუმენტური მასალებიდანაც. მაგრამ ამ ენის სამშობლო ყოველთვის იყო ახლანდელი საბერძნეთის ტერიტორია, თუმცა მისი საზღვრები ჩრდილოეთით არ იყო ისე ვრცელი, როგორც დღეს არის.

ბერძნული ენის შესახებ შეიძლება ითქვას, რომ, როგორც ჩანს, ისტორიული პერიოდის გარდა, მას არავითარი კვალი არ დაუტოვებია საბერძნეთის ფარგლებს გარეთ. უძველესი საბერძნეთის რუკაზე მრავალი ადგილის დასახელება, რომელთაც ბერძნულ ენაზე მნიშვნელობა არა აქვთ, უტყუარი მოწმობაა იმისა, რომ ოდესღაც აქ სხვა ენა იყო გაბატონებული, მაგრამ კერძოდ რომელი, არ არის ცნობილი, დაახელებანი, როგორცაა—*Korinthos, Zakunthos, Athānai* (ათენი), *Mukānai* (მიკენი), *Knōsos* (ტრადიციულად მიღებული ფორმა *Knossos* — არასწორია), *Amnisos, Tulusos*, უდავოდ წარმოქმნილია უცნობი ენისაგან, რომელზედაც ადრე მეტყველებდნენ საბერძნეთში. ცხადია, რომ წინაისტორიულ საბერძნეთში არაბერძნულ ენაზე მოლაპარაკე მოსახლეო-



სურ. 1. საქართველოს ელნიზაზია (მიწები საბერძნეთი და კვიისი კონტინენტი).

ის არსებობის ფაქტმა სწავლულების წინაშე დასვა კითხვა: როდის დამკვიდრდნენ ბერძნები საბერძნეთში?

ტრადიციული შეხედულება, რომ ბერძნულ ენაზე მოლაპარაკე მეომრებმა გაილაშქრეს ბალკანეთში საბერძნეთის დასაპყრობად, მოძველებულია. იგი განმტკიცდა ჯერ კიდევ XIX საუკუნის ბოლოსათვის გამოჩენილი ავსტრიელი ლინგვისტის პაულ კრეჩმერის ნაშრომში. ყველაზე ხშირად ზემოხსენებულ თეორიას აყალიბებენ შემდეგი ფორმით: საბერძნეთის ტერიტორიაზე შეიჭრა დამპყრობთა სამი ტალღა; ხშირად მათ, ბერძნული ენის კლასიკური დიალექტების შესაბამისად, უწოდებენ: იონელებს, აქაველებს და დორიელებს. არქეოლოგიური საბუთების მიხედვით, შესაძლებელი გახდა ამ მოვლენათა დათარიღება: იონელები შეიჭრნენ დაახლოებით ძვ. წ. XX საუკუნეში, აქაველები XVI საუკუნეში, ხოლო დორიელები კი XII საუკუნეში. მაგრამ ამ ვერსიას აქვს ერთი სუსტი მხარე: XII საუკუნის დორიელები, მიუხედავად იმისა, რომ მათ უკვე 800 წელი მონათესავე იონელებთან კონტაქტები გაწყვეტილი უნდა ჰქონოდათ, ჯერ კიდევ იმავე ენაზე ლაპარაკობენ, რომლებზედაც იონიელები, თუ არ გავითვალისწინებთ უმნიშვნელო განსხვავებას. ანალოგები გვაფიქრებინებს, რომ ამ ხნის მანძილზე წარმოქმნილი განსხვავებები გაცილებით უფრო მნიშვნელოვანი უნდა იყოს, ვიდრე ეს გვაქვს აღნიშნულ შემთხვევაში. შესაბამისად, ვცადოთ სხვანაირად ავხსნათ ფაქტები. წამოვაყენოთ ჰიპოთეზა, რომ ბერძნული ენა არ არსებობდა ძვ. წ. XX საუკუნეში, არამედ იგი წარმოიშვა საბერძნეთში ადგილობრივი მოსახლეობისა და სხვა ენაზე მოლაპარაკე დამპყრობლების შერევის შედეგად. ძნელია ვუპასუხოთ კითხვას, თუ რა იყო ეს სხვა ენა. ბერძნული ენა მიეკუთვნება ინდოევროპულ ენათა ჯგუფს. ამ ოჯახის ენების უძველესი წერილობითი მასალების ურთიერთშედარებით შესაძლებელია ადვადგინოთ წინაისტორიული ენის, რომელსაც ჩვენ პროტოინდოევროპულს ვუწოდებთ, დიდი ნაწილი. საეჭვოა, რომ საბერძნეთის დამპყრობლები ლაპარაკობდნენ წმინდა პროტო-ინდოევროპულ ენაზე. მაგრამ ბოლოსდაბოლოს, ჩვენ შეგვიძლია მათი ენის მრავალი ელემენტის დადგენა, მიუხედავად იმისა, რომ ძალზე ძნელია განისაზღვროს განვითარების ის ზუსტი საფეხური, რომელზედაც ენა დამპყრობლების გამოჩენის დროს იმყოფებოდა.

წინარე ბერძნებმა, თუ შეიძლება ასე ვუწოდოთ, მიაღწიეს საბერძნეთის ტერიტორიას, შეერივნენ ადგილობრივ მოსახლეობას და ისე-სხეს მათგან უცნობ საგანთა სახელწოდებები. ადგილობრივ მკვიდრთა მიერ ბერძნულის არასწორმა გამოთქმებმაც დასაბამი მისცა ან ენის მუდმივ ფონეტიკურ ცვალებადობას. განსაკუთრებით საინტერესოა ნასესხები სიტყვები. ისინი მოიცავენ მრავალი მცენარისა და ცხოვე-

ლის სახელებს. ჩვენ ახლაც ვხვდებით ბერძნულში ხის გარკვეული ჯიშის აღმნიშვნელ სიტყვას — კვიპაროსს და აგრეთვე სიტყვებს, რომლებიც გამოხატავს სხვადასხვა ტიპის ჭურჭლის დასახელებას.

ბერძნული ენის დიალექტებად დაყოფის პროცესი, როგორც ჩანს, მიმდინარეობდა მხოლოდ საბერძნეთის ტერიტორიაზე. საგულისხმოა, რომ არც ეს თეორია წარმოქმნის რაიმე პრობლემებს არქეოლოგიური თვალსაზრისით. ე. წ. წინარე ბერძნების დამკვიდრება საბერძნეთში შეიძლება დათარიღდეს არაუგვიანეს ძვ. წ. XIX საუკუნით. ჩვენ გვაქვს ცნობები, რომელთა მიხედვითაც მნიშვნელოვანი ცვლილებები საბერძნეთში უნდა მომხდარიყო უფრო ადრეც — ძვ. წ. XXII საუკუნეში, როდესაც მრავალი ქალაქი დაინგრა და შემდეგ კვლავ აღდგა. ცვლილებები, რომლებიც, არქეოლოგების მტკიცების თანახმად, მოხდა ძვ. წ. XVI საუკუნეში, სრულიადაც არ არის სავალდებულო დაუუკავშიროთ ახალი ხალხების შემოჭრას საბერძნეთის ტერიტორიაზე. ამ ცვლილებების მთავარი მიზეზები უნდა ვეძებოთ საბერძნეთზე კრეტას დიდ გავლენაში.

მიკენური პერიოდის დასასრულის მოვლენები პრობლემატურია. ბერძნული ტრადიციები მიგვანიშნებენ, რომ სწორედ ამ პერიოდისათვის ბერძნული ეთნოსის ერთ-ერთი განშტოება — დორიელები — შეიჭრნენ პელოპონესში. ტომები, რომლებმაც დაიპყრეს თითქმის მთელი პელოპონესი ცენტრალური ნაწილის გარდა, თავიანთ თავს დორიელებს უწოდებდნენ და ლაპარაკობდნენ ბერძნული ენის მონათესავე დიალექტებზე. მაგრამ შეუძლებელი გახდა არქეოლოგიური მასალების მიხედვით აღმოგვეჩინა კვალი, რომელიც უშუალოდ ამ მიგრაციაზე მიგვითითებდა. თუ ისინი მოგვევლინენ ჩრდილოეთ საბერძნეთიდან, ეს ადგილი არ უნდა ყოფილიყო თესალია, რადგანაც მას უშუალო კავშირი ჰქონდა მიკენურ ცივილიზაციასთან. ერთადერთი მხარე, საიდანაც შესაძლოა დორიელები დაძრულიყვნენ, არის ჩრდილო-დასავლეთი საბერძნეთი, მაგრამ ძნელი სავარაუდოა, რომ ეტოლიისა და ეპირის მთებში ეცხოვრა ისეთ მრავალრიცხოვან მოსახლეობას, რომ მას დაესახლებინა სამხრეთ საბერძნეთი, რაგინდ სუსტი არ უნდა ყოფილიყო მიკენელების წინააღმდეგობა. ვფიქრობ, ამ პრობლემას უნდა გამოეუძებნოთ გაცილებით მეტად საფუძვლიანი ახსნა, მაგრამ ვინაიდან ეს საკითხი არ შედის ამ წიგნის კომპეტენციაში, განსაზღვრული მაქვს იგი შემოვიწინაო შემდგომი განხილვისათვის.

ჩვენ ახლა შევეცდებით მოკლედ აღვწეროთ და აღვადგინოთ საბერძნეთის ისტორია ძვ. წ. XXII საუკუნიდან XII საუკუნემდე. ეს პერიოდი დაიწყო მეომარი ტომების თარეშით. მათ ჰყავდათ ახლანდელზე მცირე ზომის ცხენები და ჰქონდათ განსხვავებული ტიპის კერამიკა. ჩვენთვის ჭერაც უცნობია, თუ საიდან მოგვევლინენ ეს ტო-

მეტი. თავდაპირველად ისინი დამკვიდრდნენ ცენტრალურ საბერძნეთსა და ჩრდილო პელოპონესში. ეს ტომები შეეროვნენ ადგილობრივ მოსახლეობას და შექმნეს ბერძნული ენა, რომელიც შემდეგ გავრცელდა მთელ კონტინენტზე, ალბათ, მაკედონიის გარდა. ჩვენთვის ცნობილი არ არის, თუ როდის აითვისეს ბერძნებმა კუნძულები. თუკიდიდე ლაპარაკობს კრეტელების პრივილეგიაზე ამ არეში და არქეოლოგიური სიზუსტით ასკვნის კარიელების (ხალხი, რომელსაც იგი იცნობდა როგორც სამხრეთ-დასავლეთ ანატოლიის მკვიდრთ) არსებობას ამ კუნძულებზე. კუნძული კრეტა დაპყრობილ იქნა ძვ. წ. XV საუკუნეებში და ეკირათ იმ ტომებს, რომლებიც ბერძნულად არ ლაპარაკობდნენ, ვინაიდან ჩვენ გავგაჩნია მათი ენა წერილობითი სახით და მაინც არ შეგვიძლია მისი იდენტიფიცირება. ექვეგარეშეა, რომ ეს ენა არ არის ბერძნული (ჩედვიკი, 1967. 12—15, 154—56). ამ ენას ვხვდებით B-ხაზოვანით შესრულებულ თიხის ფირფიტებზე, და სხვა წარწერებში, რომლებიც ნაპოვნია კრეტის მრავალ ადგილში და ეგეოსურ კუნძულებზე: ქიოსზე (Κέα — ატკეაში), კითერაზე (Κίθηρα — ლაკონიაში), მელოსზე (milos), როდოსზე და თერაზე (Santorini)*.

სწორედ თერადან ვიცით ყველაზე მეტი კუნძულებზე მინოსური პერიოდის შესახებ. აკროტირის (Akrotiri) ფართო მასშტაბის არქეოლოგიურმა გათხრებმა, რომლებიც მომდინარეობდა აწ განსვენებული პროფესორის ს. მარინატოსის ხელმძღვანელობით, თავდაპირველად გამოაჩინა მხოლოდ ფერდობი, რომელიც უნდა ყოფილიყო დიდი ქალაქის სამხრეთი ნაწილი. მიუხედავად ამისა, აქ აღმოჩნდა შენობების მთელი კომპლექსები. ქუჩები და მოედნები 7—8 მეტრის სიმაღლის კედლებით. თუმცა არც ერთ აქამდე გამოკვლეულ შენობას არ ჰქონია მინოსური სასახლის ტიპური განლაგება. ისეთი, რომელიც კარგად არის ცნობილი კრეტადან. საუცხოო ქვის წყობა და შესანიშნავი ფრესკები მოწმობს, რომ ჩვენ საქმე გვაქვს კერძო ტიპის სასახლესთან. ეს მხარე დასახლებული უნდა ყოფილიყო გავლენიანი მოსელებით და ქმნის შთაბეჭდილებას, რომ იგი წარმოადგენს კრემლის ტიპის კომპლექსს.

დაახლოებით ძვ. წ. XVI საუკუნეში მინოსური გავლენა კონტინენტურ საბერძნეთში მკაფიოდ გამოიხატა. აქ, როგორც ჩანს, დაპყრობას ადგილი არ ჰქონია. მოსახლეობა, რომელსაც უკვე შეიძლება ბერძნები რქმეოდა, იყო მეომარი ხალხი, დაინტერესებული იარაღითა და ნადირობით. ეს მაშინ, როდესაც მინოსელები ცნობრობდნენ ღია სასახლეებში, ბუნებრივ დაცვას მოკლებულ ადგილებში.

* ფრჩხილებში მოგვაქვს თანამედროვე ბერძნული გამოთქმა ამ სახელწოდებებისა.

როგორც ჩანს, კონტინენტური საბერძნეთის ტერიტორიაზე ცივილიზაცია კრეტიდან უნდა შემოსულიყო. მინოსელებში დიდი პოპულარობით სარგებლობდა ასპარეზობა ხარებით. ამას ცხადყოფს არქეოლოგიური გათხრების შედეგად ნაპოვნი ფრესკები და ხელოვნების სხვა ნიმუშებიც. აქვე გვინდა აღვნიშნოთ, რომ სპორტის ამ სახეობას არა-



სურ. 2. თხის დრტიტები კნოსოსიდან, სადაც გამოთხეულია მ-ხაზოვანი წარწერები.


ვითარი კავშირი არა აქვს ესპანურ კორიდასთან, რადგანაც მოასპარეზე ადამიანები არ არიან შეიარაღებულნი. მოასპარეზეს შიშველი ხელებით უნდა გაეღიზიანებინა ხარი. ამის შემდეგ იგი კრიტიკულ მომენტში რაც შეიძლება მაღლა უნდა ამტარიყო, რათა თავს გადაეღობოდა გამძვინვარებულ ცხოველს. მსგავსი სანახაობა ჯერ კიდევ პოპულარობით სარგებლობს სამხრეთ საფრანგეთში და მოასპარეზე ალა-



სურ. 3. ენაელი თერა

მიანისაგან მოითხოვს დიდ გამბედაობასა და სიზამაცს. საიციო არ არის, რომ ძველბერძნული ტრადიცია ამ სანახაობას მიიჩნევდა სისხლისმღვრელ მსხვერპლშეწირვად. ხალხი, რომ ღმაც „ესო ენაზე მოლაპარაკეს“ უწოდა „ბარბაროსი“. კრეტელეს კეთილშობილური სპორტის დანერგვის უფლებას არ ღართავდა.

კრეტული ხელოვნება და ხელოსნობა, და ეკეგარეშეა, კრეტელი ფერმწერები და ხელოსნებიც მრავლად გამოჩნდნენ კონტინენტზე. მე მწამს, რომ ეს ის პერიოდი, როდესაც ხდება დამწერლობის სისტემის ათვისება, კვლავ მინოსელებისაგან, ანგარიშის წარმოების მიზნით. რამდენადაც, ნებით თუ იძულებით, ხელოსნები ერთიანდებოდნენ, დიდგვაროვნებმა, თავიანთ პროდუქციაზე კონტროლის მიზნით, შემოიღეს ანგარიშის წარმოება. მინოსელებმა დიდი ხნის წინათ შეიმუშავეს ანგარიშწარმოების სისტემა და ამასთანავე, დამწერლობა გამოიყენეს სალოცავებზე მიძღვნილი წარწერებისათვის. ბერძნებმა გადაიღეს მინოსური დამწერლობის სისტემა, მიუსადაგეს თავიანთ ენას და სრულყვეს ანგარიშწარმოება. ძალზე მარტივი რეფორმა, რომელიც განახორციელეს, წარმოადგენდა თითოეული ჩანაწერის ახალი ხაზიდან დაწყებას. ამიტომ ფირფიტების ზომა, ჩვეულებრივ, შეესაბამებოდა ტექსტს. რომელიც მასზე უნდა გადაეტანათ.



სურ. 4. კნოსოსის სასახლე (მინოსური სასახლის უტყუარ ნიმუში).

მაგრამ მინოსურ სამყაროში ყველაფერი რიგზე არ იყო. ძვ. წ. XVI საუკუნეში მნიშვნელოვანმა მიწისძვრამ ძლიერი ზიანი მიყენა თერას, და აშკარად იმედგარეულად კრეტასაც. მსგავსი მოვლენა რეგისტრირებულია კნოსოსის, ფესტოს და კრეტის სხვა ადგილების არქეოლოგიურ შრეებზე. მოვლენები XVI საუკუნეში უნდა ყოფილიყო

განსაკუთრებით სასტიკი. მიუხედავად ამისა, როგორც კი სტიქია მი-
წუნარდებოდა, მინოსელები დაუყოვნებლივ აღადგენდნენ თავიანთ ქა-
ლაქებს და ცხოვრება კვლავინდებურად გრძელდებოდა. რასაკვირვე-
ლია, მომდევნო პერიოდებისათვის შესამჩნევია მზარდი განვითარები-
სა და აყვავების ნიშნები.



სურ. 5. პავია-ტრიადაში აღმოჩენილი ერთ-ერთი ვაზა, რომელსედაც გამოიხატულია „სარების სპორტი“.

არტუ დიდი ხნის შემდეგ, დაახლოებით ძვ. წ. 1500 წელს, პროფესორ მარინატოსის აზრით, კუნძულ თერას სასტიკი ზიანი მიაყენა მიწისძვრებმა, რომლებსაც თან ახლდა ვულკანური ამოფრქვევები. მოსახლეობის ნაწილი, სავარაუდოა მაღალი ფენა, გადასახლდა უფრო საიმედო კუნძულ კრეტაზე. მოგვიანებით თერაზე საშინელი უბედურება დატრიალდა. ვულკანმა კვლავ, ამჯერად უფრო ძლიერად, იფეთქა და კუნძულის ქალაქები ფერფლის ფენით დაფარა. ვულკანის მძვინვარებამ მიაღწია კლდოვანი მთის მასივებს და რამდენიმე მძლავრმა ამოფრქვევამ ამ მთების ნაწილი ზღვაში ჩარეცხა. ამჟამად ამ ადგილას დარჩენილია მხოლოდ კუნძულის ნაშთი. შემორჩა პატარა კუნძული, რომელიც ოდესღაც თერას დასავლეთ ნაწილს წარმოადგენდა. ისეთი მძლავრი ვულკანური ამოფრქვევები, როგორც მოხდა კუნძულ თერაზე, ძალზე იშვიათი მოვლენაა. ეს ვულკანური ამოფრქვევა შეიძლება შეეადაროთ კუნძულ სუმატრასა და იავას შორის მდებარე სრუტეში არსებულ კუნძულ კრაკატაუს კატასტროფას, რომელიც მოხდა ჩვ. წ. 1883 წელს.

ამ მეცნიერულად დამოწმებულმა შემთხვევამ დიდი კამათი გამოიწვია. მოსაზრება, რომელიც ამ მოვლენას უკავშირებს პლატონის მიერ მოთხრობილ უცნაურ ამბავს ჩაძირული მიწის — ატლანტიდის — შესახებ, შეგვიძლია ადვილად უარვყოთ იმის გამო, რომ თუ ეს ეხება თერას, პლატონის ცნობაში სამი მნიშვნელოვანი შეცდომაა (სივრცე, თარიღი და მდებარეობა), რომ აღარაფერი ვთქვათ ნაკლებად საყურადღებო შეცდომებზე; და თუ ეს ნამდვილად არის ამ მოვლენის შორეული ანარეკლი, მაშინ იგი ძალზე დამაზინებელი ცნობაა იმისათვის, რომ დაგვეხმაროს ჭეშმარიტების დადგენაში, თუმცაღა იგი გაართობდა გამოცანათა მოყვარულთ.

ვულკანური ამოფრქვევის შედეგები გავრცელდებოდა ყველგან. დარწმუნებული უნდა ვიყოთ, მისი ხმა განსაკუთრებით ძლიერი და შემაშფოთებელი იქნებოდა. კრაკატაუს ვულკანური ამოფრქვევის ხმა გაისმა აესტრალიაში, აქედან გამომდინარე, თერას კატასტროფას შეიტყობდა მთელი ეგეოსური კუნძულები ვულკანური ამოფრქვევის შემადრწუნებელი გრგვინვის მეშვეობით. ვულკანიდან ამონატყორცნ ფერფლის ღრუბელს ცა უნდა დაეფარა ასობით კილომეტრზე. მაგრამ ყველაზე მნიშვნელოვანი გავლენა ვულკანურ ამოფრქვევას ზღვაზე უნდა მოეხდინა — როცა კლდოვანი მთის კედელი იყოფა ორ ნაწილად და ირეცხება ზღვაში, მას შედეგად უნდა მოჰყვეს ისეთი ტალღების წარმოქმნა, რომელიც ცნობილია იაპონური ტერმინით — ცუნამი. ამ ტალღებს უნდა მიეღწია ეგეიდის კუნძულებამდე.

ექვევარეშეა, რომ სანაპირო ზოლის მთელი რიგი დასახლება ზღვაში ჩაირეცხებოდა, მაგრამ ამის დასამტკიცებლად არა გვაქვს არ-

ქეოლოგიური მასალები. უფრო მეტიც, ზღვის ტალღების მოქმედება მეტად კომპლექსური უნდა იყოს. კრაკატაუს ვულკანური ამოფრქვევის შემდეგ წყლის დონემ ისე უმნიშვნელოდ დაიწია, რომ კრაკატაუს მახლობლად რეიდზე მყოფი ხომალდები გადასცემდნენ ცნობას ტალღების ნორმალური მდგომარეობის შესახებ; შედარებით უვნებლად უნდა დარჩენილიყო მინოსელების ფლოტიც, თუ თერაზე ვულკანური ამოფრქვევის მომენტში ისინი იმყოფებოდნენ კუნძულ კრეტას სამხრეთით. მაგრამ ეპიცენტრიდან მოშორებით ამოფრქვევა იწვევს უზარმაზარ ტალღებს. მაგალითად, კრაკატაუს შემთხვევაში ტალღების სიმაღლემ 30 მეტრს გადააჭარბა. ამგვარად, უნდა ვივარაუდოთ შემდეგი: იმ შემთხვევაში, თუ მინოსელების ხომალდები თერაზე ვულკანური ამოფრქვევის დროს იმყოფებოდნენ კრეტას ჩრდილოეთით, ისინი პატარ-პატარა ნაწილებად უნდა დამსხვრეულიყვნენ. სრულიად დასაშვებია, რომ ყოველივე ამან მწყობრიდან გამოიყვანა მინოსელთა ფლოტი, და, როგორც ჩანს, ეს ის ძალა იყო, რომელმაც კრეტელები აიძულა იმ პერიოდისათვის თავი შეეკავებინათ ეგეოსური კუნძულებისაკენ გალაშქრებისაგან. როგორც ჩანს, მინოსელებს ბერძნებთან შედარებით ნაკლებხელსაყრელი პირობები გააჩნდათ გემომშენებლობის აღდგენისათვის. მხოლოდ მას შემდეგ, რაც ბერძნებმა დაიპყრეს კრეტა, მათ შეეძლოთ აღედგინათ ფლოტი, რომელიც მინოსელებისაზე გაცილებით ძლიერი აღმოჩნდა და აუცილებელ ძალას წარმოადგენდა წარმატებული ლაშქრობებისათვის. აქედან მოყოლებული მინოსელებმა დათმეს თავიანთი პოზიციები, როგორც ზღვის მმართველებმა. უნდა ვივარაუდოთ, რომ ეს ის პერიოდია, როდესაც საბერძნეთში დაიწყო საფორტიფიკაციო ნაგებობათა მშენებლობა.

ვულკანური ამოფრქვევის მესამე შედეგი ყველაზე ძნელად გასათვალისწინებელია, მაგრამ, შესაძლოა, ყველაზე დამაზიანებელი. ვულკანიდან ამოტყორცნილი ფერფლი უნდა შეჭრილიყო ატმოსფეროში და დაბრუნებულიყო დედამიწაზე წვიმის მსგავსად. ორი ამერიკელი გეოლოგის დ. მ. ნინკოვიჩისა და ბ. ს. პოზენის ნაშრომის (1965 წ.) თანახმად, ფერფლის ნაშთები აღმოჩენილია წყალში, თერას ირგვლივ. სხვადასხვა მიმართულებით გაფანტული ფერფლის სისქე მოწმობს, რომ ქარი მძვინვარებდა ჩრდილო-დასავლეთით. ყოველივე აქედან გამომდინარე, ფერფლი უნდა მოფენილიყო ცენტრალური და აღმოსავლეთ კრეტას და დოდეკანესოსის მიდამოებში. ძნელია დავაზუსტოთ ფერფლის ნალექის სისქე. იგი რომ ყოფილიყო ათი სმ სისქის, როგორც ვარაუდობენ, მაშინ ეს ნალექი გამანადგურებლად იმოქმედებდა მცენარეულ სამყაროზე. აქვე უნდა აღინიშნოს, რომ ასეთი სახის ფერფლის მცირე რაოდენობა სასარგებლოც არის ნიადაგისათვის — ქარის საშუალებით ფერფლი მოეფინებოდა მიწას და აღად-

გენდა ნაყოფიერებას. ანალოგიური შემთხვევა დამოწმებული იყო კრაკატაუს ვულკანური ამოფრქვევის დროს, მაგრამ აქვე არ შეიძლება გვერდი ავუაროთ ერთ მნიშვნელოვან ფაქტორს — კრაკატაუ მდებარეობს ტროპიკული წვიმების ზონაში, კრეტაზე კი ეს უნდა იყოს პერიოდი, როდესაც კუნძულის აღმოსავლეთ ნაწილი გახდა უნაყოფო. აქვე უნდა აღინიშნოს, რომ არქეოლოგიური მასალები არ გვაძლევს ზემოაღნიშნული მოვლენის დამამტკიცებელ არაერთარ საბუთს. პირიქით, სასახლეები ისევე აღზევებულა.

ჩერ კიდევ საიდუმლოებითაა მოცული ერთ-ერთი მნიშვნელოვანი მოვლენა. კუნძულ თერაზე ვულკანური ამოფრქვევა თარიღდება გვიანმინოსური I-A პერიოდის დასასრულისათვის (დაახლოებით ძვ. წ. 1500 წელი), ხოლო გვიანმინოსური I-B პერიოდის ბოლოს, დაახლოებით ძვ. წ. 1450 წელს ძლიერმა კატასტროფამ დაანგრია კრეტული სასახლეები. მინოსური სასახლეები მთელ კრეტაზე, შესაძლოა კნოსოსის გარდა, ცეცხლის ალში გაეხვია. ცდუნება, რომ მინოსური პერიოდის კრეტის დანგრევა ქრონოლოგიურად უშუალოდ მივაწეროთ თერაზე ვულკანური ამოფრქვევის შედეგებს, ძალზე დიდია. მაგრამ, მიუხედავად ამისა, მეტად ძნელია დროის ინტერვალის გამოთვლა, ვინაიდან იგი მეტისმეტად დიდია იმისათვის, რომ ეს ორი მოვლენა ერთმანეთს დაგუკავშიროთ. გარდა ამისა, წარმოუდგენელია ვულკანურ ამოფრქვევას გამოეწვია ისეთი ხანძარი, რომელიც გავრცელდებოდა 160 კმ-ის მანძილზე. სავარაუდოა, რომ თერას ვულკანური ამოფრქვევის შედეგებმა იმდენად დაასუსტა მინოსური ხელისუფლება, რომ ბერძნებმა მოახერხეს, ყოველ შემთხვევაში ერთი თაობით გვიან, მისი დაპყრობა და მინოსური ძალაუფლების ყველა ცენტრის განადგურება, კნოსოსის გარდა, სადაც ისინი დასახლდნენ ჩინებულ ადგილებზე და სასახლეების ზოგიერთი ნაწილი გადააკეთეს თავიანთი გემოვნების მიხედვით.

ამ მოვლენის შედეგი უნდა ყოფილიყო ის, რომ დაახლოებით ამავე პერიოდისათვის კონტინენტზე სახლდებიან კრეტელი ხელოსნები. გაგვაჩნია ცნობები, რომლებიც ადასტურებენ მათ დამკვიდრებას კონტინენტზე მომდევნო პერიოდის განმავლობაშიც. კრეტაზე ძლიერი ცენტრალიზებული მმართველობა იყო, მაგრამ ესეც ხანმოკლე აღმოჩნდა. კვლავ აუხსნელი მიზეზით გადაიწვა კნოსოსის დიდებული სასახლე და იგი უკვე აღარასოდეს ყოფილა სატახტო ქალაქი. ამ მოვლენის ზუსტი დათარიღებაც ძალზე რთულია, მაგრამ, ალბათ, ეს უნდა მომხდარიყო ძვ. წ. XIV საუკუნის I ნახევარში. რასაკვირველია, ეს იმას არ ნიშნავს, რომ კნოსოსში მეფე კვლავ არასოდეს ყოფილა. მან აიშენა სასახლე, მაგრამ სად, — არ არის ცნობილი; იგი

უნდა ყოფილიყო ძალზე სუსტგავლენიანი მეფე, რომელსაც არ შეეძლო თავისი ნება-სურვილი მოეხვია თავს კრეტის სხვა მმართველებზე.

ამ ეპოქაში ჩვენი ყურადღება გამახვილებულია კონტინენტურ საბერძნეთზე. სამხრეთი საბერძნეთი, შესაძლოა ჩრდილოეთით კუნძულ ბეოტიასა და თესალიას ჩათვლით, წარმოადგენდა ტერიტორიას, სადაც დამკვიდრდა განვითარებული ბერძნული საზოგადოება. მათ ჩვენ მიკენელებს ვუწოდებთ, პირველი მნიშვნელოვანი რეზიდენციის მიკენის სახელწოდების მიხედვით. ეს ადგილი ახლაც არქეოლოგიური გათხრების ცენტრს უნდა წარმოადგენდეს. როგორც ჩანს, მიკენური საბერძნეთი დაყოფილი უნდა ყოფილიყო პატარ-პატარა სახელმწიფოებად, თუმცა ზოგიერთ შემთხვევაში ეს პატარა სახელმწიფოები კლასიკური პერიოდის პოლისებს აღემატებოდა. ჩვენ დღეს წარმოდგენა გვაქვს მიკენის, თებეს, ათენის, ტირინთოსისა და პილოსის სასახლეებზე; თუმცა სასახლეები უთუოდ არსებობდა სხვა ადგილებშიაც, მაგლითად, სპარტაში, ელისში თუ კორინთოს მიდამოებში. მხოლოდ იმ არქივებიდან, სადაც შემონახულია თიხის ფირფიტები, ჩვენ იმედი უნდა ვიქონიოთ, რომ დავადგენთ ტერიტორიის საზღვრებს, რომლებიც აღნიშნულ სასახლეებს ექვემდებარებოდნენ. აქ იგულისხმება ახლანდელი პილოსის არქივი, რადგანაც მიკენისა და თებეს ფირფიტები ძალზე მცირე რაოდენობითაა, რომ მოგვცეს მათზე მუშაობის საშუალება. მაგრამ პილოსის სამეფოს სიდიდე შეიძლება განისაზღვროს გარკვეული გეოგრაფიული ადგილმდებარეობის საშუალებით, და შესაძლებელია ვივარაუდოთ, რომ სხვა სამეფოებსაც, მსგავსად, ეკავათ განსაზღვრული გეოგრაფიული ადგილები. საოცარი იქნებოდა, რომ ლაკონია მთლიანად არ ყოფილიყო იქვე მდებარე სპარტის სასახლეზე დაქვემდებარებული. ასევე, ტირინთოსი ექვემდებარებოდა მიკენს.

მიკენელმა ბერძნებმა თავისი განვითარების უმაღლეს მწვერვალს მიაღწიეს ძვ. წ. XIII საუკუნის დასაწყისში. ეს ის პერიოდია, როდესაც დასახლება ტროა, ცნობილი როგორც ტროა VII-A, განადგურებულ იქნა, აშკარად, შემოსევების შედეგად. მაგრამ არქეოლოგიური მასალების მიხედვით არ დასტურდება ის ვერსია, რომ ტროას განადგურებაში მიკენელების ხელი ურევია.

XIII საუკუნის შუა პერიოდისათვის მდგომარეობა შეიცვალა. მიკენური სასახლეები და მშენიერი მიდამოები გაანადგურა ხანძარმა. ხანძარი და ნგრევა არ შეწყვეტილა, მაგრამ მიკენურ საბერძნეთში ცხოვრება მაინც გრძელდებოდა, ხოლო ცხოვრების დონე კი საგრძნობლად დაქვეითდა. დაკნინდა ხელოვნება: აღარ აგებენ ქვის მშვე-

ნიერ ნაგებობებს, დამწერლობა უქმდება, ხელოსნების ნაწარმი გაუ-
ხეშდა და ცხოვრება მიწათმოქმედების დონემდე დავიდა.

იმ შემთხვევაში, თუკი შევძლებდით ზუსტად დაგვეთარიღებინა
მიკენური საბერძნეთის მოვლენები, ჩვენ ხელთ გვექნებოდა მეტად
საინტერესო პარადიგმები, მაგრამ არქეოლოგები ზუსტად ვერ ათა-
რიღებენ მოვლენებს. როგორც ჩანს, ზოგიერთ ქალაქს არაერთხელ
განუცდია კატასტროფა. მაგალითად, დასახლება მიკენის კედლებს
გარეთ გადაიწვა უფრო ადრე, ვიდრე მის კედლებს შიგნით შენობები.
თებში კი ზედიზედ, ერთმანეთის მიყოლებით, მომხდარა ორი ხან-
ძარი. მაგრამ ზოგადი სურათის ფარგლებში ჩვენ არ შეგვიძლია ზუს-
ტი დასკვნების გამოტანა. დანამდვილებით მხოლოდ ის შეიძლება ვა-
ლიაროთ, რომ მიკენური სამეფოები, გამორჩეული ცივილიზაციის
დონით, განადგურდა. შემდგომი საუკუნეების საბერძნეთი წარმო-
დგენილია მეჩხერი დასახლებებით, რომელიც ნაკლებად იყო დაცუ-
ლი ზღვის მეკობრეებისაგან.

დოკუმენტური მასალები

მიკენური საბერძნეთის შესწავლისათვის მასალას გვაწვდის არა მხოლოდ არქეოლოგიური გათხრების შედეგები. საქმე ამ მიმართულებით დიდად წასწია წინ B-ხაზოვანი დამწერლობის გაშიფერის ფაქტმა (მ. ვენტრისი, 1952). ფირფიტები დამწერლობის ნიშნებით დიდი რაოდენობით არის ნაპოვნი მხოლოდ კნოსოსსა და პილოსში, მცირე რაოდენობით — მიკენსა და თებეში, ხოლო ტირინთოსში იმდენად ცოტა ფირფიტა აღმოჩენილი, რომ მათი იქ არსებობაც კი ეჭვს იწვევს. ზოგ შემთხვევაში ჩვენი ინფორმაცია, შეიძლება ითქვას, იმდენად ბუნდოვანია, რომ განმაზოგადებელი დასკვნების საშუალებას არც კი გვაძლევს. მაგრამ, მიუხედავად ამისა, მიკენური კულტურა საკმაოდ მკაფიო ერთგვაროვნებით ხასიათდება და, შესაბამისად, უცნაური იქნებოდა, საბერძნეთის სხვა ნაწილებში განსხვავებული ცხოვრება გვევარაუდა.

ჩვენამდე მოღწეული ფირფიტების რიცხვის დაზუსტება მეტად რთულია. მათი უმრავლესობა შემორჩენილია თითო-ოროლა ფრაგმენტის სახით. შესაძლებელია ასეთი ფრაგმენტების ფირფიტებად მიჩნევა არც იყოს სწორი — იქნებ ისინი სულ სხვა დოკუმენტურ წყაროს ეკუთვნოდნენ. მიუხედავად ამისა, ჩვენ შეგვიძლია დავადგინოთ ფირფიტების მიახლოებითი რიცხვი. მაგალითად, კნოსოსში ნაპოვნია დაახლოებით 3000, ხოლო პილოსში — 1200 ფირფიტა. მაგრამ, რადგანაც პილოსის ფირფიტების ზომა უფრო დიდია, ფაქტობრივად, ეს წარმოადგენს ჩვენი ინფორმაციის ძირითად წყაროს. ამ ფირფიტებს იმდენად აქვს ჩვენთვის ღირებულება, რამდენადაც ისინი ერთ-ერთი ძირითადი და მნიშვნელოვანი ინფორმაციის წყაროა უძველესი საბერძნეთის ცივილიზაციის შესწავლისათვის. წერილობითი წყაროები რომ არა, არქეოლოგიური გათხრების შედეგები ზედაპირულ წარმოდგენას თუ შეგვიქმნიდა ამ ეპოქის შესახებ. საგულისხმოა, რომ თუ მიკენელებისათვის ფირფიტებს ასეთი დიდი მნიშვნელობა ჰქონდა, მაშინ მათ ისინი სათუთად უნდა შეენახათ, ფირფიტებში უნდა აღეწერათ იმ ეპოქის სამეფოთა ადმინისტრაციული და ეკონომიკური


მოღვაწეობის ზოგიერთი მომენტი. ამასთანავე B-ხაზოვანი დამწერლობის ნიშნები გვხვდება სხვადასხვა პუნქტებში აღმოჩენილ თიხის ქურკლებზეც. თიხის დოქებზე ადვილი შესამჩნევია სხვადასხვა სახის ნიშნები, რომლებიც ალბათ უნდა გამოხატავდნენ ხელოსნის ან ნივთის მფლობელის ვინაობას. მაგრამ, თითქმის ყოველთვის, ეს არის მარტივი, რამდენიმე ხაზის მომცველი ნიშნები. ისინი ადვილად შეეძლო გაემეორებინა წერა-კითხვის უცოდინარ კაცსაც კი. წარწერებზე, როგორც ასეთზე, შეგვიძლია ვილაპარაკოთ მხოლოდ იმ შემთხვევაში, თუკი სახეზეა მინიმუმ სამი ნიშანი ერთიმეორის მიყოლებით. ასეთი სახის წარწერები გვხვდება მიკენში აღმოჩენილ თიხის ქურკლებზე. წარწერა შესრულებულია ქურკლის გამოწვის შემდეგ. დასრულებული სახით ასეთი წარწერები შედგება, ჩვეულებრივ, ერთი სიტყვისაგან. უნდა ვივარაუდოთ, რომ ეს არის საკუთარი სახელი. გარდა ამისა, ნაპოვნია უფრო ვრცელი წარწერების მომცველი თიხის ქურკლის მცირე ჯგუფიც. მათი უმეტესობა ნაპოვნია თებეს გათხრების დროს. ასეთი წარწერები შედგება, როგორც აღვნიშნეთ, ორ- ან სამსიტყვიანი ფორმულისაგან, ჩვეულებრივ, ქურკლის ყელის ირგვლივ, ამიტომაც რთული დასადგენია, თუ სად იწყება და სად მთავრდება ეს წარწერები. მაგრამ, როგორც ჩანს, ნიშუში უნდა იყოს შემდეგი სახის: ადამიანის სახელი, ადგილის დასახელება და სხვა ადამიანის სახელი, მხოლოდ ნათესაობით ბრუნვაში. საინტერესოა, რომ მატერიკზე აღმოჩენილ დოქებზე წარწერილ გეოგრაფიულ სახელთაგან არანაკლებ ოთხი სახელია ცნობილი კნოსოს ფირფიტებიდან, როგორც კრეტის ქალაქების სახელები. უნდა ვივარაუდოთ, რომ მიკენური საბერძნეთის ტერიტორიაზე გათხრების შედეგად ნაპოვნი ქურკლების უმრავლესობა კუნძულ კრეტაზეა დამზადებული.

ფირფიტები დამზადებულია უბრალო თიხისაგან. ზოგ შემთხვევაში, ალბათ, სიმყარისათვის, თიხაში გარკვეული ოდენობით ბალახსაც ურევდნენ. გატეხილ ფირფიტას თუ დავაკვირდებით, ბალახის კვალი დღესაც კი შეიძლება შევამჩნიოთ. ფირფიტებზე წარწერებს აკეთებდნენ ბასრი საგნით. ბასრ საგნებს, მარჯვედ გამოყენების მიზნით, უკეთებდნენ ერთგვარ სახელურს. წარწერების დასრულების შემდეგ, თიხის ფირფიტებს ინახავდნენ გასაშრობად. რამდენიმე საათის, ან ერთი დღის შემდეგ, თიხა გამოშრობოდა ისე, რომ ნაწერი შეიძლებოდა შეესწორობინათ ან ამოეშალათ. მაგრამ, შეცდომები ამგვარ წარწერაზე უკვე რთული ამოსაშლელი იყო და ზოგჯერ მათი პირვანდელი მონახაზი დღესაც კი შეიმჩნევა ხოლმე. „გამზადებულ“ ფირფიტებს ინახავდნენ ან კალათებში, ან შესაძლოა, ხის ყუთებში, მანამდე, სანამ ისინი კარგად არ გამოშრობოდა, და შემდეგ აწყო-


ბდნენ თაროებზე. არ ზიანდებოდა ისინი იმ შემთხვევაშიც კი, თუ შენობას ხანძარი გაუჩნდებოდა. კალათებს, სადაც ფირფიტები ინახებოდა, უკეთდებოდა ეტიკეტი. ასეთი ეტიკეტის ნიმუშები დღემდე შემოგვრჩა. როგორც აღვნიშნეთ, ფირფიტები ხანძრის შემთხვევაშიც კი არ ნადგურდებოდა. პარადოქსალურია, რომ სწორედ ხანძარმა შემოგვინახა ისინი — გამოწვა ფირფიტები, რის გამოც სხვადასხვა ნაწილს ხშირად სხვადასხვა ელფერიც კი დაჰკრავს. მაგრამ ხანძარმავე დაასიანა თაროები, სადაც ფირფიტები ინახებოდა. არქეოლოგებმა აღმოაჩინეს საცავეის იატაკზე დაფანტული ფირფიტე-




(a)



(b)



(c)



(d)

სურ. 6. კნოსოსის ფირფიტებზე გამოსახული იდეოგრაფები.

ბის ფრაგმენტები. საქმის ვითარება გაართულა თვით არქეოლოგთა დაუდევრობამაც, განსაკუთრებით, კნოსოსის პირველი გათხრების პერიოდში. შედარებით უკეთეს მდგომარეობაშია პილოსის ფირფიტები, რომელთა პირველი გამოცემა მოხერხდა 1951 წელს (გამომცემელი, ამერიკელი მკვლევარი ე. ლ. ბენეტი მუშაობდა არქეოლოგ ბლეჯენტან ერთად პილოსის გათხრების დროს — მთ. შენ.). ეს იყო არსებითად წინგადადგმული ნაბიჯი წარწერების გაშიფერის საქმეში. ბენეტის ბოლო გამოცემებს ერთვოდა ახალი ტექსტები და ტექსტთა ინტერპრეტაციების ახლებური, გაუმჯობესებელი ვარიან-

ტები. თუმცა პირველი გამოცემა იმდენად სრულყოფილი იყო, რომ გაუმჯობესებას არც კი საჭიროებდა. ბენეტმა დიდი წვლილი შეიტანა ფირფიტების შესწავლისა და კლასიფიკაციის საქმეში. იდეოგრა-მების შესწავლის საფუძველზე პროფესორმა ბენეტმა სრულყოფირფიტების სერებად დაყოფის საქმე. სერებად დაჯგუფების პრინციპი იყო ის, თუ, სახელდობრ, რას აღნუსხავდა ცნებების გან-მაზოგადებელი ნიშნებით — იდეოგრამებით — დახუსტებული ჩანა-წერები. გაშიფვრის საქმე გარკვეული თვალსაზრისით გააადვილა აგრეთვე თვით მიკენელი საქმეთა მაწარმოებლების კლასიფიკაცია-მაც — გარკვეული თემატიკის ჩანაწერები ერთად იყო თავმოყრი-ლი და დაჯგუფებული. ხელნაწერების შესწავლაც დიდად დაგვეხმა-რა ფირფიტებთან დაკავშირებული ამოცანის გადაჭრაში. მიკენური პერიოდის ხელწერა განსხვავებული იყო ისევე, როგორც იგი გან-სხვავდება დღესაც. გადამწერთა სპეციფიკური ხელწერა, აგრეთვე, გვაძლევს საშუალებას მოვახდინოთ ჩანაწერების კლასიფიკირება. მაგალითად, გადმობრუნებული V-ფორმა წარმოადგენს მრავალი ნიშნის ბაზისს. იმის მიხედვით, თუ რა პოზიცია უკავია, მაგალითად, ამ V-ფორმას, შეგვიძლია ხელწერათა დახარისხება. თუ დავაკირ-დებით საწერი ინსტრუმენტის კვალს თიხაზე, შეგვიძლია დავადგი-ნოთ მიმდევრობა, თუ რა პრინციპით ხერხდებოდა წარწერების გა-მოყვანა ფირფიტებზე. ამ ნიშნების შესწავლით, ბენეტმა (1958 წ.) და ოლივიემ (1967 წ.) შეძლეს მეტ-ნაკლები სიზუსტით დაედგინათ კნოსოსისა და პილოსის ყველაზე პროდუქტიულ გადამწერთა ხელ-წერები.

როგორც ჩანს, ერთგვაროვანი თემატიკის ფირფიტებზე წარ-წერებს აკეთებდნენ ერთი და იგივე პირები, თუმცა გამონაკლისიც გვხვდება. ეს არის შემთხვევა, როდესაც ფირფიტაზე მუშაობდა ორი გადამწერი. ასეთი ფირფიტების რაოდენობა კნოსოსში აღწევს 70-ს, ხოლო პილოსში დაახლოებით 40-ს. ეს იმას ნიშნავს, რომ გადამწე-რები, ახლო აღმოსავლეთის გადამწერების მსგავსად, არ ყოფილან პროფესიონალი მწერლები. ესენი იყვნენ წერა-კითხვის მცოდნე თა-ნამდებობის პირები, რომლებიც საჭიროებისდა მიხედვით ადგენდნენ ფირფიტებსაც, თუმცა უპირატესად სხვა საქმეებით იყვნენ დაკავე-ბულნი. ზოგი მაღალი თანამდებობის მოხელე, შესაძლოა, თავად იშვიათად ასრულებდა გადამწერის საქმეს. მას ამისათვის ქვეშევრ-დომები, მოხელეები ჰყავდა, მაგრამ ხანდახან მაღალი თანამდებობის პირიც იძულებული იყო საწერი მოწყობილობა მოემარჯებინა.

უეჭველია, დაწესებულებაში სამსახურს მობეზრების მომენტე-ბიც ახლდა და ალბათ, მაშინ, შესვენების დროს, ფირფიტების მეო-რე მხარეს მოხელე პატარ-პატარა ჩანახატებსაც აკეთებდა. მიკენის,

კნოსოსისა და პილოსის ფირფიტები მიანიშნებს ჩვენი ვარაუდის კეშმარიტებას. კნოსოსის ფირფიტებზე გამოსახულია ყური, თავი და თვით ცხოველი, მიკენის ფირფიტაზე ადამიანი, ხოლო პილოსის ფირფიტაზე დახატულია ლაბირინთის სქემა.

დამწერლობის ყველა ნიმუშს ერთად თუ მოვეყარეთ თავი, აღმოჩნდება, რომ თითოეულ მოხელეს თავისი საქმე ევალეობოდა და მასზე აგებდა პასუხს. მაგალითად, ერთი პილოსის მოხელე, როგორც ჩანს, ადგენდა ფირფიტებს, სადაც აღნუსხული იყო ეტლის თვლები.

ფირფიტებზე ერთხელ შესრულებული წარწერის შესწორება ან წარწერის გაგრძელება, როგორც ზემოთ აღვნიშნეთ, შეუძლებელი იყო, რადგანაც თინა სწრაფად შრებოდა. აქედან გამომდინარე, ერთ ფირფიტაზე სამუშაო უნდა დასრულებულიყო გარკვეულ პერიოდში. დიდი ზომის, ვრცელი ჩანაწერის მომცველ ფირფიტაზე მუშაობა შეუსვენებლივ უნდა წარმოებულყო. თუკი ინფორმაცია იყო ერთჯერადი, მაშინ თითოეულს დასკირდებოდა ცალკე ფირფიტა. შემდეგ ხდებოდა ასეთი ფირფიტების კლასიფიკაცია. როცა კლასიფიკაციაც დასრულდებოდა, ინფორმაციას, საჭიროების შემთხვევაში, დიდ ფირფიტაზე გადაწერდნენ ხოლმე. ჩვენ ხელთა გვაქვს ასეთი სახის ფირფიტების ნიმუშები (მაგალითად, ე. წ. „მიწისმფლობელის“ ფირფიტა პილოსიდან). პრობლემებს განაპირობებს გადამწერთა შეცდომებიც. მიკენელი გადამწერებიც ისეთივე „საიმედონი“ იყვნენ, როგორი „საიმედო“ გადამწერებიც არსებობენ, ვთქვათ, დღეს. მათაც შეეძლოთ გამოეტოვებინათ ნიშანი ან არასწორად დაეწერათ ისინი, ან შესაძლოა, ერთი და იგივე სახელი სხვადასხვაგვარად ჩაეწერათ. ეს, თავისთავად, არ იყო დიდად თავსამტკრვეი მათთვის, ვისაც ჩანაწერი უნდა წაეკითხა, ჩვენ კი ეს სერიოზულ დაბრკოლებად წარმოგვიდგება. ან, მაგალითად, ზოგიერთ შემთხვევაში ერთი და იგივე ფორმულა მეორედებოდა ოდნავ განსხვავებული სახით. ამ შემთხვევაში ძნელია გადაჭრით ვადიაროთ — შემთხვევითობაა ეს, თუ წინასწარგანზრახული კანონზომიერება. შეცდომა შეიძლება აღმოვაჩინოთ მხოლოდ მაშინ, თუ თავად გადამწერმა შეასწორა იგი (ვიღრე ფირფიტა ჭერ კიდევ სველი იყო). გასწორებული შეცდომები ფირფიტაზე ადვილი შესამჩნევია. საცავების არასრულყოფილი შემადგენლობა დღემდე გვიქმნის პრობლემებს, მაგრამ ამ სირთულის დაძლევა შესაძლებელია, თუ აღმოვაჩინთ ფირფიტებს, რომლებშიც სამუშაო შესრულებულია ერთი და იმავე თემაზე. არსებობს სხვა მეთოდიც, განსაკუთრებით, ე. წ. „შემაჯამებელი ანგარიშების“ მომცველი ფირფიტებისათვის: თუ, მაგალითად, ჩვენს ხელთ არსებულ ფირფიტებში მოყვანილი რიცხვები აღწევს მთელი ჯამის 70%-ს, სავარაუდოა, დანარჩენი 30%-ის მომცველ ფირფიტებს ჩვენამდე არ მოუღწევია.

ყველაზე დიდი ხარვეზები, ჩვენი ინფორმაციის თვალსაზრისით, იძულებულნი ვართ შევეავსოთ შემდეგი ვარაუდით: როგორც ჩანს, ხანძარმა გაანადგურა არაგამძლე მასალაზე შესრულებული ჩანაწერები. ყველა ანგარიშით თიხის ფირფიტებზე უნდა ყოფილიყო ნაკლებმნიშვნელოვანი საარქივო მასალა. თვით დამწერლობის ნიშნების ფორმა მიგვიითითებს, რომ დამწერლობა თიხაზე საწერად არ იყო განკუთვნილი. თიხა, აშკარად, წარმოადგენს დაბალხარისხოვან საწერ მასალას, რომელიც, ალბათ, დიდი მოთხოვნილებით არცკი სარგებლობდა. შეიძლება ვივარაუდოთ, რომ უკეთესი საწერი მასალა უფრო ძვირიც იყო. გაუგებრობას, შესაძლოა, განაპირობებს ფირფიტათა საცავებიც. შავალითად, პილოსის მრავალრიცხოვანი ჩანაწერები აღნუსხავენ ეტლის მხოლოდ თვლებს, მაშინ, როდესაც კნოსოსის ფირფიტებზე აღნუსხულია ეტლიც და თვლებიც. პილოსში ასეთი ფირფიტები საერთოდ არ აღმოუჩენიათ. კნოსოსისა და პილოსის გათხრების არე მხოლოდ ამ ქალაქების ნაწილს მოიცავს, თუმცა ეს ნაწილი ერთობ მნიშვნელოვანია. რამდენადაც ინფორმაციის ნაკლოვანების ერთ-ერთი ძირითადი მიზეზი უკავშირდება წელიწადის იმ დროს, როცა სასახლეები განადგურდა, მცირე ფორმის მოგრძო ფირფიტებს, ჩვეულებრივ, ადარებენ პალმის ფოთლის ფორმას. სახელწოდება „პალმის ფოთლისებური“ წარმოშობილია ძველ მწერლებთან ასოციაციით, ესაა უპირატესად, ხელოსნის შემოქმედება, ზომით იგი ჩანაწერის ტექსტის სიდიდესთანაა შეფარდებული. ზოგ შემთხვევაში, ესაა მცირე ფირფიტების ჯგუფი, გამოყენებული ერთი ვრცელი ფირფიტის სანაცვლოდ (ყველაზე ვრცელი 16X27 სანტიმეტრის, დაახლოებით 3 სმ სისქისაა. უმეტესობა გაცილებით უფრო მცირე ზომისაა), იკითხება დაახლოებით, როგორც, მაგალითად, კართოტეკის ბარათი (სხვა აღნუსხულ ფირფიტებთან ლოგიკური ერთიანობის გათვალისწინებით); რიცხვითი სახელები ჩანაწერებში პრობლემას არ ქმნის, თუ არ გავითვალისწინებთ, რომ ისინი ხან დაზიანებულია, ხან არასრულყოფილი; დამწერლობის კიდევ ერთი ელემენტი — იდეოგრამა — არის რიცხვითების წინ თავმოყრილ ნიშანთა განმარტავადებელი სახელი და აღნიშნავს აგრეთვე თვლად რაოდენობასაც. იდეოგრამები უფრო ხშირად ხატოვანია და ადვილად შეიძლება გამოვიცნოთ, მაგალითად, კაცები, ქალები, ცხენები, ეტლები, თვლები, მარხილები, თასები და სხვა. სხვა ნიშნები იმდენად სტილიზებულია, რომ ერთბაშად ძნელი გამოსაცნობია. ამ შემთხვევაში უნდა დავეყრდნოთ ჩანაწერების კონტექსტს (სტილიზებული ტიპისაა: ცხვრები, თხები, ხარები, ზეთისხილის ნაყოფი, ხორბალი, ქერი, ტანსაცმელი). ზოგჯერ განმარტავადებელ ნიშანს ცვლის მარტელოვანი ნიშანი, როგორც ერთგვარი შემოკლება (თუმცა, სამწუხაროდ, ამგვარი შემოკლებანი ჩვენთვის უცნო-

ბია). ფართო, ე. წ. „ბრტყელი ფორმის“, ფირფიტები, ჩვეულებრივ-კანონზომიერებას არ ემორჩილება. ასეთი ფირფიტები შეიძლება იყოს ან ვრცელი დოკუმენტი, ან რაიმე ჩანაწერის ნაწილი. ზოგჯერ საბუთი ერთი ან ორი შავი ხაზით დაყოფილია მონაკვეთებად. ძალზე ხშირად ვრცელ ფირფიტებზე აღნუსხულია საკუთარი სახელები (გარკვეული ფორმულის მიხედვით). ხშირ შემთხვევაში ასეთი ფირფიტების ზედა კიდე დაზიანებულია და შესავალი ტექსტი, ის, რაც ფაქტიურად წარმოადგენს დოკუმენტის არსს, ან დაკარგულია, ან ფრაგმენტულია.

დამწერლობის სისტემა უხეშია, თუმცა შეესაბამება საცაგებში არსებულ მასალას. სახელები და სიტყვები ჩაწერილია მარცვლოვანი ნიშნებით. მათი ფორმების რეკონსტრუქცია ხერხდება შესაბამისი ბერძნული სიტყვების საფუძველზე. მაგალითად, de-do-me-na მეცნიერებმა ადვილად აღადგინეს ბერძნული dedomena-ს მიხედვით და ა. შ. ზოგ შემთხვევაში რეკონსტრუქციას ართულებს კლასიკური ენისაგან განსხვავებული დიალექტური ფორმების შემთხვევები. დამწერლობის უმარტივესი რიცხვითი სისტემა თანამედროვე სისტემის ადეკვატურია. აქ ჩვენ ვხვდებით რიცხვებს 1-დან 5-მდე. მაგარმ ისევე, როგორც ანტიკური პერიოდის ყველა ცნობილ სისტემაში, აქაც ვერ ვხვდებით ნულის ნიშანს. შეიძლება ვივარაუდოთ, რომ მარტივი არითმეტიკული ოპერაციებისათვის იყენებდნენ დამხმარე საანგარიშო ხელსაწყოებს. არსებობდა სპეციალური ზომა-წონის ერთეულებიც.

ერთ-ერთ ძირითად სირთულეს წარმოადგენს არა „მონაცემების“, არამედ მათი შინაარსის ამოკითხვა. შეიძლება ითქვას, რომ ამ მიმართულებით, მართალია, ნელი ტემპით, მაგრამ მაინც არის შესამჩნევ ცვრები. ამ წიგნშიც წარმოდგენილია არსებული მონაცემების მიხედვით მიკენური სამყაროს რეკონსტრუქციის ცდა.

მიკენური გეოგრაფია

მესენია

პილოსის მეფეს თავისი სასახლიდან გადაეშლებოდა მთელი პელოპონესის დასავლეთი სანაპიროს სამხრეთ ნაწილის ხედი. პილოსს ჩრდილო-აღმოსავლეთით აკრავს გრძელი მთის ქედი, რომელსაც დღეს ჰაგია ეწოდება. მისი სიმაღლეა 1,218 მეტრი. ეს ქედი გადაჭიმულია ჩრდილოეთითა და სამხრეთით, სადაც მთების სიმაღლე თანდათან კლებულობს და მასზე გადის მაგისტრალი კალამატასკენ. სამხრეთით გამოჩნდებოდა მთა, დღევანდელი ლიკოლიმოსი. ეს მთა მდებარეობს დღევანდელ პილოსზე დაბლა. ნაფარინოს ყურე ქმნის საუცხოო ნავსადგურს, რომელიც ზღვისაგან დაცულია კუნძულ სფაქტერიას კლდით. სწორედ აქ, 425 წელს ჩვ. წ. აღ-მდე, გაანადგურა სპარტელების ფლოტი ათენელების ფლოტმა. ყურეში მთავარი შესასვლელია სამხრეთ-დასავლეთით და იგი, თუმცა წყალმცირეა, მაინც მოსახერხებელია დიდი ხომალდების მისადგომადაც კი. ყურიდან ჩრდილოეთით, კუნძულ სფაქტერიასა და კონტინენტს შორის, არის ვიწრო გასასვლელი, რომელიც სასახლიდან არ ჩანს, რადგან ფარავს კლდოვანი მთები. ეს მთები კი ყურის ჩრდილოეთით გადაპყურებს ლაგუნს; ლაგუნის ნაწილი დღეს ამომშრალია. აქვეა პატარა ყურე, რომელსაც ვოიდოკილიას ან „ხარის ჩუმბოს“ უწოდებენ. თავის დროზე ეს ყურეც მშვენიერი ადგილი იქნებოდა ნავსადგურისათვის. მახლობელ მიდამოებს ემჩნევა მიკენური ოკუპაციის კვალი და ჩანს, მეზობელ მიდამოებში დასახლებაც უნდა ყოფილიყო. ყურედან მეფის სასახლე 6 კმ-ით უნდა ყოფილიყო დაცილებული.

იყო თუ არა ეს ტერიტორია პილოსის მეფის გამგებლობაში და თუ იყო, სადამდე ვრცელდებოდა მეფის ძალაუფლება? საკითხთან დაკავშირებით, განვიხილოთ, ზოგადად, გეოგრაფიული ასპექტები. სასახლე, აშკარად, არის გარემომცველი ტერიტორიის ადმინისტრაციული ცენტრი. ასეთი ცენტრები, საერთოდ, უნდა მდებარეობდეს მოხერხებულ ადგილებში კომუნიკაციის დამყარების მიზნით. სანაპი-

რო ზოლში კომუნიკაცია უნდა განხორციელდებულყო მარტივად ჩრდილოეთ და სამხრეთ მიმართულებით, ვინაიდან ამ მიდამოებში მთები ორ ადგილას ადვილი გადასალახავი უნდა ყოფილიყო: კიპარისიას ზემოთ, 30 კმ ჩრდილოეთით და მთის სამხრეთით — ნავარინოს ყურის მოპირდაპირე მხარისაკენ. ეს ფაქტი თავისთავად მეტყველებს, რომ პილოსის სამეფო ვრცელდებოდა კიპარისიას ჩრდილოეთით, თუმცა აქ არის სასაზღვრე ნიშანი — დამცველი გამაგრების ზოლი სამხრეთით, სადაც მთები ზღვასთან ახლოს მიდიოდა. არსად ჩანს სასაზღვრო ხაზი თანამედროვე პილოსამდე. მხოლოდ ზემოთ მდებარეობს პატარა ნახევარკუნძული, რომელიც აკრიტასის კონცხით ბოლოვდება. როგორც ჩანს, სამეფო ვრცელდებოდა კიპარისიადან მე-თონიამდე, სანაპირო ხაზის გასწვრივ.

კიპარისია მოითხოვდა გამაგრებულ ზოლს. ჩვენთვის ცნობილია, რაოდენ მკიდროდ იყო დასახლებული მიკენურ პერიოდში ვრცელი ხეობა. მკიდროდ იყო დასახლებული მთავარი ხეობაც და ჩრდილოეთით და სამხრეთით მიმდებარე ხეობებიც. ამჟამად ეს მხარე წარმოადგენს არქეოლოგიური გათხრების ობიექტს. კიპარისიას ჩრდილოეთ საზღვარზე მდინარე ხეობას ქმნის არცთუ მაღალი მთების ზოლში. ვიწრო სანაპირო ზოლი გაჰყვება მდინარე ნედას სამხრეთით. ამ ადგილას შეიძლება ყოფილიყო სამეფოს ჩრდილოეთი საზღვარი. მაგრამ რამდენად შორს ვრცელდებოდა ჩრდილოეთით ეს საზღვრები?

იმ პერიოდში სამეფოები შემოსაზღვრული იყო ბუნებრივი „დამცველი ზოლით“, მაგალითად, მთების მასივებით, მდინარეებით, ხრახებით და სხვ. ამას სტრატეგიული მნიშვნელობა ჰქონდა. ასე რომ, პილოსის სამეფოს ჰქონია მშვენიერი ბუნებრივი დამცველები: მდინარე ნედა და მთის მასივი. ამგვარად, არავითარ ეჭვს არ იწვევს, რომ მდ. ნედაზე გადიოდა სამეფოს ჩრდილოეთი საზღვარი, მითუმეტეს, რომ სახელწოდება „ნედა“ შეიძლება აღვადგინოთ წერილობითი წყაროებიდანაც. ამ წერილობითი წყაროების მიხედვით, თუმცა მათ თან არ ახლავთ რუკები, დიდ სიძნელეს არ წარმოადგენს დავადგინოთ, თუ რომელი სიტყვაა გეოგრაფიული ადგილის აღმნიშვნელი, მათი იდენტიფიცირება შეგვიძლია ჩვენთვის ცნობილ გეოგრაფიულ სახელებთან. სიტყვა — Pu-ro უნდა იყოს ჩვეულებრივი მიკენური ტრანსკრიფცია — Pulos ანუ პილოსი, ამ სიტყვას აუცილებლად კავშირი უნდა ჰქონდეს სასახლესთან. ანტიკური ხანის გეოგრაფის მიხედვით სახელი, რომელიც მის დროს აღნიშნავდა ადგილს ნავარინოს ყელის ჩრდილოეთით, გადმოსულა დღევანდელი ჰაგიას მთის გარშემო მდებარე ადგილის სახელიდან. ახლა ამ სახელს გა-

დაუნაცვლია უფრო შორსაც სამხრეთისაკენ და მისი დღევანდელი ფორმაა — *Pilos*.

მიუხედავად ამისა, როდესაც ვამოწმებთ ადგილების სახელების ნუსხებს, ისინი არ შეესაბამება კლასიკურ გეოგრაფიულ სახელებს, იმ ქალაქების ნუსხებიც კი, რომლებიც დამოწმებულია პომპროსთან ნესტორის სამეფოს სფეროსათვის. მაგრამ ამ სახელებიდან ჩვენ შევიცნობთ ძალზე მცირე რაოდენობას, მაგალითად, *Luktron*-ს. სახელებს შორის ვხვდებით აგრეთვე — *Erkhomenos* (მოგვიანებით, ცნობილია როგორც *ორქომენოსი*. (-მთ. შენ.) და *Korinthos*, რომელიც საეჭვოა, რომ იყოს ჩვენთვის ცნობილი კორინთო. მიკენური საბერძნეთის რუკაზე ერთი და იგივე სახელი რამდენჯერმე მეორდება. ფირფიტებზე აღნიშნული ერთ-ერთი მნიშვნელოვანი ადგილის სახელი იწყება *Pi...*, ხოლო მისი მეორე ნაწილის იდენტიფიცირება არ ხერხდება. ზოგი მეცნიერი თვლის, რომ ეს არის, მთლიანობაში, *Pisa* და აიგივებს კლასიკურ სახელ *Pisa*-სთან, რომელიც ოლიმპიას მახლობლად მდებარეობს. ზოგს კი მიაჩნია, რომ ეს უნდა იყოს *Pi-ja* და აიგივებენ ანტიკურ სახელთან — *Pheiai*, რომელიც მდებარეობს ახლანდელ *Katákolon*-სთან. ჩემი აზრით, ეს სადავო ნიშანი (მეორე ნაწილი) არის *SWá*, მაგრამ ამავე დროს არ გამოვირცხავ, რომ სახელი *Piswa* წარმოადგენს კლასიკურ *Pisa*-ს, რადგანაც *W* ამოვარდა კლასიკური ბერძნულიდან. და მე მაინც ვფიქრობ, ამ სიტყვას უნდა მივუდგეთ როგორც ერთ-ერთ ნიმუშს ორმაგი სიტყვისა. რასაკვირველია, გამორიცხული არ არის, რომ ზოგიერთი მიკენური სახელი, ცნობილი პელოპონესის უფრო შორეული ადგილებიდან, შესაძლოა გადატანილ იქნა ახალმოსახლეების მიერ, რომლებსაც მიუტოვებით სამხრეთ-დასავლეთი პელოპონესი იმ ხანისათვის, რომელიც უნდა მივიჩნიოთ პილოსის დაცემის შემდგომ პერიოდად.

სხვა სახელთა შორის გვხვდება ისეთებიც, რომლებიც, ჩვეულებრივ, ბერძნულ სიტყვებს წარმოადგენენ. მაგალითად, როგორცია *Rhion* — კონცხი, *Kharadros* — ხევი, და *Helos* — ქაობი. მაგრამ პირველი სახელი არ არის ანტიკური ადგილის აღმნიშვნელი, ადგილისა, რომელიც მოგვიანებით ცნობილია როგორც *Asine*. ის მდებარეობს *Cape Akritas* შორეულ მხარეში, მესენიის სრუტის დასავლეთ სანაპიროზე, და ამგვარად არცთუ მოშორებით პილოსთან, ამ მსჯელობის თანახმად. ჩვენ ვხვდებით კიდევ ერთ სახელს, რომელიც ყურადღებას იმსახურებს. ეს არის *Kuparissos*, ხე — კვიპაროსის ბერძნული სახელი. ცნობილია, რომ დღევანდელი ამ ადგილის სახელია *Kiparissia* და ანტიკური სახელი, როგორც ვხედავთ, არის იგივე ან მსგავსი. რასაკვირველია, პომპროსი ამ სახელს მოიხსენიებს

სხვა ფორმით — Kyparissēeis, როგორც ნესტორის სამეფოს ერთ-ერთ მნიშვნელოვან ქალაქს. უდავოა, რომ კიპარისიაში ჯერ კიდევ მრავლად გვხვდება კვიპაროსები, განსაკუთრებით კი მის შორი-ახლოს, სამხრეთისაკენ, Philiatra-ს მახლობლად. ყოველივე აქედან გამომდინარე, ადვილი შესაძლებელია აღნიშნული სახელი ერქვა გარკვეულ ადგილს სადმე ამ არეში.

ამ მიმართულებით კვლევის გაგრძელება აღარ ხერხდება, ვინაიდან ჩვენი ცნობები ამოიწურა. ახლა მიკენური მესენიის რუკის აღსადგენად უნდა გამოენახოთ სხვა საშუალება. იმისათვის, რომ დავადგინოთ, თუ სად რა სახელი უნდა მოთავსდეს, ჩვენ უნდა მივმართოთ ფირფიტებს. უპირველეს ყოვლისა, უნდა დაითვალოს ფირფიტებზე აღნიშნული სახელები. რასაკვირველია, საეჭვოა, არის თუ არა ეს სახელები ნამდვილად გეოგრაფიული ადგილის აღმნიშვნელი. მათი რაოდენობა სახელთა ნუსხაში დაახლოებით 200 უდრის. საფუძვლიანმა არქეოლოგიურმა გამოკვლევებმაც მოგვცეს იგივე ციფრი. რასაკვირველია, ჩვენ არ უნდა ჩავთვალოთ, რომ ფირფიტებზე აღნიშნული ყველა ადგილი აღმოჩენილია და რომ ყველა ის შედიოდა სამეფოს სფეროში.

იმისდა მიხედვით, თუ რამდენად არის დაშორებული ზღვიდან პროვინციები, პირობითად მათ უწოდეს „ახლო პროვინცია“ და „შორეული პროვინცია“ („ახლო“ — ზღვასთან ახლო მდებარე, „შორეული“ — მოშორებით მდებარე). მკვლევარებმა მიახლოებით დაადგინეს „ახლო პროვინციის“ ჩრდილო და სამხრეთი საზღვრები, რადგანაც ყველა ქალაქი არ მდებარეობს სანაპირო ზოლის გასწვრივ. ამ ტერიტორიაზე, მონაცემების მიხედვით, შეიძლება ბუნებრივი საზღვრების დადგენაც, მაგრამ ყველაზე რთულია შევადგინოთ ახლო და შორეული პროვინციების მიახლოებითი რუკა.

კონკრეტულ დეტალებს და ადგილთა სახელწოდებებს გვკარანახობს ფირფიტები. მეტ-ნაკლები სიზუსტით შესაძლოა რუკაზე ადგილთა სახელების იდენტიფიკაცია. ჩვენ გვაქვს ადგილების სახელების ნუსხა და მისი საშუალებით შეგვიძლია გავანაწილოთ ისინი რუკაზე. ამ ნუსხაში წარმოდგენილია 9 გეოგრაფიული სახელი:

1. P₁-swa
2. Me-ta-pa
3. Pe-to- η o
4. Pa-ki-ja-ne
5. A-pu
6. A-Ke-re-wa
7. E-ra-to ან Ro-u-so

8. Ka-ra-do-ro

9. Ri-jo

VII სახელი, როგორც ვხედავთ, არის Ro-u-so და უნდა ვივარაუდოთ ეს არის E-ra-to-ს ალტერნატიული სახელი; ეს უნდა იყოს არკადიის ქალაქის სახელწოდების — Lousoi-ის — ადრინდელი ფორმა, რაც, ადვილი შესაძლებელია, კიდევ ერთი ნიმუშია დაკარგული სახელისა. აშკარაა, რომ ნუსხაში აღნიშნული სახელები წარმოადგენენ სამეფოს მხოლოდ ერთი ნაწილის 9 ძირითად ქალაქსა და ადმინისტრაციულ ოლქს.

სანაპირო მონაკვეთი საშუალებას გვაძლევს აღნიშნული სახელები გავანაწილოთ მთელ სივრცეზე. ძირითადად, დარწმუნებული უნდა ვიყოთ, რომ აღნიშნული სახელების უმეტესი ნაწილი განლაგდება სანაპირო ზოლის გასწვრივ ჩრდილოეთიდან სამხრეთისაკენ ან სამხრეთიდან ჩრდილოეთისაკენ. ასე რომ, ჩვენ ისღა დაგვრჩენია განვსაზღვროთ, თუ რომელი სახელი შეესაბამება ამა თუ იმ ადგილს. როგორც ვიცით, პირველი ინფორმაცია მიღებულია Pa-Ki-ja-ne-დან, რომელიც ახლო მანძილზეა პილოსთან (Pu-ro). მონაცემებიდან ჩანს, რომ ეს ადგილი დასახლებული ყოფილა სხვადასხვა „სამეფო“ ხელოსნებით. საეჭვოა, რომ ხელოსნები, რომლებიც მეფის სამსახურში იმყოფებოდნენ, სადმე მოშორებით დასახლებულიყვნენ. ამგვარად, ჩვენ შეგვიძლია IV ოლქი მოვათავსოთ პილოსის მახლობლად, ხოლო რაც შეეხება თვით პილოსს, მას ჰქონდა განსაკუთრებული სტატუსი და ამიტომაც არ არის შეტანილი ნუსხაში.

მეორე ინფორმაცია მიღებულია Ri-jo-დან (Rhion — კონცხი), რომელიც მდებარეობდა დღევანდელი Koróni-ის ადგილას. ნუსხაში შეტანილი გეოგრაფიული სახელების აღნიშვნა სრულდება სამხრეთით მდებარე ადგილის სახელით, რომელიც თავსდება მესენიის სრუტის სამხრეთ-დასავლეთ სანაპიროსთან. ალბათ, ნუსხაში მოტანილი ქალაქები განლაგდება ჩრდილოეთიდან სამხრეთისაკენ. სავარაუდოა, რომ ნუსხაში აღნიშნული ორი ადგილის სახელი — Piswa და me-tapa — დაკავშირებული უნდა იყოს „შორეულ პროვინციასთან“.

შესაძლებელია თუ არა ყოველივე ამის საფუძველზე შევადგინოთ „ახლო პროვინციის“ რუკა? თუ ჩვენ Pi-swa-ს მოვათავსებთ Soulima-ს ხეობის გასწვრივ და me-ta-pa-ს მისგან დასავლეთით, სანაპიროს მახლობლად, ეს დააკმაყოფილებს ყველა დეტალს, რაც კი ჩვენთვის ცნობილია ამ ადგილებიდან. Pe-to-no, საკმაოდ დიდი ოლქი, უნდა მოთავსდეს კიპარისიასა და სასახლეს შორის. Pa-Ki-ja-ne, როგორც შევთანხმდით, აღნიშნავს ადგილს, სადაც სასახლე

მდებარეობდა. ჩვენთვის ცნობილია, რომ ის იყო რელიგიური კულტის მნიშვნელოვანი ცენტრი.

სამხრეთისაკენ, A-pu-ს მდებარეობა უფრო რთული დასადგენია. ვფიქრობთ, რომ ეს უნდა იყოს ჰომეროსის მიერ მოხსენიებული Aipu — ადგილი, რომელიც მკიდროდ ყოფილა დასახელებული. ვთვლით, რომ ეს ადგილი, რომელიც სანაპირო ზოლზე არ მდებარეობს, უნდა იყოს მოთავსებული ნავარინოს ყელის სიღრმეში. A-ke-re-wa ყოფილა გარკვეული მნიშვნელობის პორტი. დღევანდელი პილოსის ახლოს, ყურის სამხრეთით მდებარე ადგილი დასახლებული უნდა ყოფილიყო. აქ, თუმცა არ არის აღმოჩენილი რაიმე მნიშვნელოვანი ადგილი, მაგრამ ჩანს მიკენური დაპყრობის უმნიშვნელო კვალი. E-ra-to, იგივე Ro-u-so, არ არის სანაპირო ოლქი, მაგრამ იგი უნდა ყოფილიყო ხის მკრელების სამშობლო. ეს იყო ტყიანი ადგილი ყურის სამხრეთ-აღმოსავლეთით. Ri-jo მდებარეობს სანაპირო ზოლში, როგორც უკვე აღვნიშნეთ. აქ არის მხოლოდ ორი მხარე—Methōni და Phinikoūs.

„შორეული პროვინციის“ აღმოსავლეთი ნაწილის ადგილების განსაზღვრა რთული პრობლემაა, რადგანაც ფირფიტები ამ საკითხთან დაკავშირებით მეტად მცირე ინფორმაციას გვაწვდის. ამ პროვინციის ზღვისპირა ზოლი კი ფირფიტებიდან კარგად არის ცნობილი. პროვინციის შვიდი ცნობილი ქალაქიდან მხოლოდ ერთი მდებარეობს ზღვასთან ახლოს. ყველა დანარჩენი ტოპონიმი, რომლებიც წარწერებშია აღნიშნული, ადგილი დასადგენია. მაგალითად, Nedwōn შეესატყვისება nedhōn-ს, მდინარეს, რომლის ნაპირზე მდებარეობს კალამატა.

ახლო და შორეული პროვინციების საზღვრები, უნდა ვივარაუდოთ, გადიოდა ყურის დასავლეთ სანაპიროზე ქ. კორინთსა და ქ. ნიქორიას შორის მდებარე მიკენურ დასახლებაზე. გეოგრაფიულ ადგილებსა და წარწერებში მოხსენიებული ტოპონიმების იდენტიფიკაცია დღესაც გრძელდება.

კრეტა

კნოსოსის მეფის წინაშე ვერ გადაიშლებოდა ისეთი დიდებული ხედი, როგორც პილოსის მეფის თვალწინ. სასახლე, მართალია, აგებული იყო ბორცვზე, მაგრამ საკმაოდ დაბალზე. სასახლის სახურავიდანაც კი, ბორცვებს მიღმა, მხოლოდ ზღვას თუ დაინახავდით. მიკენური და მინოსური რეზიდენციების ეს საკმაოდ განსხვავებული პოზიციები მნიშვნელოვან სხვაობაზეც მიგვანიშნებს. მინოსელები,

მიკენელებისაგან განსხვავებით, მშვიდობიანი ხალხი, საცხოვრებლად არჩევდნენ სასიამოვნო, მყუდრო ადგილებს და დიდად არ იწუხებდნენ თავს მათი სტრატეგიული მნიშვნელობით.

კრეტა იყო კუნძული. შესაბამისად, პირველი საკითხი, რაც გეაინტერესებს. არის შემდეგი: ვრცელდებოდა თუ არა კრეტის მეფის გავლენა კუნძულის ფარგლებს გარეთ. როგორც ჩანს, ამ კითხვას უნდა ჰქონდეს ერთადერთი, უარყოფითი პასუხი. რადგან არ არის აქაურ წერილობით დოკუმენტებში არც ერთი ისეთი პუნქტი, რომელიც კუნძულის ფარგლებს გარეთ მდებარეობდეს. ერთ-ერთ ფირფიტაზე საუბარია თებების ჯოგზე. რომელიც გაეგზავნათ Akhaiwia-ში ანუ აქაეში. სხვა ფირფიტებში ეს სახელი არსად გვხვდება, მაგრამ იგი გვასენებს ხეთურ დოკუმენტებში მოსხენიებულ სამეფოს სახელწოდებას (Akhijawā). სამეფოს გეოგრაფიული მდებარეობა დღემდე კამათის საგანს წარმოადგენს. გასათვალისწინებელია ერთი რამ: ძნელია წარმოვიდგინოთ, რომ კნოსოსი თებების ჯოგს ზღვისიქითა ქვეყნებში გაგზავნიდა.

არქეოლოგიური გათხრების მონაცემების მიხედვით, მინოსური კოლონიები ეგეოსურ კუნძულებზე თარიღდება ადრინდელი პერიოდით. მაგრამ არა გვაქვს საფუძველი ვივარაუდოთ, რომ ძვ. წ. XV საუკუნის დასასრულისათვის კოლონიათა უმრავლესობა ჯერ კიდევ კნოსოსის მმართველობის ქვეშ იმყოფებოდა.

მნიშვნელოვანი საკითხია, თუ რამდენი კუნძული შედიოდა კნოსოსის მეფის გავლენის სფეროში. პილოსის გეოგრაფიულ სახელებთან შედარებით, კნოსოსის გეოგრაფიულ სახელთა უმეტესობა ადვილი დასადგენია: მაგალითად, კნოსოსი, ამნიოსი, მალია; მათი მომიჯნავე ტილისოსი და სხვა (ყველა ამ ქალაქმა თავისი როლი შეასრულა დემიფორების საქმეში — მთ. შენ.). ერთი შეხედვით, ნათელი ხდება, რომ კუნძულ კრეტას დედაქალაქს წარმოადგენდა კნოსოსი.

კრეტა დიდი კუნძულია. მისი სიგრძეა 260 კმ აღმოსავლეთიდან დასავლეთისაკენ. მაგრამ სიგანე 55 კმ-ს არ აღემატება. კრეტაზე მდებარეობს სამი დიდი მთა, რომელთა უმაღლესი წერტილის სიმაღლე აღწევს 2000 ან 2500 მეტრს. ამგვარად, კომუნიკაციის დამყარება კუნძულის სხვადასხვა მხარეებს შორის ადვილი არ უნდა ყოფილიყო. მხოლოდ ჩვენს ეპოქაში, ბუდლოზერებისა და აფეთქებების წყალობით. შესაძლებელი გახდა საგზაო სისტემის შექმნა. მაგრამ ბუნებრივი პირობები იმდენად ხელშემშლელია, რომ ეს საგზაო მშენებლობა ახლაც არ არის დამთავრებული და, რასაკვირველია, ბრინჯაოს ხანაში შიშველი ხელებით გზის გაყვანაზე ფიქრიც კი ზედმეტი იქნებოდა.

კნოსოსი მდებარეობს კუნძულის ჩრდილოეთ სანაპიროსთან. აქ არის ნოციერი ნიადაგი. კნოსოსს ესაზღვრება საკმაოდ მა-

ღალი, მაგრამ ადვილად გადასალახავი მთის მასივები სამხრეთ-აღმოსავლეთით, სამხრეთ-დასავლეთით კი, მთები — დიქტე და იდე. კუნძულის აღმოსავლეთით, სანაპიროს გასწვრივ, არ გვხვდება მნიშვნელოვანი დაბრკოლებები, თუმცა აქ დაბალი გორაკები აღწევს ზღვას და ქმნის დაბლობს. აქ მდებარეობს მესამე უდიდესი მინოსური სასახლის ადგილი. ამ ადგილის ზემოთ ისევ ბორცვიანი მიდამოა. მთელი ეს ტერიტორია, აშკარად, კნოსოსს უნდა დაქვემდებარებოდა. კნოსოსი და ტილისოსი ადგილობრივი სასახლეებია, მაგრამ ჩვენ დღემდე არა ვიცით რა მალისა, მესამე უდიდესი სასახლის, კლასიკური პერიოდის (რომ არაფერი ვთქვათ მიკენურზე — მთ. შენ.) შესახებ.

კუნძულის სამხრეთ ნაწილში არის დაბლობი, რომელიც მარცვლეთის უხვ მოსავალს იძლეოდა. ამ დაბლობს ამჟამად მესარას დაბლობი ეწოდება. მას ჩრდილოეთიდან და სამხრეთიდან ესაზღვრება გორაკები. კუნძულის სამხრეთით მთები ეშვევა ზღვაში და ქმნის გარკვეულ მისადგომებს ხომალდებისათვის. აღმოსავლეთი მხარე უკაცრიელია, მაგრამ არა გაუვალი. კუნძულის დასავლეთით, დღევანდელ ტიმბაკისთან, იქმნება შესანიშნავი მისადგომი უძველესი პერიოდის ხომალდებისათვის. ამ მიდამოებში იყო აგებული დიდი მინოსური სასახლე ფაისტოსი (თანამედროვე გამოთქმით „ფესტოსი“). ამ სიტყვას ხშირად ვხვდებით კნოსოსის ფირფიტებზე. ექვვარეშეა, რომ ფაისტოსი ექვემდებარებოდა კნოსოსის მმართველობას. ამ გარაუდის საფუძველს იძლევა არქეოლოგიური მასალები.

ზღვიდან მოშორებით, მესარას ჩრდილო-აღმოსავლეთით გაშენებულია ქალაქი რეთიმონი, რომელიც გორაკებითა და მთებით არის შემოსაზღვრული. ეს მთაგორიანი ადგილი გზატკეცილებითაა დასერილი, ხოლო ერთ-ერთი მათგანი გადის იქ, სადაც ადრე გაშენებული იყო ქ. სიბრიტა ან სიბრიტოსი (როგორც მას ხანდახან უწოდებენ ხოლმე). დღეს აქ მდებარეობს სოფელი თრონოსი (ეს სახელი შეესაბამება ამ გამოჩენილი ადგილის სახელს. ბერძნული სიტყვა „thronos“ ნიშნავს „ტახტს“ — მთ. შენ.). რეთიმონის მიმდებარე ტერიტორია (აღმოსავლეთით), როგორც ჩანს, დასახლებული უნდა ყოფილიყო გვიან-მინოსურ III პერიოდში. კნოსოსის დასავლეთით (ტილისოსის გავლით) ჩავდივართ ხეობაში, სადაც უნდა ყოფილიყო ძველი აქსოსი. მიკენურ საბუთებში დამოწმებული e-ko-so-ს „აქსოსად“ იდენტიფიკაცია მეტად პრობლემატურია.

ირაკლიონიდან ოდნავ დასავლეთით მდებარე ადგილს კლასიკურ პერიოდში ერქვა Kutaion („კუტაიონი“), ეს იყო ხომალდებისათვის ადვილად მისადგომი ადგილი, მაგრამ არ იყო ნაყოფიერი. რაც შეეხება თვით ამ ადგილის სახელწოდებას, მისი წარმომავლობა მეტად პრობლემატურია.

კნოსოსის აღმოსავლეთით უნდა ყოფილიყო დასახლება მალია, ხოლო უფრო აღმოსავლეთით მდებარეობს მერამბელოსის ყურე. ყურე ცნობილია ტურისტებისათვის, რომლებიც ჯგუფებად ჩადიან თანამედროვე აგიოს ნიკოლასში. მაღლა მთებში მდებარეობს ადგილი, რომელიც ყურეს გადაჰყურებს, ცნობილი კლასიკურ პერიოდში როგორც ლატო. ეს ქალაქი მოხსენიებულია ამავე სახელით კნოსოსის დოკუმენტებშიც.

კუნძულ კრეტას სამხრეთით, სანაპიროზე გაშენებული იყო პატარა ქალაქი ინატოსი. სამწუხაროდ, გათხრების შედეგად აღმოჩენილი მრავალი მნიშვნელოვანი დასახლებული პუნქტი არ არის წყაროებში დამოწმებული.

აქ ჩვენ შეგნებულად არ მოვიხსენიებთ კუნძულის ორი მხარე — უეიდურესი აღმოსავლეთი და დასავლეთი. ეს ორივე ნაწილი დაცობილია კნოსოსს და მათი გეოგრაფიული პირობებიც ართულებს კომუნიკაციას. ბუნებრივი დაბრკოლებები აფერხებს კონტაქტებს დასავლეთით — რეთიმონისკენ და აღმოსავლეთით — სიტიასკენ. აქ მეტად რთული გადასალახავი კლდოვანი მთებია. ამ რაიონებს შორის კავშირის დამყარება შედარებით ადვილი იქნებოდა ზღვის საშუალებით. ფირფიტების მხოლოდ ერთი განსაზღვრული ჯგუფი გვიმოწმებს ამგვარ ტოპონიმებს, მაგრამ მათი რიცხვიც საკმაოდ შეზღუდულია. როგორც ჩანს, შეუძლებელი იყო ეს პუნქტები უშუალოდ კნოსოსის მეფის მმართველობას დაქვემდებარებოდა. აქვე უნდა აღვნიშნოთ, რომ ამ ტიპის ტოპონიმების ორი კლასი ადვილად შეიძლება დავადგინოთ. მაგალითად Kudonia დღეს სიდიდით მეორე ქალაქის — ქანიას — ძველი სახელია. ეს უშუალოდ ჰომეროსთან არის დამოწმებული — იგი მოიხსენიებს ამ ქალაქის მოსახლეობას როგორც Kudōnes. დღემდე ქანია არქეოლოგიურად თითქმის არ არის შესწავლილი. დაბრკოლებებს ქმნის თვით თანამედროვე ქალაქი, რომელიც აგებულია ძველი დასახლების ადგილზე. თუმცა 1973 წლის ოქტომბრიდან დაიწყო შედარებით მისაწვდომი გარეუბნების გათხრები ბერძენი მკვლევარის ი. პაპაპოსტოლუს ხელმძღვანელობით.

მეორე, ჩვენთვის ცნობილი სახელწოდება Aptarwa კლასიკურ პერიოდში იხსენიება, როგორც „აპტარა“ ან „აპტერა“. ესაა შესანიშნავი ნიმუში. იმისა, როცა უცნობი სახელი იქცევა მნიშვნელობის მომცველ სიტყვად. „აპტერა“ ნიშნავს „უფრთოს“, რაც მოგვაგონებს გამარჯვების ქალღმერთის ეპითეტს (Nikē Apleros), ქალღმერთისა, რომელსაც ათენელებმა აკროპოლისზე პატარა ტაძარი აუგეს. აპტარას ადგილმდებარეობა იდენტიფიცირებულია — იგი მდებარეობდა სულას ყურეს მოპირდაპირე ბორცვზე. ფირფიტების ანალოგიურ

ჯგუფში მოხსენიებული ოთხი დანარჩენი სახელის იდენტიფიკაცია თანამედროვე ტოპონიმებთან ვერ მოხერხდა. ყველა შესაძლებელი ვარიანტი მაინც ვარაუდის დონეზე რჩება.

ჩვენ, ასე თუ ისე, შეგვიძლია ვიქონიოთ წარმოდგენა კუნძულ კრეტის ძლიერ მონარქიაზე, მაღალცენტრალიზებული, ადმინისტრაციული ცენტრით — კნოსოსით. კნოსოსს ექვემდებარებოდა მთელი კუნძული რეთიმონიდან იერაპეტრამდე, თუმცა ორი უკიდურესი, ერთმანეთის მოპირდაპირე მხარე მმართველობის სხვაგვარ წესს ემორჩილებოდა. ეს იყო ან ავტონომიური, ერთმანეთთან მეგობრულად განწყობილი სახელმწიფოები, ან დამოუკიდებელი ერთეულები. მაგრამ, როგორც ჩანს, მაინც კნოსოსის მმართველი წარმოადგენდა გაბატონებულ ძალას კუნძულზე. ხოლო კნოსოსის სასახლის კატასტროფის შემდეგ კუნძული, როგორც ჩანს, დანაწევრდა პატარ-პატარა სახელმწიფოებად. ამ სახით წარმოგვიდგებიან ისინი ისტორიული პერიოდის დასაწყისისათვის.

მოსახლეობა ფირფიტების ცნობების მიხედვით

მიუხედავად მცირეოდენი ყოყმანისა, ექვს არ იწვევს, რომ ფირფიტებზე შესრულებული ე. წ. B-ხაზოვანი წარწერების ენა ბერძნულია. მაგრამ იყვნენ თუ არა ბერძნები ის ადამიანები, რომლებმაც წარწერები გააკეთეს? „ბერძნებში“, ჩვენს შემთხვევაში, იგულისხმება ბერძნულ ენაზე მოლაპარაკე ხალხები. აქვე ხაზი უნდა გაეუსვათ იმ გარემოებას, რომ ფრიად საეჭვოა არაბერძენ ხალხს დაეტოვებინა ბერძნულ ენაზე დაწერილი დოკუმენტები. შესაბამისად, სადავო არაა მიკენელების მიჩნევა ბერძნულ ენაზე მოლაპარაკე ხალხის კატეგორიად. დავაკვირდეთ წარწერებს თიხის ფირფიტებზე: მამაკაცისა და ქალის სახელების უმრავლესობა ბერძნული წარმოშობისაა. აქ, ძალაუნებურად, წამოიჭრება საკითხი: მამაკაცისა და ქალის ბერძნული საკუთარი სახელები (მაგ., ალექსანდრა; შესაბამისად, ალექსანდრე) გავრცელებულია სხვადასხვა ეროვნებებსა და სხვადასხვა ენაზე მოლაპარაკე ხალხს შორისაც. აქვე უნდა აღვნიშნოთ, რომ ეს სახელები გვხვდება მიკენურ საბერძნეთში ჯერ კიდევ ძვ. წ. XIII საუკუნეში და ძნელი დასაჯერებელია, ვთქვათ, რომ არ სცოდნოდათ სახელი „ალექსანდრას“ მნიშვნელობა ქალის მშობლებს, ვინც ეს სახელი დაარქვა. საინტერესოა ამ სახელის ზუსტი ლექსიკური მნიშვნელობა; იგი ნიშნავს — „ის, ვინც დევნის კაცს“. მაგრამ ნუ დაგვაიწყდება, რომ ქალის ეს სახელი არის, მარტივად, მამრობითი სქესის ფორმის „ალექსანდრეს“ დერივატივი. ბერძნული საკუთარი სახელების სისტემა, მიკენურ პერიოდშიც და კლასიკურ პერიოდშიც, რადიკალურად განსხვავდება ჩვენი (მთარგმნელის შენიშვნა: იგულისხმება უპირატესად, დასავლეთ ევროპასა და აშშ-ში გავრცელებული საკუთარ სახელთა ტრადიცია) სახელების სისტემისაგან. ერთი პირი იმავე სახელის მატარებელ მეორე პირისაგან განსხვავდება მამის სახელით. ამასთანავე, აღრინდელ ბერძნულ დიალექტებში, ისევე როგორც მიკენურში, მამის სახელი მოცემულია არა ნათესაობითი, არამედ ზედსართავული ფორმით. მაგალითად, Kusamenios — „კუსამენოსის ძე“. მაგრამ სახელთა წარმოების ეს მეთოდი, როგორც ჩანს,

ვრცელდება მხოლოდ არისტოკრატიული საგვარეულოს წარმომადგენლების სახელებზე. დანარჩენ პირებს განასხვავებენ მათი მშობლიური ქალაქის ან საცხოვრებელი ადგილის დასახელებით. მართალია ჩვენ არ გვაქვს ნიმუშები, რომელთა მიხედვით შეიძლება ქალთა სახელებზეც ამგვარადვე მსჯელობა, მაგრამ ჩვენს ხელთაა ქალთა სახელების ნუსხა, რომელშიაც თითოეულ სახელს წინ უძღვის მამაკაცის სახელები ნათესაობითი ფორმით. მამაკაცი შეიძლება იყოს ქალის მამა, მეუღლე, ან თუ ქალი მონაა — პატრონი. ალბათ, მაინც ეს მეუღლის სახელები უნდა იყოს, რადგან ბერძნული ტრადიციის მიხედვით, გაუთხოვარი ზედსახელად ატარებდა მამის სახელს ნათესაობითში, გათხოვილი—მეუღლის სახელს ასევე ნათესაობითში. ეს ტრადიცია საბერძნეთში მიღებულია დღესაც.

საკვირველი არ უნდა იყოს, რომ ძვ. წ. II ათასწლეულის დასასრულისათვის საბერძნეთის მოსახლეობის გარკვეული ნაწილი ბერძნულად არ ლაპარაკობდა. როგორც უკვე აღვნიშნეთ, საბერძნეთის დაპყრობა და სხვა ენაზე მოლაპარაკე ხალხის ასიმილაციის პროცესი ნელა მიმდინარეობდა. ამგვარად, უნდა ვივარაუდოთ, რომ მიკენური პერიოდის მოსახლეობაში სხვა ენების კვალი უფრო აღმოჩნდება, ვიდრე ბერძნულსა.

კლასიკურ პერიოდშიც კი ისტორიკოსები, არცთუ იშვიათად, იხსენიებენ სხვა ენაზე მოლაპარაკე ხალხებს, მაგალითად, პელასგებს, და ამასთანავე, ძვ. წ. IV საუკუნეშიც კი, კრეტის აღმოსავლეთ ნაწილში წარწერები კეთდებოდა არაბერძნულ ენაზე. საბერძნეთის გარკვეული ნაწილში არსებობდნენ ჩაგრულთა კლასები, რომლებიც უნდა უოფლიყვნენ წინა პერიოდში დაპყრობილ ხალხთა შთამომავალნი. თუმცა ჩვენ ინფორმირებული არა ვართ, რომ ისინი ჯერ კიდევ სხვა ენაზე ლაპარაკობდნენ, მაგრამ უმეტესობა, ექვევარეშეა, არაბერძენი მოსახლეობის შთამომავალნი იყვნენ. სპარტაში, უდავოდ, არსებობდა ჩაგრულთა ორი კლასი. მოსახლეობის გარკვეულ ჯგუფს, რომელიც თავისუფალი იყო, მაგრამ ითვლებოდნენ მეორეხარისხოვან მოქალაქეებად და პოლიტიკურ უფლებებს მოკლებულნი იყვნენ, ეწოდებოდათ „პერიოკოი“ ანუ „შეკედლებული მობინადრენი“. შესაძლებელია, რომ ლაკონიაში წინადორიული ხანის ბერძნები მათ რიცხვს ეკუთვნოდნენ. მოსახლეობის შემდეგ ნაწილს — ყმებს, რომლებიც შიწას ამუშავებდნენ სპარტელი მიწათმფლობელებისათვის, ეწოდებოდათ „ჰილოტები“, რაც, „ტყვეებს“ უნდა ნიშნავდეს. სავარაუდოა, რომ მიკენურ პერიოდში ისინი წარმოადგენდნენ ჩაგრულთა კლასს და არაბერძნული წარმოშობისა იყვნენ. ახალი ენის შეთვისების შემდგომაც კი ხალხში მყარად არის შემორჩენილი „ძველი“ საკუთარი სახელები.

მიკენურ წყაროებში დამოწმებული სიტყვების 60 პროცენტი შეადგენს საკუთარ სახელებს. სახელები ბერძნულია, მაგრამ ეს არ არის საკმარისი იმის დასადასტურებლად, რომ ბერძნული სახელების მატარებელი ხალხი აუცილებლად მეტყველებდეს მხოლოდ და მხოლოდ ბერძნულ ენაზე. ეს აშკარად ბერძნული სახელები ამასთანავე მიეკუთვნება შედგენილი სახელების კატეგორიას. ეს იმას ნიშნავს, რომ თითოეული მათგანი შეიძლება დაიშალოს მნიშვნელობის მქონე ორ ნაწილად. ანალოგიური ტიპი იმდენად არის გავრცელებული ინდოევროპულ ენაში, რომ ადვილი შესაძლებელია მათი საერთო წარმომავლობა. მაგრამ ეს არ არის მხოლოდ ინდოევროპული ენების სპეციფიკა. საეჭვოა, რომ ხალხი, რომლებიც ბავშვებს არქმევდა ასეთ სახელებს, მისდევდა მხოლოდ ბერძნულ ტრადიციებს და, შესაბამისად, აუცილებლად ბერძნულ ენაზე მეტყველებდა. ვხვდებით ბერძნული ტიპის ისეთ საკუთარ სახელებსაც, რომლებიც ნაწარმოებია საზოგადო სახელისაგან: მაგალითად, „გლავკოს“ — „ცისფერთვალება“, „ეჰინოს“ — „ზღვის ზღარბი“, „პოიმენ“ — „მწყემსი“, „ქალკეც“ — „მკვდელი“. ცხადია, ამ სახელებს მშობელი კი არ არქმევდა შვილს, არამედ ბერძნულ ენაზე მეტყველი დიდგვაროვანი, რომელსაც უჭირდა მისთვის უცხო სახელის წარმოთქმა. მაგალითად, „ერიტროს“ — „წითური“, „პოლობოს“ — „ნაცარა“. უფრო ხშირად წარწერებში ვხვდებით სახელებს, რომლებიც წარმოებულია არსებით სახელზე სუფიქსის დართვით. მაგალითად, „სიმონი“ ნაწარმოებია სახელიდან „სიმოს“, რაც „ცხვირაპრეხილს“ ნიშნავს. მიკენურ საბერძნეთში გავრცელებული იყო ამ ტიპის სახელები. მაგალითად, „ტრიპოდისკოს“ წარმოებულია კინობითი სუფიქსით, რომელიც დაერთვის არსებით სახელს „ტრიპოდოს“ და ნიშნავს „სამფეხას“ და ა. შ.

ბერძნული წარმოშობის სახელებში მნიშვნელოვანი როლი ითამაშეს სუფიქსებმა „იდეს“ ან „ადეს“, რომელსაც აქვს „შვილის, ძის“ მნიშვნელობა. ასეთი სახელები მიკენურ სამყაროში თითქმის არ გვხვდება, ჰომეროსთანაც ამ სუფიქსებით წარმოებული სახელები ნიშნავს „ვილაცის ძეს“.

თუ წარმოვიდგენთ ისეთ სიტუაციას, რომ ბერძნების შედარებით მცირე ჯგუფი გაბატონდა არაბერძენი მოსახლეობის გაცილებით დიდ ჯგუფზე და მოახვია მას თავისი ენა, მაშინ ისიც უნდა დავუშვათ, რომ არაბერძენთა შთამომავლები, ტრადიციისამებრ, ბავშვებს არქმევდნენ წინაპართა სახელებს. თუმცა ზოგიერთი მშობელი, გარკვეული მიზნით, ამჯობინებდა ბავშვებისათვის ბერძნული სახელი დაერქვა; ამ შემთხვევაში საუბარია მმართველი კლასის წარმომადგენლებზე. ზემოთქმულიდან გამომდინარე, არაფერია საკვირველი, თუკი ბერძნული სახელების გვერდით ფირფიტებზე არაბერძნულ სახელებსაც

ვხვდებით. ასეთი სახელები დამახასიათებელია მოსახლეობის დაბალი ფენისათვის. ამასთანავე, ნუ დავივიწყებთ, რომ პილოსში ბერძნულ ენაზე ლაპარაკობდნენ ფირფიტების შექმნამდე საუკუნეებით ადრე. მამასადამე, უცხო სახელი არ გამოდგება იმის საბუთად, რომ აქ ჯერ კიდევ ლაპარაკობდნენ ამ უცხო ენაზე. ჩვენ ვაწყდებით სიძნელეს, რაც იმაში გამოიხატება, რომ ბერძნული სახელი ადვილად შეიძლება დავადგინოთ ბუნდოვანი დამწერლობის შემთხვევაშიც კი, მაგრამ უცხოური სახელების გამოცნობის საშუალება არა გვაქვს, რადგანაც არ ვიცით, რომელ ენას ეკუთვნის იგი. ზოგი მიკენური სახელი, განსაკუთრებით კნოსოსში, ბერძენისთვისაც უცნაურია, მაგრამ ძნელი დასაჯერებელია, რომ იგი უცხოურია. ამასთან, კნოსოსის ფირფიტებზე გვხვდება მთელი რიგი სახელი, რომლებიც მეტ-ნაკლები სიზუსტით მეორდება კრეტის A-ხაზოვან წარწერებში, იმ ფირფიტებზე, რომლებიც თარიღდება კუნძულზე ბერძნების შემოჭრამდე. მაგ., di-de-ro და A-ra-na-ro, ჩანს, არის di-de-ru-სა და A-ra-na-re-ს ელინიზებული ფორმები, რომლებიც გვხვდება პაგია-ტრიადაში: (ქალაქი კუნძულ კრეტაზე — მთ. შენ.) ნაპოვნ თინის ფირფიტაზე A-ხაზოვან წარწერებში. კნოსოსის ფირფიტის წარწერებში გვხვდება სახელების მცირე ჯგუფი, რომლებიც იწყება Piya-თი, რაც ხეთური სახელებისათვის დამახასიათებელი ელემენტია და ნიშნავს „მციემას“. საკვირველია, რომ აქამდე ვერაფერს შეძლო გაერკვია ენა, საიდანაც წარმოიქმნა არაბერძნულ სახელთა უმეტესი ნაწილი.

ძნელია გადაჭრით ითქვას, თუ სად შეიძლება ადგილების არაბერძნულ სახელწოდებებისაგან წარმოქმნილი სახელების კლასიფიცირება. თუ მამაკაცი ატარებს Lampsakos-ის სახელს, რომელიც მოგვიანებით ცნობილია როგორც ბერძნული კოლონიის სახელი დარდანელის სრუტის ახლოს, შეიძლება თუ არა იგი ბერძნულ სახელად ჩაითვალოს? Tulisios, ზედსართავი სახელი, რომელიც წარმოქმნილია კრეტული ქალაქის Tilisios-ის სახელისაგან, პილოსში გვხვდება როგორც მამაკაცის სახელი. მსგავსად, ჩვენ ვხვდებით ქალის სახელს — Korinsiā-ს, რომელიც წარმოქმნილია, ალბათ, Korinthos-იდან. მაგრამ ირკვევა, რომ პილოსის ტერიტორიაზე ყოფილა ადგილი ამავე სახელით. ზოგი სახელი ადასტურებს კავშირს შორეულ ადგილებთანაც: სახელი Aiguptios კნოსოსში უნდა იყოს „ეგვიპტელი“; ასევე Lu Kios არის სახელი ლიკიიდან (სამხრეთ-დასავლეთი ანატოლია — მთ. შენ.), Turios — მამაკაცის სახელი ტიროსიდან (ახლანდელი ლიბანი — მთ. შენ.). ერთი თეორია, რომლის უარყოფაც ადვილად შეიძლება, არის ის, რომ ბერძნები არ იყვნენ პრივილეგირებული ხალხი მიკენურ საბერძნეთში, ისინი წარმოადგენდნენ გადამწერთა ჯგუფს, რომელიც ემსახურებოდა არაბერძენ მმართველებს როგორც ანგარიშ-

მწარმოებლები. სამწუხაროა, რომ ვერც ერთ დოკუმენტში ვერ ვხვდებით პილოსის ან კნოსოსის მეფეების სახელებს ზუსტი ფორმით. მათ, რომ ბერძნული სახელები რქმეოდათ, საქმე გავვიადვილდებოდა. მაგრამ ჩვენ გვაქვს მოხელებების სია, მაგალითად, „მზლებლებისა“, რომლებიც გაბატონებულ კლასს უნდა ეკუთვნოდნენ. ამგვარი სიები შეიცავენ ტიპურ ბერძნულ სახელებს, მაგალითად, როგორცაა *Alektruōn*, *Etewoklewēs*-ის შვილი, მოგვიანებით ეტეოკლესი. მის ძმას აქვს ერთ-ერთი იმ მრავალრიცხოვან სახელთაგანი. რომლებიც *eus*-ით ბოლოვდება და რომლებიც ლეგენდებისთვისაა დამახასიათებელი; მაგალითად, *Akhilleus*, *Odysseus*. ზოგ შემთხვევაში ისინი წარმოადგენენ უფრო გრძელი სახელების შემოკლებულ ფორმებს.

ჩვენ ვფლობთ მასალებს, რომელთა მიხედვითაც არა მარტო იმის ჩვენება შეიძლება, რომ ერთი და იგივე სახელი ერთსა და იმავე ადგილას ეკუთვნის ორ სხვადასხვა პირს, არამედ იმისაც, რომ სახელთა რაოდენობა, ორ ან მეტ ადგილას, საკმაოდ დიდია. ამ საკითხთან დაკავშირებით, ყოველი ახალი მასალა, რასაკვირველია, გაზრდის ჩვენს ინფორმაციას. საკუთარი სახელების დიდი რაოდენობის გარდა, ვვხვდებით სახელების მცირე რიცხვი, რომელიც აღწერს ხალხთა ჯგუფებს და რომელიც არ შეიძლება მივიჩნიოთ ზედსართავად, იმ სახელად, რომელიც წარმოქმნილია ქალაქების სახელწოდებებისაგან, სადაც ეს ხალხი ცხოვრობდა. ამ სახელთა ჯგუფებიდან უნდა გამოიყოს არა სახელი. ეს სახელები აღნიშნავენ ხალხს, რომლებიც პილოსის სანაპირო დამცველთა რიგებში ირიცხებოდნენ. ამ სახელთაგან ერთ-ორს შეიძლება მოენახოს ბერძნული ეტიმოლოგია, ხოლო დანარჩენები, ალბათ, არაბერძნული წარმოშობის იყო და ამასთან, არსად არ არის აღნიშნული ადგილი, რომელიც მათ მშობლიურ ქალაქად შეიძლებოდა მიგვეჩინა. ამიტომ ჩანს, რომ ეს იმ ტომების წარმომადგენელი ხალხის სახელებია, რომლებმაც შეინარჩუნეს თავიანთი სახე ამ ფირფიტების შედგენის დროისათვის. მათი სახელები მიანიშნებენ არაბერძნულ წარმომავლობაზე და, აზრს არ უნდა იყოს მოკლებული ის ფაქტი, რომ ამ ხალხს ნიშნავდნენ მხოლოდ არასამხედრო თანამდებობებზე, ან ბერძენ უფროსთა ზედამხედველობის ქვეშ სანაპირო დამცველთა რიგებში. აღნიშნულმა თეორიამ შეიძლება ახსნას ის ფაქტი, თუ რატომ ჩნდება ხოლმე ზოგი ამ სახელთაგანი სელების წარმოებასთან დაკავშირებულ დოკუმენტებში.

ჩვენ, რასაკვირველია, დიდად დაგვეხმარებოდა ის გარემოება, დოკუმენტურ წყაროებში ზუსტად რომ ყოფილიყო აღნიშნული მიკროსაბერძნეთის მოსახლეობის რაოდენობა. თუმცა წყაროებში საკმაო რაოდენობით არის წარმოდგენილი რიცხვითი ინფორმაცია, მაგრამ მასში ზუსტად გარკვევისათვის სანდო სისტემის შემუშავება ადვილი საქმე არ უნდა იყოს. ჩანაწერებში ასახული და აღნუსხულია მხოლოდ სასახლეების კონკრეტული ინტერესების შესაბამისი რიცხვითი მონაცემები. მათ კი მოსახლეობის რაოდენობა აინტერესებდათ მხოლოდ მომარაგების პრობლემასთან დაკავშირებით. მაგალითად, 750-მდე მონა ქალი და ბავშვი, რომლებიც უშუალოდ პილოსის სასახლის ზედამხედველობას ექვემდებარებოდნენ, შესაძლოა იყოს რაღაც სტანდარტული რიცხვი. მოსახლეობის რეალური რაოდენობა კი შესაძლოა გაცილებით დიდი ყოფილიყო. პილოსის ფირფიტაზე დასახელებულია გეოგრაფიული პუნქტები, რომელთა რაოდენობა ორასეულს აღწევდა. ამ რიცხვს გვიმოწმებს მესენიაში წარმოებულნი გათხრები. ზოგი მათგანი შესაძლოა იყოს პატარა დასახლება, სხვები კი ადგილობრივი ადმინისტრაციული ცენტრები, პატარა ქალაქები. შესაბამისად, თუ დავუშვებთ, რომ აღნიშნულ ადგილებში მოსახლეობის საშუალო რიცხვი იქნებოდა 250-მდე, მაშინ მთელ სამეფოში შეგვიძლია ვივარაუდოთ დაახლოებით 50 000 კაცამდე. მოსახლეობის რაოდენობის დასადგენად ვერც ერთ წერილობით წყაროს ვერ ვენდობით.

სოციალური სტრუქტურა და ადმინისტრაციული სისტემა

როცა არქეოლოგი აღმოაჩინს გრანდიოზულ, შესანიშნავად ნაგებ შენობას, ფრესკებით მოხატული კედლებით, უამრავი ოთახით, დამხმარე სათავსოებითა და საცავეებით, მას უფლება აქვს განაცხადოს, რომ აღმოაჩინა სასახლე, და რომ ასეთი დიდებული ნაგებობის მფლობელს ეყოლებოდა საკმარისი რაოდენობის ქვეშევრდომებიც. შესაბამისად, არც ევანსს კნოსოსში, არც ბლეჯანს პილოსში არ შეპარვიათ ეპევი, რომ აღმოაჩინეს სასახლეები, თუმცა მეცნიერს უფრო შეეფერება თავი შეიკავოს ისეთი რომანტიკული სახელებისაგან, როგორცაა მათ მიერ მონათლული „მინოსის სასახლე“ ან „ნესტორის სასახლე“. მოზრდილ შენობათა კომპლექსებს კნოსოსში ადვილად შეიძლება ვუწოდოთ სასახლეები. ასევე შეიძლება ეწოდოს შენობათა კომპლექსებს ფესტოსში, მალიაში, მიკენში, ტირინთოსსა და პილოსში, მაგრამ არცთუ ისე ადვილია დავადგინოთ, რა ზომის შეიძლება იყოს სასახლე. კატო-ზაკროში სასახლე ნამდვილად იყო აგებული, მაგრამ, მაგალითად, ჰაგია-ტრიადაში სამეფო სასახლე იყო თუ მხოლოდ დიდგვაროვანთა საცხოვრებელი — ანალოგიურ კითხვაზე მეტად რთულია პასუხის გაცემა მხოლოდ არქეოლოგიურ მასალებზე დაყრდნობით. შეგვიძლია მხოლოდ ვივარაუდოთ, რომ ეს სასახლეები ადმინისტრაციულ ცენტრებს წარმოადგენდნენ და რომ მიკენურ პერიოდში ადმინისტრაციული სისტემა მოითხოვდა წერილობით დოკუმენტებს. სწორედ საცავეები მოწმობს იმას, რომ სასახლეები, უპირატესად, ადმინისტრაციულ ცენტრებს წარმოადგენდნენ. ადმინისტრაციული ცენტრისათვის აუცილებელია არსებობდეს დაწესებულება და არცთუ მეტისმეტად დანაწევრებულ საზოგადოებაშიც კი. ადმინისტრაციული ცენტრი არის იგივე რეზიდენცია, ხოლო ადმინისტრატორი — იგივე მმართველი, ან დამოუკიდებელი მონარქი, ანდა ადგილობრივი უზენაესი მმართველისაგან უფლებამოსილი დიდგვაროვანი. ასეთ დეტალებს არქეოლოგიური მასალები მოკლებულია, მაგრამ ზოგიერთი ფირფიტა ნათელს ფენს ადმინისტრაციულ საკითხებს.

საკვირველი არ არის, თუ მიკენის მმართველს ეწოდება Wanax. ეს სიტყვა, ჩვეულებრივ, ჰომეროსთან „W“ გარეშე ნიშნავს „მეფეს“, და რაც ყველაზე საინტერესოა, აქვე ვხვდებით სიტყვა Guasileus-Basileus პირველ ფორმას. ეს უკანასკნელი სიტყვა ჰომეროსთანაც „მეფეს“ ნიშნავს, იგი კლასიკურ ბერძნულშიც ერთადერთი ტერმინია. თუმცა მიკენში, როგორც ჩანს, Basileus ნაკლებმნიშვნელოვანი სიტყვა ყოფილა. ამ ტერმინით გამოხატავდნენ ყველანაირ მეთაურს, თუნდაც იგი მქედლების მეთაური ყოფილიყო.

მაგრამ პრობლემებს წარმოქმნის Wanax-ის არსი. არც ერთ მკვლევარს ექვი არ ეპარება, რომ ეს ტერმინი აღნიშნავს მმართველს. მაგრამ მმართველის ფუნქციებზე ფირფიტები გვაწვდიან მეტისმეტად ორაზროვან ცნობებს. ჩვენ გვაქვს ნიმუშები, სადაც დამოწმებულია მეფის, მოკვდავი მმართველის ფუნქციები, სხვა შემთხვევაში კი სიტყვა „მეფე“ გვხვდება ღვთაებათა შორის. ერთადერთი ცნობა გვაწვდის რეალურ ინფორმაციას მეფის ფუნქციების შესახებ. ესაა ფირფიტა პილოსიდან. აქ აღწუსულია „მეფის მიწები“, „lawagetās მიწები“, სამი თანამდებობის პირის ე. წ. „telestai-ის მიწები“. საინტერესოა, რომ მეფის მიწები შეესაბამება 3-ჯერ lawagetās მიწებს და სამივე telestai-ის ერთად აქვს იმდენივე მიწა, რამდენიც მეფეს. მაშასადამე, მეფე გამოირჩევა პრივილეგირებულ პირთაგანაც. თუმცა ჩანაწერებში საუბარია მხოლოდ მიწებზე, როგორც მეფის კერძო საკუთრებაზე, იგი შესაძლოა სხვა მიწების მფლობელიც ყოფილიყო. ზედსართავი „მეფური“ გვხვდება ხელოსნებთან მიმართებაშიც. პილოსის წარწერებში იხსენიება სამეფო მთელავი (მაუდის და მისთ — მთ. შენ.), სამეფო მეთუნე, და კიდევ, ხელოსანი, რომლის ხელობა გაურკვეველია. კნოსოსში ქსოვილები აღწერილია როგორც „სამეფო“, რომლებიც, ალბათ, შეხამებულია მეფის ოჯახის წევრებისათვის სასურველ ფერთან, ისევე როგორც მოგვიანებით მეწამული ფერი იყო საიმპერატორო. ამის გარდა, მცირე რამ არის ცნობილი მეფის შესახებ. მიკენის არც ერთ, ისედაც მცირე რაოდენობის დოკუმენტებში, არ არის ნახსენები მეფის ტიტული. თებეში მხოლოდ ამ სიტყვის დამოწმებაა შესაძლებელი.

თუმცა პილოსის ფირფიტებში მეფე არსად მოიხსენიება, მაგრამ არის პიროვნება, რომელიც აღნიშნულია როგორც E-Ke-ra-wo (შესაძლოა, ეს სიტყვა მსგავსია Enkhelyāwōn-ის, მაგრამ გადაჭრით რაიმეს თქმა ჩვენ არ შეგვიძლია). მისი მდგომარეობა ამ იერარქიაში ისეთი ამაღლებული ჩანს, ძნელი დასაჯერებელია, რომ ის არ არის Wanax-ი. მცირე ზომის ფირფიტა, სადაც ჩამოთვლილია პოსეიდონისადმი მირთმეული ძღვენი, გვიჩვენებს ოთხ პირს, რომელთაც შეუ-

სრულდებათ ეს რიტუალი: ორს აქვს ერთი და იგივე წარწერა, E-Ke-ra-wo ჩანს მეფის ადგილზე, ხოლო dāmos კი telestai-ის. თუ ჩვენ დაუშვებთ, რომ E-Ke-ra-wo მეფეა, მაშინ დამატებითი ცნობები მის შესახებ საშუალებას მოგვცემს გავაღრმავოთ ინფორმაცია. მას ფლოტში ჰყავს 40 ნიჩბოსანი, და როგორც ჩანს, ფლობს საკმაოდ დიდ მამულს (94 ერთეული), ე. ი. მეფის temenos-ზე სამჯერ მეტს. აქ გაშენებულია ათასზე მეტი ძირი ვაზი და ასეთივე რაოდენობის ლელვის ხეები. ძნელი წარმოსადგენია, რა ადგილი ეკავა ასეთ პირს პილოსის საზოგადოებაში, თუ იგი მის სათავეში არ იღებოდა. ჩვენ გვაქვს საბუთები სხვა ადგილებიდანაც, სადაც პიროვნებას მოიხსენიებენ სახელით ან წოდებით. ამ ორის შეერთებით ჩვენ მივიღებთ უფრო დამაკმაყოფილებელ წარმოდგენას მეფის საკუთრების შესახებ.

წარწერა Lāwāgetās ვგვხვდება როგორც პილოსში. ასევე კნოსოსში და აღნიშნავს „ხალხის წინამძღოლს“. რადგანაც სიტყვა, რომელიც მოგვიანებით ბერძნულში თარგმნილია როგორც „ხალხი“, განსაკუთრებით კი „ილიადაში“, გულისხმობს „ხალხს, რომელიც აღკაზმულია სალაშქროდ, მოლაშქრეებს“, ამიტომაც ზოგიერთი მკვლევარი ვარაუდობს, რომ მიკენური წარწერა ნიშნავს მოლაშქრეთა წინამძღოლს, მაგრამ ეს არ დასტურდება მცირე მოცულობის ფირფიტიდან. ჩვენთვის ცნობილია, რომ პილოსში Lāwāgetās-ს მამული მეფის მამულის ერთ მესამედს უდრიდა, მაგრამ არ აღემატებოდა საშუალო telestai-ის მამულს. Lāwāgetās შესაწირი პოსეიდონისადმი შეიცავს ორ ცხვარს, ფქვილისა და ღვინის გარკვეულ რაოდენობას. ხოლო მეფე E-Ke-ra-wo სწირავს 6-ჯერ მეტ მარცვლულს, 4,5-ჯერ მეტ ღვინოსა და თაფლს, 10 თავ ყველს, 1 ხარს და 1 ცხვრის ტყავს. მეფის მსგავსად, Lāwāgetās-ს ჰყავს ხელოსნები. ასეთია, ალბათ, ეტლის თვლის ხელოსანი, და კიდევ ერთი, რომლის ხელობა გაურკვეველია. ამის გარდა, ფირფიტაზე აღნიშნულია კიდევ ორი პირი, რომელიც მას ეკუთვნის, მაგრამ თუ რა ვაგებით, ცნობილი არ არის. წარწერა Lāwāgetās იგივე ფორმით მეორდება კნოსოსის ფირფიტაზე, მხოლოდ ისეთ ფრაგმენტულ კონტექსტებში, რომ მათგან ძალზე უმნიშვნელო ინფორმაციის მიღება შეიძლება. შესაძლოა, იგი გვაწვდის ინფორმაციას Lāwāgetās მამულის ზომების შესახებ, რადგანაც ეს ძალზე ჰგავს პილოსის ფირფიტაზე აღნიშნულ Lāwāgetās მამულს, მაგრამ გამორიცხული არ არის, ციფრი გამოსახავდეს მარცვლულის რაოდენობას.

შვედმა მეცნიერმა, დოქტორმა მ. ლინდგრემმა (1973 წელს) გამოთქვა აზრი, რომ Lāwāgetās-ს სახელი პილოსში არის Wedaneus.

მართლაც, Wedaneus არის მნიშვნელოვანი პირი, რომელიც იღებს გადასახადს, იგივე კონტექსტში როგორც პოსეიდონი: გარდა ამისა, Wedaneus-ს ჰყავს ფლოტში 20 ნიჩბოსანი და, როგორც ჩანს, ფლობს ცხვრის დიდ ფარას.

ასეთ საზოგადოებაში მეფეს დასჭირდებოდა კეთილშობილთა წრე, რომლებიც იქნებოდნენ მისგან უფლებით აღჭურვილნი და დაეხმარებოდნენ მას სამეფოს მმართველობის განმტკიცებაში. ამ მოვალეობას, ჩვეულებრივ, არისტოკრატთა კლასი ასრულებს, რომელიც, ხშირად, მეფური ჩამომავლობისა და მმართველობას უზრუნველყოფს უფროსი მოხელეებით. ისინი ადგენენ საუკეთესო სამხედრო ნაწილებს და მეთაურობენ ქვეით ლაშქარს. ეს კლასი მიკენურ საზოგადოებაში წარმოდგენილია hequetai-ით ანუ „მხლებლებით“. ეს სატყუა არ უნდა გაეიგოთ მისი ზუსტი მნიშვნელობით, რადგანაც სამეფო კარს ყოველთვის ჰყავდა ოფიციალური პირების საკმაოდ დიდი რაოდენობა, რომელთა მოვალეობა არ შეესაბამებოდა მათ უცნაურ წოდებას, მაგრამ ერთ-ერთ მოვალეობას, აუცილებლად, წარმოადგენდა მეფის მხლებლობა და მასზე ზრუნვა, როგორც მშვიდობიანობის, ისე ომიანობის დროს. „მხლებლის“ აშკარა პარალელი არსებობს იმ სიტყვებთან, რომლებიც აღნიშნავენ „თანმხლებს“. ლათინურ comes-ს იგივე მნიშვნელობა აქვს და წარმოადგენს სიტყვას, რომლისგანაც ინგლისური count (გრაფი) წარმოიშვა.

მხლებელთა მაღალ სტატუსს ადასტურებს მთელი რიგი აღნიშვნა. მათ შესაძლოა ჰყავდეთ მონები. პილოსის ერთ-ერთი ფირფიტის ნუსხაში ნახსენებია Amphimédēs, რომელიც ლეჯენის მიერ იდენტიფიცირებულია „მხლებლებთან“, Amphimédēs იყო ერთ-ერთი მნიშვნელოვანი მიწათმფლობელი. პილოსის ფირფიტებში, სანაპირო დამცველების შესახებ, მოიხსენიება მრავალი „მხლებელი“, სადაც, მათ საკუთარ სახელთან ერთად, ვხვდებით მამის სახელებსაც, ეს უნდა მიანიშნებდეს მათ არისტოკრატულ წარმომავლობაზე, რადგანაც უბრალო ხალხი ამდაგვარად არ მოიხსენიებოდა. თუმცა ფირფიტების ტელეგრაფულ სტილს ყოველთვის ვერ დავეყრდნობით. კნოსოსში არის ძალზე დაზიანებული ფირფიტა, რომლის ნუსხის წარწერაა „ქნოსოსელი მხლებლები“, და აქ მოხსენიებულია მხლებელი სამეფოს ერთ-ერთი ქალაქიდან.

წარწერებში ზედსართავი სახელით აღწერილია სამი ერთმანეთისაგან სრულიად განსხვავებული სიტყვა, რომელიც უკავშირდება „მხლებელის“ წოდებას: მონები, ტანსაცმელი და თვლები. მონების არსებობა, რომელთაც მნიშვნელოვანი პირები ფლობდნენ, დასტურდება სხვა დოკუმენტებიდანაც, თუმცა ეს იშვიათობას წარმოადგენს. ალბათ, ამით არის გამოწვეული, რომ ისინი, ჩვეულებრივ, ხშირად

არ გვხვდებიან წარწერებში. კნოსოსის ფირფიტაზე მოხსენებული ქსოვილები მიგვითითებს, რომ მხლებლებს ეცვათ სხვებისაგან გამოჩეული, ერთნაირი ტანსაცმელი. ტანსაცმელს, შესაძლოა, ჰქონდა თეთრი ფოჩები ან არშიები. თვლები განკუთვნილია ეტლებისათვის. ამრიგად, შეიძლება დავუშვათ, რომ მხლებლებს ჰყავდათ ეტლები, და, ალბათ, განსხვავებული თვლებითაც. ყოველივე აღნიშნული შეეფერება მათ მაღალ სტატუსს. მაგრამ ეტლები გვაფიქრებინებს, რომ მათ სამხედრო დანიშნულებაც ჰქონდათ. არსებობს დოკუმენტები იმისა, რომ კნოსოსს ჰყავდა 200 ეტლი, პილოსს კი გაცილებით ნაკლები.

საფიქრებელია, წარმოადგენდნენ თუ არა მხლებლები ერთადერთ სამხედრო ძალას, რომელიც ეტლებით მიდიოდა საბრძოლველად. მხლებლების მთავარი ფუნქცია, ალბათ, უნდა ყოფილიყო ქვეითი ჯარის მეთაურობა. მასალებიდან ცნობილია, რომ პილოსის ლაშქარს ჰყავდა 11 ლეგიონი და თითოეულ მათგანს მხლებელი მეთაურობდა. მაგრამ, შესაძლოა, ამ ლეგიონებს იყენებდნენ როგორც რჩეულ ნაწილებს, რომელთაც სწრაფი მანევრირების საშუალება ექნებოდათ. მათ თავიანთი აღქურვილობით შეეძლოთ ახლოს არ მიეშვათ მსუბუქად შეიარაღებული გაცილებით მრავალრიცხოვანი ნაწილები.

ადგილობრივი მმართველობა

იმ წარჩინებულ პირთა შორის, რომლებიც შეადგენდნენ სამეფო კარსა და მმართველობას, არცთუ იშვიათად, ვხვდებით დიდებულთა მეორე კლასს, მიწათმფლობელებს. იმ დროს, როდესაც დიდებულები უნდა ფლობდნენ მიწებს სამსახურებრივ და პირად საკუთრებაში, ჩვეულებრივ, ჩნდება გაცილებით დიდი კლასი მიწათმფლობელებისა, რომლებიც ადგილობრივ მმართველობას უზრუნველყოფენ სატახტო ქალაქის ფარგლებს გარეთ. ეს ორი კლასი, ამავე დროს, ემსახურება სასარგებლო მიზანს: კონტროლი გაუწიონ ერთმანეთს.

მიუხედავად იმისა, რომ ჩვენ ვიმოწმებთ მიკენურ ტიტულებს აღმინისტრაციულ სისტემაში მოსათავსებლად, საკითხი მაინც სადავოა. მაგრამ მე შეგნებულად უგულვებელყოფ მას მიკენური ტიტულების ნაკლებობის გამო. პილოსის სამეფო დაყოფილი იყო 16 აღმინისტრაციულ ოლქად. თითოეულს განაგებდა მმართველი, რომელსაც Kore-te ეწოდებოდა. მათ ჰყავდათ მოადგილე — P-ro-ko-re-te. ამ ტიტულების აღდგენა არ ხერხდება და ამიტომაც მათ ვუწოდებთ Koretēr და Prokoretēr-ს, პრობლემატურ საკითხს წარმოადგენს გადაწყვეტა გრძელ ნუსხაში აღნიშნული ტიტულები, თუმცა ტექსტის ძირითად ნაწილში თითოეული ოლქისათვის ვხვდებით მხოლოდ ერთ Koretēr-ს და ერთ Prokoretēr-ს, დანარჩენი ოთხი ტიტული მათ-

თან არის დაწყვილებული. დასაშვებია, რომ დანარჩენი ტიტულები წარმოადგენენ Koretēr-ის და prokoretēr-ის ალტერნატიულ ფორმებს. სხვა სიტყვებით რომ ვთქვათ, ერთი ოლქის Koretēr-ს, შესაძლოა, ეწოდებოდა dumar — სიტყვა, რომელიც ზოგ სხვა შემთხვევაში „ზედამხედველს“ ან რაიმე მსგავსს აღნიშნავს. უფრო დაბალი რანგის მოხელეთა ტიტულები საკმაოდ საინტერესო უნდა იყოს. ერთი მათგანია Klāwiphozos ანუ „გასაღების მატარებელი“, ეს ტიტული სხვაგანაც გვხვდება, მაგალითად, Sphagiānes — ფირფიტაზე აღნიშნულია ქალი სახელად Karpattia და იგი ფლობს იგივე ტიტულს. აგრეთვე აღნიშნული ტიტული ჩნდება ქურუმ ქალთან ერთად დაზიანებულ ფირფიტაზე რელიგიური შესაწირების შესახებ. იქმნება შთაბეჭდილება, რომ აღნიშნული ტერმინი რელიგიური ტიტული უნდა იყოს. საერო და სასულიერო თანამდებობის გაერთიანებამ არ უნდა გავგავიროს, რადგანაც მოგვიანებით ერთი და იგივე პირი ხშირად მომრიგებელი მოსამართლე და ქურუმიც იყო. სასულიერო და საერო თანამდებობების გამიჯვნა შედარებით თანამედროვე მოვლენაა. მაგრამ ძალზე საოცარია ის ფაქტი, რომ ოლქის მმართველის მოადგილე ქალი შეიძლებოდა ყოფილიყო. რადგან სიტყვა ერთნაირად შეიძლება ეყუთვნოდეს როგორც ქალს, ისე მამაკაცს, დასაშვებია, ეს ტიტული ჰქონოდა ორივე სქესის წარმომადგენელს. კლასიკურ აბერჩნეთში მიკენური Klāwiphoros (გასაღების მატარებელი) გადავიდა Kleidoukhos-ის (გასაღების მფლობელი) ფორმით, მაგრამ ტერმინი კვლავ ქალი ქურუმის სინონიმად რჩება, თუმცა წარწერებიდან ცნობილია, რომ ეს ტიტული მამაკაცსაც შეიძლებოდა ჰქონოდა.

ამვე ტექსტიდან ნათელია, რომ Koretēr და მისი მოადგილე პასუხისმგებელი იყო თითოეული ოლქიდან ბრინჯაოს დამატებით გადასახადისათვის. პილოსის დაზიანებული ფირფიტის ნუსხაში ჩვენ ვხვდებით იგივე ტიტულებს, მხოლოდ ეს ეხება არა ბრინჯაოს გადასახადს, არამედ ოქროს. აქ გადამხდელეები მოხსენიებულია ტიტულებით Koretēr და prokoretēr, ზოგ შემთხვევაში, ამ ოლქის აღნიშნული სიტყვა ან პიროვნების სახელი გვხვდება. აქედან შეიძლება დავუშვათ, რომ ნუსხაში აღნიშნული პირები ნახსენებ ტიტულებს ფლობდნენ.

თითქმის იგივე შინაარსისაა მეორე მნიშვნელოვანი დოკუმენტი, რომელიც შედგება ორი ფირფიტისაგან. აქ აღნიშნულია ორი koretēr-ი ერთ-ერთის ოლქი მდებარეობს „მორეულ პროვინციაში“, მეორესი კი ცნობილი არ არის. ეს უკანასკნელი ჩნდება ოქროს გადამხდელთა ნუსხაშიც. ზემოხსენებულ ფირფიტაზე ჩვენ ვხვდებით

ახალ ტიტულს. ეს არის mo-ro-qa, რომელიც ახსნილია როგორც moroqqaš, პირდაპირი მნიშვნელობით „აქციონერი“, მაგრამ ადვილი არ არის მისი ფუნქციის დადგენა. ეს დოკუმენტი მოწმობს, რომ moroqqaš ტიტული უფრო უნდა იყოს, ვიდრე თანამდებობა, როგორცაა მაგალითად, Koretēr, რადგანაც ერთი და იგივე პირი აღნიშნულია ამ ორი ტერმინით. სანაპირო დამცველთა ერთ-ერთ უფროსს მინიჭებული აქვს ეს ტიტული. ამავე ნუსხაში სამ მამაკაცს აქვს ტიტული moroqqaš. როგორც ჩანს, ეს მაღალი ტიტული უნდა ყოფილიყო, თუმცა არა გვაქვს საფუძველი იგი მხოლოდ მეფის კარს დაუკავშიროთ. ეს სიტყვა ჩნდება კნოსოსის ფირფიტებზეც, მაგრამ აქ, შესაძლოა, იგი პიროვნების სახელს აღნიშნავდეს. ამ ნუსხის ასახსნელად სხვადასხვა თეორიები იქნა წამოყენებული, მაგრამ საკითხი მაინც გადაუჭრელია. მეორე პარაგრაფში ჩამოთვლილია მიწის ნაკვეთების მფლობელები, მესამეში გვაქვს მამაკაცთა ნუსხა, რომელთა მოვალეობა გაურკვეველია, ხოლო მეოთხეში კი, ჩამოთვლილია მამაკაცები, რომლებიც ფლობენ მიწის მონაკვეთს. დოკუმენტში მოხსენიებულ ყველა მამაკაცს, მესამე პარაგრაფის გარდა, აქვთ მინაწერი „ერთი წყვილი“, მაგრამ გაურკვეველია, თუ რას უნდა ნიშნავდეს სიტყვა „წყვილი“. არსებობს სხვადასხვა მოსაზრებები ამ საკითხთან დაკავშირებით. ერთ-ერთი მიიჩნევს, რომ სიტყვა „წყვილი“, მიწის საზომს გამოხატავს, მაგრამ, სამწუხაროდ, ამ მოსაზრებას ეწინააღმდეგება ის ფაქტი, რომ იმ პირებთან, რომლებიც არ ფლობენ მიწის ნაკვეთს, გვხვდება მინაწერი „ერთი წყვილი“, თუმცა შეგვიძლია ვივარაუდოთ, რომ დოკუმენტი ეხება მიწის ნაკვეთების მომავალ განაწილებას. აქვე უნდა აღვნიშნოთ, რომ მიწის საზომად არსებობდა განსხვავებული სისტემა, რომელსაც VII თავში განვიხილავთ. პირველ ორ პარაგრაფში, ვხვდებით დამატებით ჩანაწერებს, გაურკვეველ იდუგოგრამას და ციფრებს 3-სა და 12-ს შორის. ეს მინაწერი შეესაბამება ტექსტის ფრაზას: „... წელს ის აიღებს (ან აიღო) შემდეგს...“ ორი ჩანაწერი შეიცავს სიტყვებს...“ და ის არ აიღებს (ან არ აიღო)“. ზმნას, რომელიც „აღებად“ ითარგმნა, შეიძლება ჰქონდეს რაიმე უფრო სპეციფიკური მნიშვნელობა. თავდაპირველად, როგორც ჩანს, ის ნიშნავდა „დაჭერას“ და დაკავშირებული იყო ნადირობის აღმნიშვნელ სიტყვასთან. მაგრამ ზოგიერთ დიალექტში მან შეიძინა უფრო ზოგადი მნიშვნელობა. სამწუხაროდ, მართლწერის დეფექტური სისტემა არ გვაძლევს საშუალებას გავარკვიოთ წარსული და მომავალი დროები. საინტერესოა უნდა იყოს მეხუთე პარაგრაფში აღნიშნული ხუთი პიროვნება, რადგანაც სამი მათგანი — მსლებლის ტიტულით — გვხვდება სანაპირო დამცველთა ფირფიტებზე, თუმცა აქ არ არის ნახსენები მათი ტიტული. უდავოა, რომ ისინი ერთი და იგივე პირები

არიან, რადგანაც ფირფიტებზე მოიხსენიებიან მამის სახელით. დანარჩენი ორი პირი ნახსენებია, როგორც გარკვეული ადგილის ქურუმები.

ახლა ჩვენ განვიხილავთ კიდევ ერთ პრობლემატურ საკითხს, რომელიც მდგომარეობს ტიტულ *telestās* სტატუსის დადგენაში. დოკუმენტი, რომელშიაც ნახსენებია მეფისა და *Lāwāgetās*-ის მამულები, ასევე აღნიშნავს სამი *telestāi*-ის მამულებს, რომელთა ფართობი ერთად მეფის მამულის ტოლია. ისინი აშკარად მიწის ძირითადი მფლობელები უნდა იყვნენ, მაგრამ მათი სტატუსის ზუსტად დადგენა რთულია. ჩემი აზრით, ისინი ისეთივე დამოკიდებულებაში უნდა ყოფილიყვნენ ოლქის მმართველებთან, როგორც მხლებლები მეფესთან. ე. ი. ისინი ყველაზე მნიშვნელოვან პირებს წარმოადგენდნენ ოლქის მმართველისა და მისი მოადგილის შემდეგ.

მოგვიანებით, ბერძნულში სიტყვა *telestās* დაკავშირებული იყო საკულტო და რიტუალურ მნიშვნელობასთან და შესაძლოა მას მიეკენერ ხანაშიც ამგვარი მნიშვნელობა ჰქონდა. როგორც ზემოთ იყო აღნიშნული, სასულიერო და საერო თანამდებობების გამიჯვნა დაუშვებელი იყო ამ პერიოდისათვის, მაგრამ ის თეორიული საფუძველი, რომელსაც მე ვეყრდნობი, მოითხოვს ადგილობრივ მიწათმფლობელთა კლასის არსებობას და საკმაოდ კარგი შესაძლებლობა იქმნება ის დაეინახოთ *telestai*-ში.

ეს ტიტული გვხვდება მხოლოდ იმ დოკუმენტებში, რომელიც მიწის მფლობელობას ეხება. მათი რაოდენობა დიდია. პილოსთან *Sphagiānes*-ის ოლქში თავდაპირველად მათი რაოდენობა 14-ს უდრიდა, თუმცა ერთის მფლობელი წაშლილია. ჩვენთვის ცნობილია, რომ კრეტის სასახლესთან ოთხი მამული იყო და ერთ-ერთ მათგანთან (ატარვასთან, კუნძულის დასავლეთით) მიწის მფლობელთა რიცხვი 45-ს უახლოვდებოდა. ტერმინი *Ktoinookhos* — „ნაკვეთის მფლობელი“ — შეიძლება ვინმართ მიწის მფლობელების სინონიმად. აღნიშნული ტიტული, როგორც ჩანს, წარმოიშვა ზმნიდან, რომელიც მათ ფუნქციებს გამოხატავს. დოკუმენტში ვხვდებით წარწერას: „ერთი *telestās* ვალდებულია... მაგრამ არ...“; გამოტოვებულ ადგილებში შესაბამისი ზმნა უნდა მოთავსდეს. ეს კი მიგვანიშნებს, რომ პიროვნების ფუნქცია კონტექსტში შეიძლება იყო „მამულის მფლობელი“.

პილოსის ფირფიტაზე ჩვენ ვხვდებით წარწერას — *dāmos*. ეს სიტყვა მოგვიანებით ბერძნულში გვხვდება *dēmos*-ის ფორმით და აღნიშნავს ხალხს (აქედანაა წარმოქმნილი სიტყვა დემოკრატია). მაგრამ ატიკაში მას სხვა მნიშვნელობა აქვს. ეს არის ადგილობრივი ადმინისტრაციული ოლქის გამომხატველი ტერმინი. ჩვენ ვიცით, რომ პილოსის სამეფო დაყოფილი იყო 16 ადმინისტრაციულ ოლქად, აქე-

დან გამომდინარე, მათ შესაძლოა dēmos ეწოდებოდა, და ეს ტერ-
მინი გამოიყენებოდა მთელი ოლქის მოსახლეობის აღსანიშნავად.
ეს უკვე ხსნის, თუ რატომ მოიხსენიება შესაწირი ღორების სიაში
opidānioi ანუ dēmos-ის მოხელეები „ახლო პროვინციის“ ერთ-ერთი
ოლქიდან. Sphagiānes- თან და სხვა ადგილებში სათემო მიწა dāmos-ის
მფლობელობაშია. ერთ-ერთ დოკუმენტში dāmos ვედავება ქურუმ ქალ Eri-
tha-ს გარკვეული ნაკვეთის მფლობელობაში. საინტერესოა, რომ ეს
გვხვდება სრულყოფილ ტექსტში, მაგრამ მოსამზადებელ ტექსტში dāmos-ის
ნაცვლად აღნიშნულია „ნაკვეთის მფლობელი“. ეს იმას უნდა მიანი-
შნებდეს, რომ მსხვილი მიწათმფლობელები გამოხატავდნენ ოლქის
ინტერესებს. ამას ადასტურებს უკვე განხილული დოკუმენტების პა-
რალელი მამულების ნუსხასა და პოსეიდონისადმი შესაწირ ნიკთებს
შორის, სადაც dāmos სამი telestai-ის ნაცვლად იხმარება. ამგვარად
თითქოს დავადგინეთ, რომ სამივე ტერმინი პრაქტიკულად ერთმანე-
თის სინონიმებია.

პილოსისა და კნოსის ფირფიტებში ვხვდებით კიდევ ერთ
წარწერას — da-mo-ko-ro. პილოსის ფირფიტაში, სადაც არის ძვირ-
ფასი ავეჯის გრძელი ნუსხა, აღნიშნულია: „როცა მეფემ Augewās
damokoros-ად დანიშნა“. ამგვარად, ჩვენ ვიცით, რომ da-mo-ko-
ro-ს მეფე ნიშნავდა. დასაშვებია, რომ ეს იყოს dāmos-ის შედგენი-
ლი სიტყვა და აგრეთვე იგივე ძირი ჰქონდეს, რაც Koretēr-ს. მაგ-
რამ თუ რა განსხვავებაა მათ შორის, გაურკვეველია.

დაბალი კლასები

ჩვენამდე მოღწეული მასალების მიხედვით, მეტად რთულია წარ-
მოვიდგინოთ უბრალო ადამიანების ცხოვრების წესი. იქმნება ზოგა-
დი შთაბეჭდილება, რომ სამეფო ადმინისტრაცია აერთიანებდა დი-
დებულებსა და მიწათმფლობელებს, ქვეშევრდომებსა და მონებს. ამ
ორ კლასს შორის არსებობდა მშრომელი მოსახლეობის დიდი ნაწი-
ლი. Sphagiānes-ის ოლქში აღნუსხულია მთავარი მოიჯარე მიწათ-
მფლობელები, მაგრამ მათი უმრავლესობა კვალიფიციირდება როგორც
„ღვთაების მსახური“, ჩვენთვის კი უცნობია, თუ რა თანამდებობაა
„ღვთაების მსახური“. სამშენებლო საქმეებისათვის მოსალოდნელია
გამოიყენებინათ იძულებითი სამუშაოს სისტემა, მაგრამ ჩანაწერები
ვარაუდს არ გვიმართლებს.

პილოსის ფირფიტებში დამოწმებულია ადამიანთა ყველაზე დიდი
რიცხვი, რომელთა მიხედვითაც სანაპირო დამცველთა რიცხვი აღე-

მატებოდა 800 კაცს, ხოლო მათგან 500—550-მდე მენიხბეები უნდა ყოფილიყვნენ. კნოსოსის ერთ-ერთი ფირფიტა აღნუსხავს 237 კაცს ქალაქ უტანოსიდან. ალბათ, აქ აღწერილია მოზარდები, რომლებიც სამხედრო სამსახურში უნდა მიეღოთ.

ჩვენამდე მოაღწია ფირფიტებმა, სადაც აღნუსხულია ქვის-მთლელები ოთხი სხვადასხვა მხრიდან, მაგრამ მათი რიცხვი მცირეა. ესენი, ალბათ, ხელოსნები იყვნენ და სამუშაო ძალას არ წარმოადგენდნენ. ამავე ფირფიტის მეორე ნაწილი დათმობილი აქვს კომერციულ საქმიანობას. მაგრამ გაუგებარია, თუ რა კავშირი აქვს ყოველივე ამას ქვის მთლელებთან. ხშირად სხვადასხვა ფირფიტებზე აღნუსხულია ვაჭრების სხვადასხვა ჯგუფების მარცვლეულით გადასახადები. მაგრამ ვაჭართა ჯგუფები არ არის დაკონკრეტებული და საერთოდ ასეთი ფირფიტები არცთუ ისე ხშირად გვხვდება.

ცალკეული ხელობების დასახელებები მიგვანიშნებს, რომ მიკენურ საზოგადოებაში არსებობდა შრომის დანაწილება. ეს არ არის პერიოდი, როდესაც ცალკეული პირი მონაცვლებით იყო მოიჭარადე მიწათმოქმედიცა და მშენებელიც, ხუროცა და ფეიქარიც. ეს არის პერიოდი, როდესაც ხელოსნები ამზადებენ ჭურჭლებს, სხვადასხვა სახის სამკაულებსა და ნივთებს. ისინი საოცარი ოსტატობით ათავსებდნენ ძვირფას ქვებს სამკაულებში. საყურადღებოა, რომ ლურჯი მინის ნივთიერების დამუშავების ტექნიკაში მხოლოდ და მხოლოდ მიკენელი ოსტატები იყვნენ გაწაფულნი. კლასიკურ საბერძნეთში ხელოსნობის ამ სახეობას უკვე აღარ იყენებდნენ. და ამიტომაც გვიჭირს მისი აღწერა.

სოციალური იერარქიის ფსკერზე ვხვდებით მონებს. მონა და თავისუფალი — ეს არის კლასიკური დიქოტომია, თუმცა მკვეთრი ზღვარი მათ უფლებებს შორის ყოველთვის არ არის ადვილი დასადგენი. კლასიკური პერიოდის ათენში, მაგალითად, თავისუფალი მოქალაქენი სარგებლობდნენ პოლიტიკური უფლებებით, ხოლო მონები ყოველმხრივ შეზღუდულნი იყვნენ. მაგრამ თვითმპყრობელურ საზოგადოებაში მონარქის გარდა ძნელია ვინმეს თავისუფალი უწოდო. თავისუფლება და მონობა, თუ შეიძლება ასე ითქვას, შედარებითი ცნებებია. სიტყვა, რომელიც კლასიკურ საბერძნეთში ნიშნავდა „მონას“, მიკენურ საბერძნეთში შეიძლება ყოფილიყო „მსახურის“ მნიშვნელობით მიღებული. მიკენურ საბერძნეთში ცალკეულ პიროვნებას შეეძლო ჰყოლოდა მონა, თუმცა მონათმფლობელების უმრავლესობა მაღალი კლასის წარმომადგენლები იყვნენ. მონების, როგორც კერძო საკუთრების, ყველაზე დიდი რიცხვი დამოწმებულია პილოსის ფირფიტების ერთ-ერთ სერიაში, სადაც საუბარია მკვედელთა საკუთრებაზე. ეს ფირფიტა დაზიანებულია. შემორჩენილი ტექსტის მიხედ-

ვით მონათა რიცხვი არის 36, მაგრამ თუ გავითვალისწინებთ რომ ტექსტის თითქმის მესამედი ნაწილი დაზიანებულია, რასაკვირველია, მონების გაცილებით დიდი რიცხვი უნდა ვივარაუდოთ. კნოსოსის ფირფიტები აღწუსხავს იმ მონა ქალების დიდ ჯგუფს, რომლებიც დასაქმებულნი იყვნენ საფეიქრო მრეწველობაში. პილოსში აღმოჩენილი დოკუმენტების მიხედვით, შეიძლება დავასკვნათ, რომ აღწუსხვა საჭირო იყო ულფის დასადგენად. აღნიშნულ შემთხვევაში ქალებთან ერთად დასახლებულია ბავშვებიც, ამასთანავე, გოგონების რაოდენობა ვაჟების რაოდენობას გაცილებით აღემატებოდა.

პილოსში აღმოჩენილია ფირფიტების სერიები ასეთი სქემით: „ამა და ამ ჯგუფის ქალთა ვაჟები“. როგორც ჩანს, ეს ვაჟები იმ ასაკში იყვნენ, როცა მათ ჯერ კიდევ ჰქონდათ დედასთან ერთად მუშაობის ნება. დანარჩენები, არცთუ მრავალრიცხოვანი, რომელთა სახელებიც გვხვდება ქალთა და ბავშვთა ჯგუფებთან ერთად, ალბათ, უკვე მოზარდთა ასაკს იყვნენ მიღწეულნი. ძნელია წარმოვიდგინოთ ქალები და ბავშვები, რომლებსაც ყოველდღიურ სარჩოს სასახლე უხდოდა და რომლებიც, შესაძლოა, სასახლეში იყვნენ დაბინავებულნი, მაგრამ არ იყვნენ მონები. სამუშაოზე გასული მონა ქალები ჩვილ ბავშვებს უტოვებდნენ მოხუც ქალებს, მონა ქალებს. დღის განმავლობაში უნდა ემუშავათ იმდენი, რამდენიც საჭირო იქნებოდა ბავშვებისა და თავიანთი თავის გამოსაკვებად.

დოკუმენტურ წყაროებში არ არის დამოწმებული მონა მამაკაცი. ესეც, გარკვეული თვალსაზრისით, ცხადყოფს მამაკაცის ადგილს ანტიკურ საზოგადოებაში. ბერძნებს, ქალაქების დაპყრობის შემდეგ, მონებად მიჰყავდათ მხოლოდ ქალები და ბავშვები. ბერძენი მეომრები მამაკაცებს, ჩვეულებრივ, ხოცავდნენ ხოლმე, არ ინდობდნენ მცირეწლოვან ვაჟებსაც. დამპყრობლები ფიქრობდნენ: მცირეწლოვანი ბავშვები წამოიზრდებიან და თუ მათი რაოდენობა საგრძნობლად დიდი იქნება, მათი მონებად შენარჩუნებაც გაძნელებაო.

ფირფიტებში მონა ქალები დაჯგუფებულნი არიან: ერთნი — პროფესიის მიხედვით, მაგალითად, სელის დამმუშავებლები, მრთველი და სხვა., მეორენი კი წარმომავლობის მიხედვით. მაგალითად, „მონა ქალი მილეტოსიდან“ (milātos), „მონა ქალი ლემნოსიდან“ (Lāmnos), „მონა ქალი კნოსოსიდან“ და სხვა. საოცარია, როგორ აღმოჩნდნენ პილოსში მონა ქალები ესოდენ შორეული ადგილებიდან. შესაძლებელია, ისინი პილოსელმა მეკობრეებმა წამოიყვანეს ტყვეებად, მაგრამ დოკუმენტებში ცალკეა დამოწმებული „ტყვეების“ ჯგუფი. ამასთანავე, ძნელი დასაჯერებელია მიკენელი ბერძნები თავს დასხმოდნენ სხვა მიკენურ დასახლებებს (მილეტოსი კი ერთ-ერთ ასეთ დასახლებადაა ცნობილი). უფრო რეალური იქნებოდა ამ ტე-

რიტორიაზე გვევარაუდა მიკენური სავაჭრო პუნქტები, რადგანაღწარმოებდა ბერძნული და ანატოლიური საქონლისა და მათ შორის მონების გაცვლა-გამოცვლა. თუკი მონა ქალთა ჯგუფი მეორდება (მინიმუმ) სამჯერ, შეიძლება ვთქვათ, რომ გავაჩნია სრულყოფილი ჩანაწერები. საუკეთესო ნიმუშები ამ თვალსაზრისით, ასევე გარკვეული თვალსაზრისით ურთიერთშემავსებელი ინფორმაციის გამო, არის Aa, Ab, Ad სერიების ფირფიტები. თითოეულ ჯგუფში მონა ქალების რიცხვი არის 1-დან 38-მდე. ხოლო ბავშვებისა — თითქმის უტოლდება ქალების რაოდენობას. ბავშვებში გოგონების რაოდენობა ბევრად აღემატება ვაჟებისას. არსებული წყაროებიდან გამომდინარე, უნდა ვივარაუდოთ, რომ მონა ქალების რიცხვი მთლიანად იქნებოდა 750. მათგან 450-მდე პილოსის საკუთრებაა. ეს კი ნიშნავს, რომ პილოსი ერქვა უფრო ვრცელ ტერიტორიას, იმასთან შედარებით, სადაც გათხრები მიმდინარეობდა (გარდა ამისა, იმ ბორცვის ირგვლივ, სადაც სასახლე იდგა, აღმოჩენილია შენობების ნანგრევები). 100-მდე მონა ქალი ალბათ განეკუთვნებოდა „ახლო პროვინციას“, ხოლო 200-მდე „შორეულ პროვინციას“, აქედან 150 წარმოადგენდა ქალაქ ლევკტრონის მონებს (სავარაუდოა, რომ ეს ქალაქი უნდა ყოფილიყო „შორეული პროვინციის“ დედაქალაქი). შეგვიძლია ვივარაუდოთ, რომ ყმაწვილ მონათა რაოდენობა უდრიდა 275-მდე კაცს და, ამასთანავე, 100 ბიჭს. აღსანიშნავია, რომ ამ მონების თითქმის ორი მესამედი ეკუთვნოდა პილოსს.

თავისებურებას წარმოადგენდა ულუფის განაწილება მონა ქალებში. ცხადია, რომ რაციონის რაოდენობა შეესაბამებოდა ქალთა და ბავშვთა რაოდენობას. ზოგადი ფორმულის დადგენა გაჭირდება, თუმცა ძნელი დასაჯერებელია, რომ გარკვეული ნათელი მოჰფინა საკითხს ჩემმა ვარაუდმა, სახელდობრ: თუ ამოსავლად მივიჩნევდით რაციონის ერთეულის ორ მეათედს თითოეული ქალისათვის. და ერთ მეათედს ბავშვისათვის, ცალკეული ჯგუფი მიიღებდა სწორედ ამ ძირითად მინიმუმს. ზოგ ჯგუფს, რომელიც იღებდა ოდნავ უფრო დიდ ულუფას, ერთვოდა გაურკვეველი ნიშნები TA და DA. როგორც ჩანს, ეს ნიშნები რალაც კავშირში იყო დამატებით ულუფასთან. სხვადასხვა განმარტებითი ჰიპოთეზების დონეზე, სპეციალისტები დღესაც ამ კანონზომიერებას ითვალისწინებენ, სწორედ, როგორც ძირითად ამოსავალს ჰიპოთეზებისათვის.

პილოსში აღმოჩენილი ერთ-ერთი დოკუმენტი მნიშვნელოვანია იმ თვალსაზრისით, რომ ამ დოკუმენტის მიხედვით შეგვიძლია წარმოადგენა შევიქმნათ მიკენის მონების შესახებ. მასში აღნუსხულია 13 მონა ქალი. მაგრამ თვით ეს ფაქტი საკმაოდ ბუნდოვანი უნდა იყოს — ამ დოკუმენტის შემდგენელი თითქმის ყოველ სტრიქონში უშვებდა შეცდომებს (ეს ჩანს თვით ფირფიტაზე). მიუხედავად ამისა, დოკუმენტი

შენტი საინტერესოა იმდენად, რამდენადაც მასში მოიხსენიებიან ამ მონა ქალების მშობლები. ქალები სამ ჯგუფად არიან დაყოფილი: ერთი შედგება ექვსი ქალისაგან, მეორე — სამი, ხოლო ერთიც — ერთი ქალისაგან. თუმცა ამ ფრაგმენტში არ არის აღნიშნული მშობლების სახელები, მაგრამ ჩანს მათი საზოგადოებრივი მდგომარეობა. ყოველ ოჯახში ერთ-ერთი მშობელი მონაა. პილოსის ფირფიტაზე, შესაბამისად, 13-ვე ქალს ჰქვია მონა. ყოველივე ზემოთქმულიდან შეიძლება დავასკვნათ: თუკი ბავშვის ერთ-ერთი მშობელი მონაა, ბავშვიც დაბადებისთანავე მონა უნდა ყოფილიყო. ეს არის ვარაუდი, თუმცა დამაჯერებელი ვარაუდი. ჩვენთვის უცნობია საკითხთან დაკავშირებული მრავალი კონკრეტული მომენტი.

გარკვეულ სირთულეს წარმოშობს „ღვთაების მონობასთან“ დაკავშირებული მშობელისა და შვილის მიმართება — ღვთაების მონები ხშირად გვხვდება პილოსის წარწერებში. მაგრამ აშკარაა, რომ ღვთაების მონები არ არიან მონები ამ სიტყვის პირდაპირი მნიშვნელობით.

რელიგია

ყველაზე დიდ სიძნელეებს არქეოლოგების მიერ აღმოჩენილი „უტყვი“ ნივთების ინტერპრეტაციის დროს რელიგიის სფეროში ვაწყდებით. ყველა მუზეუმში უხვადაა რელიგიური ხასიათის ბრინჯაოს ხანის ნივთები. ნებისმიერი ადამიანის გამოსახულება შეიძლება ღვთაების გამოსახულებად მივიჩნიოთ და ნებისმიერი გაურკვეველი დანიშნულების არქიტექტურული ძეგლი — ტაძრად. დანამდვილებით შეიძლება ითქვას, რომ მსოფლიო რელიგიებმა ადამიანის გამოსახულების ნიმუშების მიხედვით შექმნეს ღვთაებრივი გამოსახულებების ურიცხვი რაოდენობა. შექმნეს ხელოვნების მრავალი თავისებური ნიმუში, რომელთა დანიშნულება ერთი შეხედვით რთული მისახვედრია. მაგარმ დავუშვათ, რომ ქრისტიანობის შინაარს ჩაეწვდეთ მხოლოდ საკულტო ძეგლებით, ფრესკებითა და სკულპტურების მატერიალური ნაშთებით. დოკუმენტური წყაროების გარეშე, მაშინვე ნათელი გახდება, თუ რა საფრთხესთანაა დაკავშირებული ამგვარი საქმე. სულ რამოდენიმე წლის წინათ სწორედ ამ გზით განიხილავდნენ მიკენური რელიგიის საკითხს. იყო ერთადერთი ცდა აღმოეჩინათ კლასიკური ბერძნული რელიგიის წინაისტორია მის წარმოშობაზე ვარაუდების მიხედვით და მითების მნიშვნელობების გაშიფვრით. ზედმეტი იქნებოდა მითების ისტორიულობაზე საუბარი, ამჟამადაც რომ არ ვხვდებოდეთ მრავალ ასეთი სახის ცდას. ერთ-ერთი ყველაზე სავალალო შედეგი მოჰყვა რობერტ გრეივზის „ბერძნული მითების“ შენიშვნებს, თუმცა აზრი, რომ მითი არის პრიმიტიული სახის ისტორია, ძნელი აღმოსაფხვრელია. სირთულეს, ნაწილობრივ, მითის რაობის განსაზღვრაც განაპირობებს. მითს უწოდებენ გადმოცემებს, განურჩევლად იმისა ადამიანებზეა და ღმერთებზეა იგი, თუ სამყაროს დასაბამისა და ბუნებრივი მოვლენების ახსნის ფაქტს ეხება. ერთადერთი მათთვის საერთო არის ის, რომ ვერ მივიჩნევთ უშუალო სინამდვილედ.

ჩვენ ამაში ვრწმუნდებით მითების შემოწმებით. ვთქვათ, ტროას კედლები ზეადამიანური შრომის შედეგია, ამას უარყოფენ, როგორც შეთხზულს, ანდა, როგორც გაზვიადებულს. მაგარმ, თუ ტროა ადა-

შიანებმა გაძარცვეს, ეს უნდა მივიჩნიოთ ისტორიულ ფაქტად. არა მგონია მითის ფუნქციას ბევრი რამ ჰქონდეს საერთო ისტორიასთან, მაგრამ ამჟამად ეს არ წარმოადგენს ჩვენი განხილვის საგანს.

რელიგიისადმი არქეოლოგიური მიდგომის ერთ-ერთი ამკარა და გარდუვალაი შედეგი იყო მინოსური და მიკენური რელიგიის აღრევა. ერთ-ერთი ცნობილი წიგნის სათაურია „მინოსურ-მიკენური რელიგია“ (ნილსონი, 1927 წ.). თავდაპირველად არსებობდა ორი ტრადიცია, რომელიც ჩვენ შეგვიძლია დაეხასიათოდ მინოსური კრეტის და მიკენური მატერიკის ტრადიციად. თვით მიკენური ტრადიციაც კი არ უნდა ყოფილიყო ერთგვაროვანი. იმ პერიოდის ხალხი არ იყო ებრაელებივით ისე თავდაჭერებული, რომ ხელალებით უარეყოთ მეზობელი ხალხების ღმერთები. ისინი თითქმის ყოველთვის ითვისებდნენ და საკუთარ რელიგიურ სისტემას უფარდებდნენ სხვა რელიგიურ სისტემებს, რომლებთანაც კი ჰქონდათ კონტაქტები, ან უცხოურ ღვთაებას მსგავსი ნიშნებით ერთ-ერთ თავიანთ ღვთაებაში აიგივებდნენ.

საჩუმუნოდ იმისა, რომ წინაეღინური ხანის მოსახლეობას საბერძნეთში და კრეტაზე ჰქონდა ერთნაირი რელიგია, უნდა ვივარაუდოთ, მხოლოდ ორი ელემენტის შერწყმა. კლასიკური რელიგიის ანალიზმა მოგვცა ორი განმტოება: არსებობდნენ ეგრეთწოდებული ოლიმპოელი ღვთაებები, რომლებიც ცხოვრობდნენ ჩრდილო საბერძნეთში რეალურად არსებულ ოლიმპოს მთაზე. არსებობდნენ, აგრეთვე, ღმერთების ჯგუფები, სპეციალისტებისათვის ცნობილი როგორც ხთონური ღმერთები. ტრადიციის მიხედვით, ისინი ცხოვრობდნენ მიწის ქვეშეთში, ქვესკნელში. მათი სახელწოდება ნიშნავს „მიწიერს“. დასაშვებია ჰიპოთეზა, რომ ხთონური ელემენტი წარმოადგენს წინაეღინური ხალხის რელიგიას, ოლიმპოური ელემენტი კი წინაბერძნულ ახალმოსახლეთა რელიგიასთან არის დაკავშირებული, მაგრამ ეს შეხედულებაც, ალბათ, მეტად გამარტივებულია. არსებობს ამ შეხედულების დამადასტურებელი ლინგვისტური საბუთებიც და მათაც, სამწუხაროდ, საკმაოდ ხშირად, გვერდს უვლიან ხოლმე.

გადმოცემის თანხმად, არსებობდა 12 ოლიმპოელი ღმერთი: ზევსი, პოსეიდონი, ჰერმესი, არესი, აპოლონი, ჰეფესტოსი, დიონისე, ჰერა, არტემიდე, აფროდიტე, ათენა, დემეტრე. ამათგან დემეტრე. ალბათ, გვიან უნდა ჩაერთოთ ოლიმპოელი ღმერთების ჯგუფში, რადგანაც იგი, თავდაპირველად, წარმოადგენდა მიწის ღვთაებას. ყოველთვის ფიქრობდნენ, რომ დიონისეც მოგვიანებით შეუერთდა ამ ჯგუფს. მაგრამ პილოსში აღმოჩენილმა ორმა ფირფიტამ ძირი გამოუთხარა ამ ვარაუდს. ღმერთების სახელებთან დაკავშირებით, უნდა გავითვალისწინოთ ლინგვისტური ფაქტორიც. თუკი ეს კულტები დაიყვანება იმ პერიოდ-

დამდე, როცა ინდოევროპელები ჯერ არ იყვნენ დანაწევრებულნი, მაშინ ღმერთების სახელთა პარალელები უხდა ვეძებოთ სხვა ენებშიც. ფაქტიურად, ყველა ინდოევროპულ ენაში გვხვდება ერთადერთი სახელი, ესაა — ზევსი. მისი სახელიდან გამომდინარე, ზევსი უხდა ყოფილიყო მოწმენდილი ცის ღვთაება და, უეჭველია, საბერძნეთში ეს სახელი ბერძენთა წინაპრებმა შემოიტანეს. დიდი შრომა გასწიეს მეცნიერებმა იმისათვის, რომ შეევსოთ სხვა სახელთა ეტიმოლოგიაც. ბერძნული რელიგიის ყველა ცნობარი დიდ ადგილს უთმობს სახელების ახსნას. მაგრამ თუნდაც მცირე გამოკვლევაც კი მაშინვე ცხადყოფს, რომ თითოეულ სახელს აქვს სხვადასხვა და ურთიერთგამომრიცხველი ახსნები. რატომღაც ეს ფაქტი არავითარ ეჭვს არ იწვევს რელიგიის მკვლევართა წრეში. ისინი კვლავაც დიდი მოწადინებით აგებენ თავიანთ თეორიებს იმაზე, რაც, მათი აზრით, არის სახელის პირველადი მნიშვნელობა. გამოცდილი ენათმეცნიერი კი კარგად გრძნობს იმ ხარვეზს, რომელიც აცამტვერებს ყოველგვარ მსგავს დასკვნას. ეტიმოლოგია არ ნიშნავს იმას, რომ ორი ზედამიჩრუვად მსგავსი სიტყუა ერთი და იმავე ძირიდან მომდინარეობს. ძირითადი პრინციპი ესაა მონახოს შესაძარებელ სიტყვებს შორის ერთი და იგივე მნიშვნელობა ან, ყოველ შემთხვევაში, იმდენად ახლო მნიშვნელობები, რომ დამაჯერებლად ჩანდეს ერთი სიტყვის მეორედან განვითარების პროცესი. ამგვარად, ღვთაებათა სახელების ეტიმოლოგიის შემოწმების არავითარი საშუალება არა გვაქვს, თუ ისინი ზევსის მსგავსად მთელ რიგ მონათესავე ენაში არ შეგვხვდება. შეგვიძლია მხოლოდ ვიმსჯელოთ, დამაჯერებელია თუ არა სახელის სავარაუდო მნიშვნელობა. იმ შემთხვევაში, თუ ის არ არის დამაკმაყოფილებელი, შეგვიძლია უარვყოთ შემოთავაზებული ახსნა, მაგრამ თუ დამაკმაყოფილებელია, ეს კიდევ არ ამტკიცებს, რომ ვარაუდი სწორია. ღმერთის შესახებ ნებისმიერ ჰიპოთეზას ეჭვის თვალთ უხდა შეეხედოთ, განსაკუთრებით იმ ჰიპოთეზას, რომელიც დამყარებულია მისი მნიშვნელობის განმარტებაზე.

განვიხილოთ, მაგალითად, სახელი პოსეიდონი, რადგან ამ სახელს ყველაზე მეტი პრეტენზიები აქვს ინდოევროპულ წარმომავლობაზე. პოსეიდონი არის ზღვის, მიწისძვრებისა და ცხენების ღმერთი. სახელის ფორმა ძველ ბერძნულ დიალექტში განსხვავებულია. ჰომეროსთან ვხვდებით ფორმას Poseidāōn. დღეს ჩვენთვის ცნობილია, რომ ეს მიკენური ფორმაა. სხვა დიალექტებში სახელი გვხვდება Poteidōn ფორმით. ყოველივე ამის შემდეგ საშუალება გვეძლევა აღვადგინოთ საწყისი ფორმა — Poteidaōn. ჩვენ შეგვიძლია ამ ფორმიდან გამოვყოთ Polis (კლასიკური ბერძნული Posis — ქმარი. შეადარეთ სანსკრიტი Polis — მეუფე, ლათინური Potis, რომლის ზედსართავუ-

ლი მნიშვნელობაა „შემძლე“). მეორე მარცვალში გვხვდება უცნაური დიფთონგი, თუმცა ეს შეიძლება აიხსნას წოდებითის ფორმით (Po-
lei — „ღმერთო“), რადგანაც ასეთი ფორმები ზოგჯერ უცვლელ
ფორმებად განიხილება. მეორე ელემენტი მარცვალში არის *ǰdā*, *ōn*
და განიხილება, როგორც მამაკაცის სახელების ჩვეულებრივი დაბო-
ლოება. *dā* ვარაუდობენ, რომ აღნიშნავს „ნიწას“. ასე რომ, ზეგლი
სიტყვა ნიშნავდა „დედამიწის მეუფეს ან მეუღლეს“. მაგრამ სიტყვა—
dā მთელ ბერძნულ ლიტერატურაში გვხვდება მხოლოდ, როგორც
წამოძახილი. ასეთია ცნობილი პასაჟი ექსილეს „ავამემონიდან“, როცა
კასანდრა ხანგრძლივ სიჩუმეს არღვევს შემაშფოთებელი წამოძახი-
ლით — *otototoi-popoi-dā*. პირველი ორი სიტყვა არ არის ცნო-
ბილი ბერძნული ლექსიკიდან. ისინი მნიშვნელობას მოკლებული წამო-
ძახილებია, როგორც მაგალითად, *ოპ-ოპ-ოპ-ოპ*, რომელიც დღესაც
შეიძლება გაიგონოთ საბერძნეთში, რაც გაოცების წამოძახილია. საინ-
ტერესო იქნებოდა *dā* ექსილესთან სწორედ მიწისადმი რომ ყოფი-
ლიყო ვედრება. კასანდრა ხომ ოლიმპოს ღმერთის, აპოლონის ქურუმი
იყო.

განიხილოთ იღუმალებით მოცული კრდე ერთი სიტყვა — *Dēmētēr*
ან მისი ადრეული ფორმა *Dāmātēr*. ევგვარეშეა, დემეტრე არის
მიწის ქალღმერთი, *mātēr* ბერძნულად ნიშნავს „დედას“, ხოლო
dā — „მიწას“ უნდა ნიშნავდეს, რაც უნდა დავამტკიცოთ. ეს, რა
თქმა უნდა, მცდარი არგუმენტია, თუმცა მას ემხრობა ბერძნული რე-
ლიგიის სპეციალისტთა უმრავლესობა. ყველა ბერძენს ჰქონდა შეგნე-
ბული დემეტრეს, როგორც დედის, ფუნქციები: თუკი მისი სახელი
ოდნავ მაინც წააგავდა ბერძნულ სიტყვა — „დედას“, მას აუცილებ-
ლად ფორმა უნდა შეეცვალა ამ მსგავსების გამოსაკვეთად. სახელის
პირველ ელემენტს „დედამიწის“ მნიშვნელობა რომ ჰქონოდა, როგორ
არ შეიცვლებოდა იგი *Gāmātēr* ფორმად — ყველა ბერძნულ ენაზე
მოლაპარაკეთათვის გასაგებ ფორმად? სხვა ღვთაებათა სახელები კი-
დეე უფრო ნაკლებად ემორჩილებიან ეტიმოლოგიას. მაგალითად, ჰერ-
მესს არაფერი აქვს საერთო ჰერმებთან, ქვის პირამიდებთან (*Herma-
la*), რაკი ეს უკანასკნელი სიტყვა იწყება ასო *w*-თი, ჰერმესი კი — არა.
ამავე მიზეზით ქალღმერთ ჰერას არა აქვს საერთო „მხსნელის“ მნი-
შვნელობასთან. სახელი „ჰერა“ შეიძლება დავუკავშიროთ *Hērōs*
(„გმირი“). თუმცა ეს ბევრს არაფერს გვმატებს, მისი ეტიმოლოგია
მაინც ბუნდოვანია. აპოლონი არ ნიშნავს გამანადგურებელს, თუმცა
ბერძნებს უყვარდათ *Apollūmi* — „ვანადგურებ“ ზნით კალამბური.
აფროდიტეს, შესაძლოა, არავითარი კავშირი არა აქვს სიტყვასთან *ap-*

DIOS—„ქაფი“, თუმცა არსებობს რომანტიკული სურათები, როცა აფროდიტე ამოდის აქაფებულ ტალღებიდან. Dionysos, ალბათ, მოიცავს თავისი მამის სახელს — „ზევსს“ (ნათესაობითში — Dios), მიკენურიც ამეჟამად გვიდასტურებს w-ს — Diwo; მაგრამ ამ შედგენილი სიტყვის მეორე ნაწილი ბუნდოვანი რჩება. სახელები, როგორცაა Hēphaistos და Athēnā, ცხადყოფენ წინაბერძნული წარმომავლობის ტოპონიმებში დამოწმებულ ნიმუშებს. ნუ დაგვაიწყდება, რომ სულ ცოტა 600 წელი აშორებს ერთმანეთს საბერძნეთში ბერძენთა წინაპრების შესვლას და ყველაზე ადრეულ მიკენურ ტექსტებს. 600 წლის განმავლობაში, ხანგრძლივი ცვლილებების შემდეგ სრულყოფილად ჩამოყალიბდა კლასიკური რელიგიის სურათი.

ყოველთვის, როდესაც რაიმე ცნობისათვის მივმართავთ წყაროებს ღმერთების შესახებ, იმედი გვიცრუვდება ხოლმე. არა გვაქვს არავითარი თეოლოგიური ტექსტები ან ჰიმნები, არც ის მოკლე მინაწერები, რომელსაც ზოგჯერ მინოსელები უკეთებდნენ ღმერთებისათვის შეწირულ საგნებს. ღმერთები გვევლინება მხოლოდ მიმღებად იმ დოვლათის ნაწილისა, რომელსაც სასახლის მმართველები სწირავდნენ ხოლმე. მიკენელები ღმერთის სახელსაც კი განსაკუთრებით არ გამოყოფდნენ. ასე რომ, ჩვენ ზოგჯერ ეჭვი გვეპარება ღმერთისაა სახელი თუ ადამიანისა. ერთადერთი, რაც დაგვრჩენია, არის ის, რომ გავაიგივოთ ზოგი სახელი კლასიკურ ღვთაებათა სახელებთან და შემდეგ, ანალოგიით, გავაიგივოთ ზოგიერთი უცნობი სახელი, როგორც ღვთაებრივი.

ერთ-ერთი პირველი „ტექსტი“, რომელიც აღმოჩნდა 1952 წელს (ვენტრისი), იყო მცირე ზომის ფირფიტა ორხაზოვანი წარწერით. ამ ფირფიტის მარჯვენა ნაწილი ჩამოტეხილია. წარწერის სიტყვა ვერც ერთმა ბერძენმა მკვლევარმა ვერ ამოიკითხა ისე, რომ არ გამოეყოთ ჭგუფი — Atānā Potnia — „ქალღმერთი ათენა“. იგი თითქმის ძმობრებდა ჰომეროსის ფორმას Potni Athēnaie. მაგრამ მიუხედავად ამისა, ჭერ კიდევ საეჭვოა, არის თუ არა ზუსტი ზემომოყვანილი ინტერპრეტაცია. ამავე ფირფიტაზე ვხვდებით სიტყვა E-nu-wa-ri-jo, ეს, აშკარად, უნდა აღნიშნავდეს სახელს—E-nu-aliso, ბერძნულ ლიტერატურაში ეს სახელი ენაცვლება ომის ღმერთის — არესის — სახელს. თუმცა ამ სახელით მოიხსენიება ღვთაება, რომელიც, გადმოცემების თანახმად, იყო არესის ვაჟი. ზემომოყვანილ ტექსტში სიტყვა Pa-ja-wo უნდა იყოს ჰომეროსის Paiāwōn (მოგვიანებით — Paian). ესაა აპოლონის მეორე სახელი (თუ სხვა ღმერთზე არ არის საუბარი). აქვე ვხვდებით სახელ Po-se-da (Po-se-da-o აღდგენილი ფორმა), უნდა იყოს Poseidāon და, მაშასადამე, გაშიფრულია ოთხი ჩვენთვის კარგად ცნობილი ღმერთის სახელი. ცალ-ცალკე ნებისმიერ

მათვანი შესაძლოა ილუზია ყოფილიყო, მაგრამ ერთ სიაში ოთხი ლმერთის სახელი ძნელად თუ შეიძლება იყოს უბრალო დამთხვევა.

მოგვიანებით აღმოაჩინეს მცირე ზომის ორი ნაწილისაგან შედგენილი ფრაგმენტი, სადაც დამოწმებულია ზემომოყვანილი სახელის — Pa-ja-wo-ს — სხვადასხვა ბრუნვის ფორმები. სხვა ტექსტებში დამოწმებულია ზევისისა და ჰერას სახელები, აგრეთვე, ჰერმესის სახელი მიკენური ფორმით.

საინტერესოა პილოსის ერთ-ერთი ფირფიტა, რომლის ტექსტი არის ერთადერთი დოკუმენტი — მსგავსი ჭერ არ აღმოუჩენიათ. ამ ტექსტში ხშირად არის ამოშლილი და ხელახლა ჩაწერილი სიტყვების ნიმუშები. ჩანს ნაჩქარევი ჩანაწერის კვალი და ა. შ. ზოგ შემთხვევაში ტექსტი ისეა არეული, რომ ძნელია ამოკითხვაც კი. როგორც ჩანს, გადამწერს ნათელი წარმოდგენა არ ჰქონია ტექსტზე. ზოგან იგი იწყებს წერას ფირფიტის ერთ მხარეს, თითქოს უკმაყოფილო დარჩენილა, წაუშლია ნაწერი და ყველაფერი თავიდან დაუწყია, უკვე ფირფიტის მეორე მხარეს. ტექსტი იწყება სიტყვით — Po-ro-wi-ti-ji, რაც შეიძლება იყოს თვის დასახელება. ჩვენს ხელთ არის სხვა ფირფიტებიც და ამ ფირფიტების ყველა ტექსტი, უმეტესწილად, რელიგიური ხასიათისაა. ეს ჩანაწერები იწყება თვის სახელით ნათესაობით ბრუნვაში, სამწუხაროდ, მას არ მოსდევს სიტყვა „თვე“, თუმცა ვარაუდს განამტკიცებს თვით ფაქტი — თვის სახელი გვხვდება ყველა ანალოგიურ ჩანაწერში.

მეცნიერმა ლ. რ. პალმერმა შემოგვთავაზა სწორი ინტერპრეტაცია (1955 წ. გამ. II) იმ ვარაუდის საფუძველზე, რომ თვის ერქვა Plo-wistos, რაც უნდა ნიშნავდეს „ზღვაოსნობის თვის“. ბერძნებს ეშინოდათ ზღვაში გასვლა ზამთრის ქარიშხლიან თვეებში და მხოლოდ მარტის თვის ბოლოს იწყებდნენ ნავიგაციას. ბერძნული თვეები, ცხადია, მთვარის თვეები უნდა ყოფილიყო. ეს რომაელებმა გამოიჩინეს კატეგორიულად თვისა და მთვარის ცნებები და დოკუმენტებშიც თვის აღსანიშნავად გვხვდება ნახევარმთვარის ნიშანი. ზემომოყვანილი დოკუმენტის თითოეულ ხაზს მოჰყვება ნორმაზე სამჯერ დიდი ზომის ორი ნიშანი. როგორც ჩანს, ეს იყო პილოსის ჩანაწერების ნიშნები. ექვევარეშეა, ტექსტი ეხებოდა სატახტო ქალაქს, თუმცა ამავე წყაროში ვხვდებით სხვა ადგილების სახელებსაც. პირველი აბზაცის მიხედვით, მოქმედება მიმდინარეობს რომელიღაც მთავარ ოლქში. ეს ოლქია Pa-Ki-ja-ne. სახელწოდების მთლიანად აღდგენა რთულია. სავარაუდოა, რომ ეს არის Sphagiānēs — ოლქი. გვაქვს სხვა ცნობები, რომელთა მიხედვითაც Sphagiānēs-ის ოლქში მდებარეობდა სასახლე. შესაძლოა, ეს იყო, დაახლოებით, ის ტერიტორია, სადაც ამჟამად ქალაქი ხორა მდებარეობს, უფრო ზუსტად კი, პილოსის სამეფოს სასახლე ამ

ქალაქის ჩრდილოეთით უნდა ყოფილიყო. აქ აღმოჩენილი მიკენურპერიოდის სამარხები მოწმობს, რომ ამ მიდამოებში უნდა ყოფილიყო რელიგიური ცენტრი.

ფორმულა, რომლითაც იწყება თითოეული ხაზი, ძნელი დასადგენია. მაგრამ ყველაზე სწორი უნდა იყოს ვარაუდი, რომ ამ ფორმულას აქვს მიმართება რაღაც რელიგიურ რიტუალთან. ჩანაწერში დამოწმებული ოთხი სახელიც ღვთაებათა სახელები უნდა ყოფილიყო. ყოველ მათგანს განეკუთვნებოდა ოქროს ჭურჭელი, ორ შემთხვევაში — ქალი. ასეთი ნიმუშები მეორდება სხვა სტრიქონებშიც. ღვთაებათა სხვადასხვა სახელებთან ერთად, არის შემთხვევა, როცა ღვთაება მამრობითი სქესისაა, კაცს ენაცვლება ქალი. გაურკვეველი სიტყვა po-re-na ამ ტექსტში სამსხვერპლოს ძღვენის რომელიღაც სახეობას უნდა აღნიშნავდეს.

მიკენური სამარხების გარეთ აღმოჩენილია ადამიანთა ძვლები, სავარაუდოა, რომ ეს იყო შეწირულ მსხვერპლთა ძვლები. ამ ვარაუდის დასამტკიცებლად ხელთ არა გვაქვს საკმარისი საბუთები, თუმცა, საბერძნეთში გავრცელებული ტრადიციის მიხედვით, ამ ვარაუდს ხელაღებით ვერ უარვყოფთ.

კლასიკური პერიოდის ბერძნებში მსგავს ტრადიციას ფეხი არ მოუკიდებია. ადამიანის მსხვერპლთშეწირვის ფაქტებს ადასტურებს მხოლოდ ჰომეროსის ტექსტი, ძველბერძნული ტრადიციის მრავალი სიუჟეტი.

ახლა ყურადღება გავამახვილოთ კვლავ იმ წარწერებზე, რომლებიც ზემოაღნიშნულ დოკუმენტშია. პირველ სტრიქონში, სადაც მოქმედება ლოკალიზებულია Sphagianes — ოლქით, გვხვდება სიტყვა Potnia. იგივე სიტყვა გვხვდება კნოსოსის ფირფიტაზეც, ქალღმერთ ათენას სახელთან ერთად. აქ იგი, აშკარად, აღნიშნავს ქალღმერთს. თუმცა ჩნდოევროპულ ენებში იგი, არცთუ იშვიათად, „მეუფის“ მნიშვნელობით იხმარება. ფირფიტების სხვადასხვა ტექსტები, სადაც კი გვხვდება Potnia, ცხადყოფს, რომ ეს არის „მეუფე“ ან თავად ქალღმერთი, ან მისი ეპითეტი. მაგალითად, თებეში აღმოჩენილ ფირფიტაზე წარწერა Potnia მრავლობით რიცხვში უნდა შეესაბამებოდეს საბერძნეთის ღვთაებებს დემეტრასა და მის ასულს პერსეფონეს, რომელიც შემდეგ ჰადესის დედოფალი გახდა. ყოველივე ეს უნდა ცხადყოფდეს მიწის ქალღმერთის წინაეღინური კულტის კვალს. შესაბამისად, Potnia უნდა იყოს მიწის ქალღმერთის მიკენური გამოვლინება. მით უმეტეს, ყველაზე ხშირად წარწერებში ქალღმერთ ღვთაებათა შორის ფიგურირებს სწორედ ეს სახელი. ზემოაღნიშნული ფირფიტის ახალ ხაზზე არის ჩანაწერი: ოქროს ჭურჭელი და ქალის სახელი ina-na-sa. ვინაიდან სახელი არსად გვხვდება, შეუძლებელია მისი იდენტიფიკაცია რომელიმე ბერძნული ქალღმერთის სახელთან. ამას მოჰყვება

ანალოგიური ჩანაწერი Pū-si-da-e-ia და თუმცა ასეთი ქალღმერთი არ არის ცნობილი კლასიკურ პერიოდში, Posidaea უნდა იყოს პოსეიდონის მდებრობითი სქესის დერივატივი.

ჩანაწერის ბოლო სტრიქონზე აღნუსხულია ძღვენი — ოქროს ჭურჭლები და არაერთი ადამიანები. ძღვენი განკუთვნილია Tris-Hērōs და Do-po-ta-სადმი. პირველი სახელის მეორე კომპონენტი — hērō-ს—ნაცნობია. მოგვიანებით, საბერძნეთში Hērōs-ს უწოდებდნენ ნახევრადღმერთს ან საკუთრივ ღმერთებს. იქ Tris ნიშნავს „სამგზის“. ზემომოყვანილის მსგავსი კომპონენტი საბერძნეთში არ არის დამოწმებული. ხოლო Do-po-ta შეიძლება იყოს კლასიკური ბერძნული სიტყვის despotēs („უფალი“) დიალექტური ფორმა. თუმცა ეს ვარაუდი მეტიმეტად საეჭვოა. ტექსტის მომდევნო ნაწილში, ფირფიტის მეორე მხარეს, ნახსენებია ოქროს ჭურჭლები და ორი ქალი. მაგრამ ქალღმერთის სახელი ნაცნობ ფორმულას აღარ მოჰყვება. წარწერის ამ მონაკვეთის გამიფერა ყველაზე რთულია, რადგანაც ნაწერი უნეშადაა შესრულებული.

შემდეგ ჩანაწერში აღნუსხულია ქალღმერთები: Pe-re-swa, Iphimedeia და Diwiya. ეს ქალღმერთები იღებენ მსხვერპლს. Pe-re-swa იღებს მხოლოდ ერთ ოქროს ჭურჭელს, ოდნავ ორი ქალღმერთი კი — ორ-ორ ჭურჭელსა და ქალს. Pe-re-swa ნახსენებია პილოსის სხვა ფირფიტაზეც. აქ იგი მოხსენებულია პოსეიდონთან ერთად — მათთვის განკუთვნილია მსხვერპლი: ცხვარი, ტახი და ღორი. აღსანიშნავია, რომ ძველი რომაული რიტუალის Suoetautilia-ს დროსაც ცხოველების ამ სამ სახეობას სწირავდნენ ხოლმე მსხვერპლად. სახელი Pe-re-swa შეიძლება აღვადგინოთ Preswa ფორმით, რომელიც ბუნდოვნად წააგავს პერსეფონეს — ჰადესის დედოფლის სახელის პირველ ელემენტს. Iphimedeia ოდნავ განსხვავებული ვახშოვანებით შეიძლება დაუკავშირდეს ეტიმოლოგიას — „ვინც ძალაუფლებით მართავს“. მსგავსი სახელი ცნობილია ჰომეროსის „ოდისეა“-დან (II, 305). ესაა მითური ქმნილება, რომელსაც პოსეიდონისაგან ჰყავდა სამი ვაჟი. საინტერესოა, მიაგებდნენ თუ არა მას, როგორც ქალღმერთს, პატივს პილოსში. Diwiya კიდევ ერთი ქალღმერთია, რომლის სახელი სხვაგანაც მოიხსენიება. როგორც ჩანს, Diwiya არის ზევსის ისეთივე მდებრობითი დერევატივი, როგორცაა „პოსეიდონიდან“ „პოსიდეია“. სავარაუდოა, რომ Diwiya იყო ზევის ქალღმერთი. ზემომოყვანილი ტექსტის ბოლოს ვხვდებით პირველ ცნობას შეწირული მამაკაცის შესახებ. მსხვერპლს სწირავდნენ Hermes Arias, Arias-ის მნიშვნელობა უცნობია; თუმცა იგი წააგავს „არუსის“ — ომის ღმერთის — სახელს, მაგრამ ეს იყო ზევსის და ათენას ეპითეტები IV საუკუნის არკადიულ საკულტო წარწერებში.

ჩვენთვის ცნობილი წარწერის უკანასკნელ სტრიქონებში აღნუსხული უნდა იყოს ზევსისა და ჰერასათვის შეწირული მსხვერპლები. მსხვერპლს სწირავდნენ ვილაც di-ri-mi-jo-საც. სავარაუდოა, რომ ამ გაურკვეველ სიტყვას აქვს „ვაჟის“ მნიშვნელობა და თუ ეს, მართლაც ასეა, di-ri-mi-jo-ც უნდა ყოფილიყო კიდევ ერთი უცნობი ღმერთი. შესაძლოა სიტყვას აკლია მარცვალი ან არასწორადაა დაწერილი. შეიძლება ეს სიტყვა ნიშნავდეს „ქურუმსაც“, მაგრამ მაინც ყველაზე რეალურია ესეც ვივარაუდოთ ერთ-ერთ ღმერთად, რომელსაც მსხვერპლს სწირავდნენ ხოლმე.

შევაჯამოთ ყოველივე ზემოგანხილული: წინამდებარე დოკუმენტი არის შესაწირთა უპრეცედენტო ნიმუშების ნაჩქარევად შედგენილი ნუსხა. მასში დამოწმებულია: 13 ოქროს ჭურჭელი და 10 ადამიანი ღვთაებათა სამი ჯგუფისათვის. ზევსი, ჰერა და ჰერმესი ერთადერთი, ადვილად გამოსაცნობი სახელებია, რამდენადაც ეს ღმერთები ცნობილია კლასიკურ პანთეონში. მეტ-ნაკლები სიფრთხილით ქალღმერთი პოტნია შეიძლება გავაიგივეოთ დემეტრასთან. ხოლო დოკუმენტში დამოწმებული სხვა სახელები შეიძლება თუ არა კლასიკური პანთეონის ღმერთებთან გავაიგივეოთ, თუ ესენია ჩვენთვის უცნობი მიკენური ღმერთები? უფრო სწორი იქნებოდა უცნობი სახელები ადგილობრივი კულტების წარმომადგენლების სახელებად მიგვეჩინა.

იქნებ ყველაზე უცნაურად მოგვეჩვენოს ის, რომ გვერდი ავუარეთ მნიშვნელოვან ფიგურას — პოსეიდონს, თუმცა ნახსენებია მისი მღვდრობითი ორეული. პილოსის ფირფიტების წარწერებში ყველგან ვხვდებით პოსეიდონს. ის არის ერთადერთი უზენაესი ღმერთი, რომელიც წარწერების მიხედვით ყოველწლიურად იღებდა შეწირულ მარცვალს. ერთ-ერთი ჩანაწერის მიხედვით, ცამეტ მიწათმფლობელს შეწირული აქვს ხორბალი პოსეიდონისა და სამი უცნობი ღვთაებისათვის, მაგრამ ყველაზე მეტი ხორბალი პოსეიდონისათვის შეუწირავთ. გარდა ხორბლისა, პოსეიდონს სწირავდნენ: ხარებს, ცხვრებს, თხებს, ღორებს, თაფლს, მატყლს, ქსოვილებს, ღვინოს და სხვ.

მსხვერპლშეწირვის რიტუალის აღწერისას ჩვენ ვხვდებით ტერმინს „მოახლე“. ესენი არიან, უეჭველია, ღვთაების მოახლენი, „ღვთისმსახურები“. წარწერებში მოხსენიებული დღესასწაულებიდან მხოლოდ ორის სახელია ამოკითხული, თუმცა დაზღვეულნი არა ვართ ორაზროვნებისაგან. ერთ-ერთი დღესასწაული დაკავშირებულია პოსეიდონის სახელთან და ეწოდება „ტახტების გაშლა“, ეს უნდა იყოს, ალბათ, „ღვთაებრივი ქორწინება“. მეორე დღესასწაულს კი შეიძლება ეწოდებოდეს „ტახტების დაკავება“. აღნიშნულია ადგილები, სადაც ტარდებოდა ეს დღესასწაულები და, როგორც ჩანს, სამეფოსგან მოშორებულ პუნქტებში სამსხვერპლოდ ძღვენს არ აგზავნიდნენ.

ფირფიტათა უმრავლესობაში აღნიშნულია თვეების სახელები. აქ წარმოდგენილია ექვსი თუ შვიდი „თვის“ დასახელება, რომელიც შეიძლება მიგვანიშნებდეს, რომ სამეფო დანგრეულა მიმდინარე წლის მეშვიდე თვეში. სამწუხაროდ, სხვადასხვა ბერძნულ ქალაქებს თვის სხვადასხვა სახელები ჰქონდა. ამასთანავე, წლის დასაწყისსაც სხვადასხვა კალენდარი სხვადასხვა ასტრონომიულ მოვლენას უკავშირებდა. როგორც ჩანს, ამ შემთხვევაში კნოსოსი და პილოსი არ წარმოადგენენ გამონაკლისს.

წარწერათა უმეტესი ნაწილი მოკლეა. თუმცა გრძელი წარწერებიდანაც მხოლოდ ერთი შეიძლება განვიხილოთ სანიმუშოდ. წარწერა იწყება „დევეუიოს თვეში“ და შემდეგ, ყოველ ცალკეულ ჩანაწერს ცალკე სტრიქონი ეთმობა. პირველად გვხვდება ნაცნობი სახელი „დიქტელი ზევსისათვის“. ესაა კლასიკური პერიოდისათვის ცნობილი ზევსის ეპითეტი. როგორც ჩანს, ამ შემთხვევაში სახეზეა ბერძნული ზევსისა და წინაბერძნული ღვთაების შერწყმის ფაქტი. დიქტე არის კრეტაზე ცნობილი მთის მწვერვალი, კნოსოსის სამხრეთ-აღმოსავლეთით. აქ ყოველი გამოქვაბული ცნობილია, როგორც საკულტო ადგილი. მეორე ჩანაწერია: „დედალეონისათვის“. კნოსოსის მეფის მთავარი ხუროთმოძღვრის დედალოსის ამბავი საკმაოდ კარგად არის ცნობილი, ამიტომაც აქ აღარ გავიმეორებთ. დედალეონი რომ არსებობდა, ცხადია, მაგრამ ეს ჯერ კიდევ არ ნიშნავს, რომ დედალოსს ღმერთის შესაფერის თაყვანს სცემდნენ. წარმომებული სიტყვა შეიძლება აღნიშნავდეს დედალოსის მიერ აგებულ შენობას, შესაძლოა, ტრადიციაში კარგად ცნობილ ლაბირინთს. ტექსტის დანარჩენ ჩანაწერებში კარგად იკითხება სხვა წარწერებიდან ცნობილი ფორმულა — „ყველა ღმერთებს“. თითქმის ყველა დანარჩენი სახელის სავარაუდო ინტერპრეტაცია ბოლომდე სანდო არ არის. აშკარაა ერთი რამ: ჩანაწერში საუბარი უნდა იყოს საკულტო ადგილებსა და ღვთაებებზე.

რელიგიური ასპექტის თვალსაზრისით, საინტერესოა თებეს ფირფიტების სერიაები, რომლებშიც აღნუსხულია მატყლის გადასახადები. ერთ-ერთი განკარგულება გაიგზავნა ქალაქ ამარინთოსში. კლასიკურ პერიოდში ეს იყო ცნობილი ქალაქი კუნძულ ევბეას დასავლეთ სანაპიროზე. და თუმცა ეს ადგილი ბეოტიაში არ იყო, მაგრამ ქალაქ თებედან დიდ მანძილზე არ მდებარეობდა. შესაძლოა, ბეოტიაშიც იყო ამავე სახელწოდების ქალაქი. ცნობილია, რომ კლასიკური პერიოდის ამარინთოსში იყო არტემიდეს ცნობილი ტაძარი და რაკი ზემოხსენებული წარწერებიც, გარკვეული თვალსაზრისით, უკავშირდება რელიგიას, ჩვენ შეგვიძლია დავუშვათ, რომ არტემიდეს კულტი უკვე ჩამოყალიბებული ყოფილა ამარინთოსში. სახელი არტემიდე გარკვევით

არის დამოწმებული პილოსის ფირფიტაზე. სადაც ერთ-ერთი მამაკაცი მოიხსენიება, როგორც მისი მსახური.

კნოსოსის ფირფიტაში ორჯერ, აქედან ერთხელ რელიგიურ კონტექსტში, გვხვდება სიტყვა *a-re*; ეს ძალიან წააგავს *Arēs*-ს. მაგრამ მთავარი სიძნელე არის ის, რომ *a-re*-ს ფორმა აქ უნდა იყოს მიცემითი ბრუნვის ფორმა *a-re-i*-ით, თუმცა ეს სირთულეც დასაძლევია. ყოველ შემთხვევაში, მამაკაცთა სახელები *Areios* და *Areimenēs* წარმოებული უნდა იყოს *Arēs* ფორმიდან და, მაშასადამე *Are*-ც შეგვიძლია მივიჩნიოთ მიკენური ღმერთის კიდევ ერთ სახელად.

ანალოგიური დასკვნა შეიძლება გავაკეთოთ, როცა დამოწმებულია მამაკაცის სახელი *A-pa-i-ti-jo*. მაგრამ ტექსტი დაზიანებულია. სახელი იდენტიფიცირებული იყო, როგორც *Haphaistios* ან *Haphaistion*. აპოლონი გვხვდება ერთხელ და ისიც ფორმით *Paiawñ*. აფროდიტეს სახელი დამოწმებული არ არის. დიონისეს (*Diwonusus*) იდენტიფიკაციაც საეჭვოა. ფირფიტაზე მკვლევარებმა ამოიკითხეს კრეტული ქალღმერთის *Diktunnā*-ს სახელი. ყოველივე ზემოთქმულიდან შეიძლება დავასკვნათ, რომ ბერძნებმა კრეტაში ხელუხლებლად დატოვეს ძველი მინოსური ღმერთები, მათი სალოცავებზე მთელი მინოსური პერიოდის განმავლობაში გ.მ. III-მდე*. და ბოლოს, როგორც აღვნიშნეთ, ტექსტში დამოწმებულია გაურკვეველი სახელები, რომლებიც, აგრეთვე, სხვადასხვა ღვთაების სახელები უნდა ყოფილიყო.

პილოსში აღმოჩენილ ერთ-ერთ ფირფიტას აქვს ისეთი დასაწყისი, რომ ჩანაწერი მთლიანად შეიძლება აიხსნას, როგორც „საიდუმლო ზიარების“ ცერემონია. როგორც წესი, თვით ცერემონიის დეტალები არ იწერებოდა, მაგრამ ხდებოდა ხოლმე შეწირული ნივთების აღწერა სპეციალურ დაფთარში. მოქმედება მიმდინარეობდა *Sphagianēs* მიდამოებში (როგორც ვიცით, ეს ოლქი წარმოადგენდა მნიშვნელოვან საკულტო ცენტრს. — მთ. შენ). ტექსტის პირველი ფრაზა გაურკვეველია, მაგრამ შეიძლება ნიშნავდეს „მეფის ზიარებას“. სიტყვა, რომელსაც აქვს „ზიარების“ მნიშვნელობა, არ არის ბერძნულის კლასიკური ფორმა, მაგრამ პარალელები შეიძლება მოიხსნოს. საოცარია სიტყვათა წყობაც; მაგრამ მეტ-ნაკლები სიზუსტით მათი ინტერპრეტაცია შესაძლებელია. შთამბეჭდავია შესაწირ საქონელთა ნუსხაც: 1,514 ლიტრი კვავი, 115 ლიტრი ფქვილი, 307 ლიტრი ზეთისხილი, 19 ლიტრი თაფლი, 96 ლიტრი ლეღვი, 91 ლიტრი ხორბალი; 26 ჰედილა, 1 ხარი, 8 ნერბი, 2 ვაცი, 2 დედალი თხა, 1 ბურჯაკი, 6 ღორი და 585^{1/2}

* გეიანმინოსური III.

ლიტრი ღვინო. თუ ეს ცერემონია ნამდვილად „სამეფო ზიარება“ იყო, ეს სია გადაჭარბებული არ უნდა ყოფილიყო. შესაწირთა შორის ტექსტები გვიმოწმებს ზეთსა და მატყლს. როგორც ჩანს, მატყლი იყო ნედლეული შალის ქსოვილისათვის. ქსოვილებიც არის დამოწმებული შესაწირთა ნუსხებში. მაგრამ ძნელია ვიმსჯელოთ, ეძღვნებოდა თუ არა მიკენურ ღვთაებებს, კლასიკური ღმერთების მსგავსად. საკულტო ტანსაცმელი.

ქვის საკულტო ფიგურები არ არის ცნობილი. როგორც ჩანს, საკულტო გამოსახულებანი მეტწილად ხისგან მზადდებოდა და ალბათ, ამიტომაც ჩვენამდე ვერ მოაღწია. ანტიკური წყაროები გვიმოწმებს, რომ უძველეს პერიოდში არსებობდა ხის ქანდაკებები — „ქსოანები“. სავარაუდოა, რომ ხის საკულტო ქანდაკებები ჰქონდათ მიკენელებსაც.

სოფლის მეურნეობა

მეტრული სისტემის ერთეულები საგანგებო ნიშნებითაა წარმოდგენილი. ეკვვარეშეა, ნიშნები გამოხატავდა სიტყვებს, მაგრამ, რადგანაც დამწერლობა მარცვლოვანია, სავარაუდოა სიტყვების შემოწმება შეუძლებელი ხდება. მთელ ერთეულზე ნაკლები რაოდენობა გამოიხატებოდა წილადური ნიშნების რთული სისტემით. წონის ერთეულები შედარებით მარტივია, თუმცა სკალის დაბალი ერთეულების შესავსებად ცნობები საკმარისი არა გვაქვს. უდიდესი წონითი ერთეული, რომელიც გამოიყენებოდა ბრინჯაოს ტიპის საგნებისათვის, არის სასწორის ნიშანი (პირობითი ტრანსკრიპცია არის ნიშანი — L). უდიდეს წონით ერთეულს, რომელსაც კლასიკურ ხანაში იყენებდნენ, ეწოდებოდა *talanton* (ლათინური *talentum*) და, რადგანაც შესაბამისი ერთეულები გამოიხატებოდა სასწორით, ეკვი არ უნდა შეგვეპაროს, რომ ეს იყო მიკენური ერთეულის სახელი. იგი იყოფა 30 *minae*-დ. კლასიკური „ტალანტი“ იყოფა 60 „მინა“-დ, მაგრამ, რადგანაც მიკენური ნიშანი აშკარად ორმაგია, ჩვენ შეგვიძლია მას ორმაგი მინა ვუწოდოთ. სიტყვა *mina* (ლათინიზებული „*mina*“) სემიტურია; ექვსათეულიანი სისტემა, ერთეულის 60 ნაწილზე დამყარებული, აშკარად ახლოაღმოსავლური წარმოშობისაა.

ორმაგი მინა იყოფა მეოთხედებად და ეს უკანასკნელიც თავის მხრივ, ალბათ, მეოთხმეტედებად. არის კიდევ ერთი პატარა წონითი ერთეული — „დრაქმა“. იგი მინის ერთი მესამედი, ხოლო „ობოლი“ ერთი დრაქმას მეოთქქვსმეტედი. კლასიკური წონითი ერთეულების შედარება ძალიან რთულია, რადგან მაშინ არსებობდა ორი სრულიად განსხვავებული სტანდარტი: ერთზე ტალანტი შეესაბამებოდა 25,86 კგ-ს, მეორეზე — 37,80 კგ-ს. არ შეგვიძლია ვთქვათ შეფარდებოდა თუ არა მიკენური ტალანტი ერთ-ერთ ამ სტანდარტს, თუ მათ შორის რაიმე შუალედს წარმოადგენდა, მაგრამ, ყოველ შემთხვევაში, ეს ციფრები ჩვენი მსჯელობისათვის შეფარდებით საზღვრებს გვაძლევს. პაგია-ტრიადაში აღმოჩენილი ბრინჯაოს საშუალო წონა — ოღნავ

აღმატება 29 კგ-ს. ეს, ალბათ, ნაკლებია მათ თავდაპირველ წონაზე და იგი შეიძლება ყველაზე მეტად შეესაბამებოდეს ტალანტს.

პრობლემის გადაჭრის იდეალური გზა იქნებოდა მიცენური წონის ერთეულების თანამედროვე წონით ერთეულებთან იდენტიფიკაცია. მაგრამ აქაც ფრთხილად უნდა ვიყოთ, რადგან მეტალის წონა იკლებს კოროზიის, ქიმიური რეაქციებისა და დაზიანების შედეგად. დანაკარგის საკომპენსაციოდ ევანსმა შეიმუშავა მეთოდი: აიღო თაბაშირის ასლი, შემდეგ აღადგინა იგი და ამ გზით გამოიანგარიშა დაკლებული მოცულობა. მაგრამ ამ პერიოდში წონის სტანდარტები გვხვდება ჯერ კიდევ იშვიათად, უმეტესწილად კრეტადან.

ევანსმა კნოსოსში აღმოაჩინა წონითი სტანდარტების დიდი რაოდენობა, მათ შორის უდიდესია ბათქაშის ფილა რვაფეხის დეკორაციით. სადავო საკითხია, არის თუ არა ეს ნამდვილად წონის სამასშტაბო ერთეული. თუ ეს ასეა, მისი წონა, ევანსის სიტყვებით, შეესაბამებოდა 29 კგ-ს და ეს უნდა ყოფილიყო ტალანტი. უფრო გამოკვეთილი ნიმუშებია ოდნავ გაბრტყელებული ცილინდრები: ერთ, ყველაზე დიდ ცილინდრზე აღნიშნულია დიდი წრე პატარა წრეებით. ევანსმა ივარაუდა, რომ აქ აღნიშნული იყო 24 ერთეული. ამან მოგვცა ერთეული, რომელიც, დაახლოებით, უდრიდა 65,5 გრამს. შესაბამისად, ცილინდრი, რომელზედაც ალბათ ხუთი წრე იყო აღნიშნული, შესაძლოა, უდრიდა 327,02 გრამს ($65,5 \times 5 = 327,5$) და ა. შ. მაგრამ სხვაგან, მაგალითად, კიკლადების ერთ-ერთ კუნძულზე — კეოსზე — აღმოჩენილი წონითი სტანდარტები განსხვავებულია. ე. ი. 65. 5 გ არის მხოლოდ ერთ-ერთი წონითი ერთეული მინოსური სამყაროს სხვადასხვა სისტემებში და ეს შეიძლება არც იყო სტანდარტი მინოსურ სამყაროში.

ნებისმიერი ფხვიერი სხეულებიც, როგორცაა მარცვალი ან თესლი, და არა მარტო სითხეები, იზომებოდა არა წონით, არამედ მოცულობით. მოცულობის ძირითადი ერთეული არის ნიშანი ათასი (პირობითი ტრანსკრიფციით). თითქმის დაბეჭივით შეგვიძლია ვთქვათ. რომ ამ ერთეულის კლასიკური სახელი იყო *Kotylē*. ეს სიტყვა ჯერაც ცოცხალია ბერძნულში. როდესაც რაღაც, თასის მსგავსი, აღმოაჩინეს გათხრების დროს თერას მახლობლად, ერთ-ერთმა მუშამ მაშინვე იცნო საგანი, რომელსაც მასთან, არკადიაში ეძახოდნენ *Kotoūli*-ს, ეს არის იმავე სიტყვის დიალექტური ფორმა.

კლასიკურ სისტემაში ოთხი *kotylē* გვაძლევს ერთ *khoinix*-ს, და რადგან ეს არის ზუსტი პროპორციული შეფარდება Z-ს V-სთან, დასაშვებია, რომ $V = 1$ *khoinix*-ს, მაგრამ შემდეგ უკვე სისტემები განსხვავებულია. რვა *khoinix* გვაძლევს ერთ *modios*-ს. ამროგად, ქოინიქსი არის

უდიდესი კლასიკური ერთეულის $1/48$ და უდიდესი ნიკენური ერთეულის $1/60$.

ამ შემთხვევაშიც კლასიკური წონის ერთეულები უნდა მოვიშველიოთ. გვაქვს ორი სტანდარტი—*kotylē* მერყეობს 270-დან 388 კუბ. სმ-მდე. *medimnos*—51, 84-დან 75,5 ლიტრამდე. თუკი *Kotylē* უფრო ტრადიციულია, ვიდრე *medimnos*, მაშინ უდიდესი მიკენური ერთეული 25 პროცენტით უფრო დიდი იქნება კლასიკურ *medimnos*-ზე (ე. ი. $\sim 93,1$ ლიტრამდე იქნება).

ნიწნები V და Z პირობითად გამოვიყენოთ რიცხვების აღმნიშვნელადაც. რადგანაც მათ შეიძლება იგივე რიცხვითი მონაცემები შეესაბამებოდეს. ე. ი. თხევადი ნივთიერების საწყავის უდიდესი ერთეული, ფხვიერი სხეულების საწყავის უდიდესი ერთეულის მხოლოდ 30 პროცენტს შეადგენს. ის შეიცავს 72Z, ნაცვლად 240Z-სა. ფაქტობრივად, ზომა-წონის ამ ერთეულების ზუსტი ეკვივალენტების პოვნა რთულია. განსხვავების მიზეზი წონის შეფარდებით ერთეულებში უნდა ვეძებოთ. ერთი ლიტრი წყალი იწონის 1 კგ, მაშინ, როცა 1 ლიტრი მარცვლი იწონის დაახლოებით 630 გრამს. მიკენის არემარეში არ აღმოუჩენიათ საწყავი ჭურჭელი. ამ მიზნისათვის, ალბათ, ხის ჭურჭელს ამზადებდნენ, რადგან ბევრად უფრო ადვილია სასურველ ზომას შეუფარდო ხე, ვიდრე მისცე ზუსტი მოცულობის შესაბამისი ფორმა თიხის ჭურჭელს. ძნელია ვიმსჯელოთ მინოსური და მიკენური ზომა-წონის ერთეულების შესახებ, მაგრამ აღნიშნავენ, რომ მათი მოცულობა იყო დაახლოებით 200 ან 800 კუბური სანტიმეტრი.

მიუხედავად იმისა, რომ მეტად რთულია დაიცვა სიზუსტე თიხის ჭურჭლის ხელით დამზადების დროს, ხელოსნები, ალბათ, მაინც ცდილობდნენ დემზადებინათ საწყავი სისტემის ერთეულების შესაბამისი ზომის ჭურჭელი.

პროფესორმა მ. ლენგმა (1964 წ.) დიდი გულმოდგინებით გაზომა პილოსთან გათხრების დროს აღმოჩენილი ყველა დაუზიანებელი ჭურჭლის ტევადობა. შედეგები არ არის დიდად დამაჩერებელი, მაგრამ დიდი ქოთნები თითქმის ერთნაირი ტევადობისაა. თუ ეს შემთხვევითი არაა, მაშინ ციფრი 0,81 (— 800 კუბ. სმ) გარკვეულ როლს მაინც თამაშობს ამ სისტემაში. ამ რიცხვითი მონაცემების თანხედრა თერას მონაცემებთან იმდენად ზუსტია, რომ შეუძლებელია ყოველივე ეს შემთხვევითი ყოფილიყო.

უმკირესი ერთეული ზომა-წონის სისტემაში არ უნდა ყოფილიყო 500 კუბ. სმ-ზე დიდი, და 200-ზე მცირე. ამას გვკარნახობს პრაქტიკული მონაცემებიც და ზომა-წონის ცნობილ ანალოგიურ სისტემებთან პარალელებიც.

პილოსის ერთ-ერთ ფირფიტაზე მითითებულია, რომ Eumedes-მა Kokalos-ისაგან მიიღო 18 ერთეული ზეთისხილის ზეთი და Ipsewas-ისაგან 38 ლოქი. სიტყვა „ლოქი“ იკითხება სრულიად გარკვევით. რადგან მას ყველგან ნახატი ახლავს. ეს იყო სტანდარტული ქურჭელი ზეთისხილის ზეთისათვის. ძნელია დავასკვნათ, იყო თუ არა ეს 38 ლოქი გამიზნული 18 ერთეული ზეთის ჩასასხმელად. მაშასადამე. თითოეული ქურჭლის საშუალო ტევადობა უნდა ყოფილიყო, დაახლოებით, ერთეულის ნახევარი.

სხვა თეორიების მიხედვით, ქურჭლის ტევადობა უნდა ყოფილიყო 6,8 ან 13,6 ლიტრი. არჩევანის გაკეთება კვლავაც რთულია, რადგანაც ქურჭლები სხვადასხვა ზომისა იყო. დიდი ქურჭლები ზეთისათვის ხშირად იტევენ 12-დან 14.1 ლიტრამდე, მაგრამ შედარებით მომცროებიც იტევდნენ 6—7 ლიტრამდე ზეთს. მათი ნიმუშები პილოსშია აღმოჩენილი. სხვა საბუთი, რომლითაც შეიძლება ვიხელმძღვანელოთ, დაფუძნებულია რაციონების რიცხვით მონაცემებზე. ძირითადი რაციონი არის 2T ხორბალი ან 3,4T ქერი თვეში. თუ ვინაგარიშებთ თვეში 30 დღეს, მაშინ ქერის რაციონი იქნებოდა ზუსტად 3T — დღეში; ხორბლის რაციონი კი არ არის მთელი რიცხვი, მაგრამ უნდა იყოს 1,6 დღეში. თუ ამას გარდაეკმნით ორი თეორიის შესაბამისად, იქნება არჩევანი: 1,21 ლიტრი ქერი ან 0,641 ლიტრი ხორბალი. ანდა, ლენგის ანგარიშის მიხედვით 0,61 ლიტრი ქერი ან 0,321 ლიტრი ხორბალი.

კიდევ ერთ პრობლემას ქმნის მიწის ნაკვეთების ზომა. ისინი იზომებიან მარცვლეულის თესლის მოცულობით. აქაც მოსალოდნელია დიდი ციფრების ფიგურირება. თუმცა. თუ ჩვენი ანგარიში სწორია, მაშინაც კი საკმაოდ პატარა მიწის ნაკვეთებს მივიღებთ. შედარებით მცირე ციფრები კიდევ უფრო გაართულებდა საკითხს. ამის საწინააღმდეგოდ, უნდა დაეუშვათ. რომ საწყავეი ქურჭელი თერადან. უნდა გამოსახავდეს 1—Z-ს 1/2-ის ნაცვლად, 1V-ს 1/2-ის ნაცვლად. მაგრამ აქვე მხედველობაში უნდა მივიღოთ ის ფაქტი, რომ ქურჭელი თერადან მიეკუთვნება კრეტის მინოსურ და არა კონტინენტურ საბერძნეთის ცივილიზაციას. გადამწყვეტი პასუხი შეუძლებელია, ვიდრე არ აღმოჩნდება სარწყავეი ქურჭელი საბერძნეთში.

მარცვლეული

აშკარაა, რომ ნებისმიერი საზოგადოება ინდუსტრიულ რევოლუციამდელ ხანაში სოფლის მეურნეობაზე იყო დამყარებული. მაგრამ როცა ესვამთ კითხვას, თუ რა სახის სოფლის მეურნეობას მიხედვდა მიკენური მოსახლეობა, ისიც უნდა გვახსოვდეს, რომ ჩვენ

ხელთ გვაქვს არა წერილი ფერმერის ანგარიში, არამედ მეფის სასახლის ადმინისტრაციული ჩანაწერები. არ უნდა გვეგონოს, რომ აქ ჩაწერილია ყველანაირი მოსაყალი. მასში აღნიშნულია მხოლოდ ის, რაც მეფის მეურნეობას ეხებოდა. ჩვენთვის ისიც არ არის ცნობილი, თუ როგორ ამუშავებდნენ მარცვალს. მეფეს მხოლოდ გადასახადის აკრეფა აინტერესებდა და არა წარმოება.

რასაკვირველია, ჩვენი უმნიშვნელო ინფორმაციის შევსება შეგვიძლია არქეოლოგიური მასალებით. ცხოველთა ძვლები და მცენარეთა დანახშირებული თესლები გვაცნობენ, თუ რითი ირჩენდა თავს ხალხი, მაგრამ ასეთი აღმოჩენები შედარებით იშვიათია.

ფირფიტები ადასტურებენ, რომ ორივეგან — კნოსოსსა და პილოსში — საკვებად იყენებდნენ, უპირატესად, მარცვლეულის ორ სახეობას — ხორბალსა და ქერს. საინტერესოა, რომ ისტორიულ პერიოდში ხორბლის კულტივირება, როგორც ჩანს, ქერის ხარჯზე ხდებოდა. მიკენური მონაცემების მიხედვით კი, პირიქით, მარცვლის ორივე სახეობა თანაბრად და უხვად მოიპოვებოდა. ისინი ყველგან ერთი და იმავე იდეოგრამებით აღინიშნება და აღწერილია მხოლოდ ზოგადი ტერმინით — Sitos — მარცვალი. არასოდეს გვხვდება სიტყვები — „ხორბალი“ ან „ქერი“.

პრობლემის გადაწყვეტას ხელი შეუწყო იმ აღმოჩენამ, რომ მარცვლეულის ერთი სახის რაოდენობა ყოველთვის, როგორც წესი, ორჯერ აღემატება მეორეს და, რაკი ორივეს რაციონი თითქმის თანაბარი იყო, ერთ-ერთი მარცვლეულის სახეობა უნდა ყოფილიყო მეტი მკვებავი ნივთიერების შემცველი და ეს იქნებოდა ხორბალი.

მთავარი გადასაჭრელი პრობლემა არის ის, რომ ხორბლის აღმნიშვნელი იდეოგრამა გვხვდება მიწის მონაკვეთებთან დაკავშირებულ კონტექსტებში. პილოსის მთელ რიგ დოკუმენტში, სადაც კი ჩამოთვლილია პიროვნებათა ადგილ-მამულების სია, მათი მიწის ნაკვეთის ზომა გამოიხატება შემდეგი ფორმულით: ამა და ამ რაოდენობის თესლი, ხორბლის ერთეული და ა. შ. მიწის გაზომვა „დასათესად საჭირო“ თესლის რაოდენობით კარგად იყო ცნობილი ძველად და ახლაც შემორჩენილია ხმელთაშუაზღვის ზოგიერთ ქვეყანაში. ამგვარი გაზომვის უპირატესობა იმაში გამოიხატება, რომ გვაძლევს საშუალებას განვასხვაოთ სხვადასხვა მიწების პროდუქტიულობა. ქვიანი მთის ფერდობი, დაბლობთან შედარებით, ნაკლებ პროდუქტიული იქნება. მაშასადამე, თესლის რაოდენობას შესაბამისი ნაკვეთისათვის ანგარიშობდნენ, ალბათ, მიახლოებით. ჩვეულებრივი სათესი ნაკვეთი არ უნდა ყოფილიყო ბალის ზომაზე დიდი. უნდა გვახსოვდეს, რომ ესეც შეიძლება განახეყრდეს, თუ ჩვენ ვიხელმძღვანელებთ უფრო დაბალი მეტრული სისტემით. გარდა ამი-

სა, თუ ანგარიშის დროს ვიხელმძღვანელებთ საკმაოდ დაბალი სა-
თესლე რაციონით, მაშინ მეფის მამული ძალიან დიდი იქნება, თუმ-
ცა შეფარდება მაქსიმუმსა და მინიმუმს შორის დადგენილია: რა-
ციონი 1,800:1. ეს არ ნიშნავს, რომ უმცირესი ზომა ნაკვეთისა უდ-
რის მთლიანად კერძო ნაკვეთის ზომას. ცნობილია შემთხვევები,
როცა ერთ კაცს აქვს ორი ან მეტი მიწის ნაკვეთი.

ჩვენ ვფლობთ შედარებით სრული სახის ჩანაწერებს, რომლე-
ბიც ეხება Sphagiānes მიდამოებს. ეს, აშკარად, ის მიდამოებია,
სადაც სასახლე მდებარეობდა. ჩანაწერებში სრულად არის აღნიშნუ-
ლი მიწები და, ამასთანავე, ერთი და იგივე ინფორმაცია ორი სხვა-
დასხვა რედაქციით გვხვდება. მაგრამ აქ ჩამოთვლილი მიწის ნაკვე-
თების მოცულობა დიდი არ არის და, ალბათ, უნდა განვასხვაოთ
უფრო ფართო ადმინისტრაციული მიდამოები და ის მიწები, რომ-
ლებიც უშუალოდ გარს იცერა Sphagiānes დასახლებას. დოკუმენ-
ტების პირველ წყებას თანდათანობით აგროვებდნენ, როცა კი ინ-
ფორმაცია შემოვიდოდა. შემდეგ ეს გადაუწერიათ უფრო დიდი ზო-
მის ფირფიტაზე. საბედნიეროდ, დოკუმენტების პირველი წყება არ
დაკარგულა და ერთი ვერსიის ხარვეზები ხშირად შეიძლება შეივ-
სოს მეორეთი. სიაში შეტანილია მიწის მთავარი არენდატორები და
სუბარენდატორები.

აღნიშნული ტერმინოლოგია ნასესხებია შუა საუკუნეების ფეო-
დალური ევროპიდან და შემდეგ გამოყენებულია ანალოგიები ე. წ.
Domesday Book-დან, ცნობილი ინგლისური დოკუმენტიდან მიწის
აღწერის შესახებ, რომელიც შედგენილია ჩვ. წ. 1086 წელს მეფე
ჟილიამ I-ის მიერ. ამ ანალოგიას ჩვენ ბოლომდე არ გავყვებით, რად-
განაც არ ვიცით, რა სავალდებულო გადასახადები იყო ნაბოძები
მიწის მფლობელობის სანაცვლოდ, და არც ის არის ცნობილი, თუ
ვინ იყო ამ მიწების მთავარი მებატრონე. მაგრამ წარჩინებული დი-
დებულების მამულების ნუსხა, რომელსაც მოჰყვება მათი არენდა-
ტორების სია, ისე ახლოს დგას მიკენურ დოკუმენტებთან, რომ ვი-
თარება არ უნდა ყოფილიყო რადიკალურად განსხვავებული. ანა-
ლოგიები განხილული იქნება უფრო ქვემოთ.

დოკუმენტებში წარმოდგენილია, ძირითადად, ორი ტიპის მი-
წები. მათი შესაბამისი ტერმინებია: Ko-to-na, ki-ti-me-na და ku-
fo-na, Ke-ke-me-na. Ko-to-na არის Ktoinā, სიტყვა, რომელსაც
ჰქონდა მიწის ნაკვეთის მნიშვნელობა და მეტ-ნაკლებად
მივიწყებული იყო კლასიკურ ბერძნულში, თუმცა შემორჩენილია
როდოსზე, როგორც რელიგიასთან დაკავშირებული სიტყვა. ტერმი-
ნი Kitimenā ენათესავება სიტყვებს, რომლებიც კლასიკურ ბერ-
ძნულში ნიშნავს „დამკვიდრებას“ და „დასახლებას“, და ეს ეტიმო-

ლოგიური მნიშვნელობა შეესაბამება იმ ფაქტს. რომ ასეთი მიწა უკავიათ, ნაწილობრივ, მსხვილ მიწათმფლობელებს და ნაწილობრივ, მოიჯარეებს. ამგვარად, ეს ტერმინი „კერძო საკუთრებას“ ნიშნავს, თუმცა უნდა დაეუშვათ შესაძლებლობა, რომ, ისე როგორც ნორმანულ ინგლისში, მეფე იყო მიწის რეალური მფლობელი. მეორე ტერმინი Ke-Ke-me-na უფრო ბუნდოვანია. ეტიმოლოგიურად ის შეიძლება ნიშნავდეს „მეტოქეებულს“, განაწილების გარეშე დარჩენილს. ეს მოსახურება შეესაბამება აზრს, რომლის მიხედვით, Ke-Ke-me-na უნდა ნიშნავდეს „სახალხო“-ს. ყოველ შემთხვევაში, ამ მიწებს ფლობს dāmos. ეს უკანსკნელი კი ადგილობრივი მოსახლეობის აღმნიშვნელი კრებითი სახელია. ამავე ფირფიტების სერიაშია საოჯახო და საერო საკუთრების მიწები. რომლებიც იჯარით არის აღებული. ცალკეულ პიროვნებათა მიწების ფართობი მცირეა.

სხვა საბუთებში ჩამოთვლილია „საჯარო“ მიწები (dāmos) — საზოგადოების საკუთრება. კერძო პირთა ნაკვეთების ზომა მცირეა. მოზრდილ მიწის ნაკვეთებს აერთიანებს სათაური Ka-ma. ეს სიტყვა, ალბათ, იჯარის რაღაც განსაკუთრებულ სახეობას ნიშნავდა, მაგრამ მისი შესაბამისი ფორმა და ზუსტი შინაარსიც ბუნდოვანია. ამ მიწების მოიჯარეებს. ალბათ, გარკვეული სამსახურის პირობით მიუღიათ ეს ნაკვეთები. სამწუხაროდ, თუ რა სახის სამსახური ეკისრებოდათ ამ პირებს, ჯერაც სადავო საკითხია. სამი ზმნა გამოხატავს ამ „ვალდებულებას“. ერთი, აშკარად, ზოგადი ტერმინია — Wozō, მისი მიახლოებითი ეტიმოლოგიური მნიშვნელობა არის „სამუშაოები“, მაგრამ აქ არ იგულისხმება მიწის დამუშავება. კლასიკური სიტყვები ამ ძირიდან (rezū, erdō), აგრეთვე, სპეციფიკური მნიშვნელობისაა (ნიშნავს „მსხვერპლად შეწირვას“) და მონათესავე არსებითი სახელი orgas ნიშნავდა საღმრთო მიწის ნაკვეთს. ამიტომ შეიძლება დაეუშვათ, რომ ამ მიწის მფლობელთა ვალდებულებანი რელიგიური ხასიათისა იყო.

რიგ დოკუმენტში დასახელებული არიან საოჯახო მიწების მოიჯარეებიც, რომლებსაც შეიძლება დავარქვათ „მიწის ნაკვეთის მოიჯარეები“, მათ შორის კერძო მიწების მრავალი მოიჯარე ან „მთავარი მოიჯარეები“. მაგრამ მათი უმრავლესობა წარმოადგენენ „ღვთის მსახურებს“. ესენია როგორც მამაკაცები, ასევე ქალები, გაბატონებული კლასის წარმომადგენლები Sphagianēs-ის მხარეში. მათ უმრავლესობას, ტიტულის მიხედვით თუ ვიძსჯელებთ, რელიგიასთან ჰქონდა კავშირი. მაგალითად, ერთ-ერთი ყველაზე დიდი მამული ეკავა ქურუმ ქალს Eritha-ს. იმ ჩანაწერებიდან, რომლებმაც ჩვენამდე მოაღწიეს ერაძმანეთისაგან განსხვავებული ორი ეერსიით, მოსამზადებელი ტექსტი იწყება შემდეგნაირად: „ქურუმი ფლობს და ამტკიცებს, რომ ღვთაება

ფლობს“ (ბუნდოვანი სიტყვებია), მაგრამ მიწის ნაკვეთის მოიჯარეები ამტკიცებენ, რომ იგი ფლობს სახალხო მიწის ნაკვეთების იჯარებს. საბოლოო ვერსია გვამცნობს: „ქურუმი ერთა ფლობს და ამტკიცებს, რომ ღვთაება ფლობს“ (ბუნდოვანი სიტყვებია), მაგრამ თემი ამბობს, რომ მას იჯარით აქვს აღებული საჯარო მიწის ნაკვეთები. ძნელა და ვახუსტოთ კაცია ღვთაება თუ ქალი. მაგრამ გვიანდელ საბერძნეთში ყოფილა წესი: კაცლმერთს ემსახურებოდა „კაცი-ქურუმი“: ქალმერთს კი — „ქალი-ქურუმი“. შესაბამისად, შეგვიძლია დავუშვათ, რომ წარწერაში ქალმერთზეა საუბარი. ერთ-ერთი ბუნდოვანი სიტყვა განსაკუთრებული საკუთრების უფლებას უნდა ნიშნავდეს. ამასთანავე, თარგმანიც, უკეთეს შემთხვევაში, არის მიახლოებითი, თავისუფალი თარგმანი და არა აქვს მეტ სიზუსტეზე პრეტენზია. ფაქტობრივად, სადავო ისაა, ექვემდებარებოდა თუ არა ეს მიწები იჯარით გაქირავებას და თვით შესაბამისი ტერმინიც, თუმცა ჩვენ მათ ზუსტად ვერ განვსაზღვრავთ, მიგვითითებს, რომ ამ მიწების მფლობელს ეკისრებოდა გარკვეული ვალდებულება.

თითქოს არავინ ცდილობს ამ სადავო საკითხის გადაჭრას. მეფის მოხელე, პასუხისმგებელი ამ ჩანაწერის შედგენაზე, კმაყოფილდებოდა იმით, რომ იწერდა ფაქტებს. ფირფიტათა ზოგიერთ სერიაში საუბარია მიწის ნაკვეთებზე, მაგრამ მათი ადგილმდებარეობა არ არის დაუსტებული. ერთ-ერთი სერიის ფირფიტებში ჩამოთვლილია ძირითადი ხელოსნები: მკერავეები, თვლების ოსტატები, მკედლები, მქსოველები, აგრეთვე, შიკრიკები, ღვთისმსახურები და სხვ. წარწერებში აღნიშნული მამულები, ალბათ, სასახლის მახლობლად უნდა ყოფილიყო. საოცარია, რომ Sphagianes-ის მიწების დიდი რაოდენობა ეკუთვნოდა რელიგიური ეპითეტებით გამორჩეულ ქალებს, ამ ჩანაწერების მიხედვით კი არც ერთი მიწის მფლობელი არ უნდა იყოს ქალი. თითქოს მხოლოდ რელიგიის სფეროში მიაღწიეს ქალებმა დამოუკიდებელ სტატუსს.

მიწათმფლობელთა დანარჩენ სიებში ისევ რელიგიის მსახურთა ნაკვეთებზეა საუბარი, მაგრამ არ არის აღნიშნული ადგილმდებარეობა და აქ მოხსენებული სახელებიც არ გვხვდება სხვაგან. ძირითადი ნუსხა მოიცავს 14 მამულს. ეს არის სხვადასხვა ზომის ნაკვეთები. მათი უდიდესი ზომა 20-ჯერ აღემატება უმცირესისას. დანარჩენ ნუსხებში მიწისმფლობელთა რიცხვი შემცირებულია 13-მდე. უკანასკნელის სახელი აღარ გვხვდება და ძირითადი ნუსხიდანაც ამოშლილია იგი. ნუსხაში დახუსტებულია გადასახადის სახეობები: ერთ შემთხვევაში. გადასახადი არის ყოველწლიური, მაგრამ მიმღები არ არის დასახელებული. მეორეში ჩამოთვლილია ოთხივე მიმღები. ამ ოთხიდან ყველაზე მეტს იღებს პოსეიდონი, დანარჩენ სამზე გადასახადი თანაბრად

განაწილებული და ეს არის პოსეიდონის წილის მერვედი და ნაკლებიც კი. ამ სამიდან ორი, ეპეგარეშეა, მაღალი თანამდებობის პირები უნდა იყვნენ. მესამე არის სახელთა ჯგუფი—სახელები მრავლობითშია და ისინი უნდა აღნიშნავდნენ ადამიანებს ან ღვთაებებს. რაკი ეს სახელთა ჯგუფი მაღალი თანამდებობის პირების წინ არის დასახელებული, საფიქრებელია, რომ ისინი კულტის მსახურებია, რასაკვირველია, პოსეიდონის კულტის მსახურები. საყურადღებოა, რომ თუმცა მსხვილი მიწათმფლობელები იხდიათ მეტს, ვიდრე წვრილი მიწათმფლობელები, რიცხვით მონაცემებში კანონზომიერება არა ჩანს. აქ ადგილი უნდა ჰქონდეს ქველმოქმედებას: მდიდარი, ცხადია, იხდის მეტს. მაგრამ ზოგი ღარიბი შედარებით უფრო დიდსულოვანი უნდა ყოფილიყო.

სასახლის საცავეებში მიწის ნაკვეთების რეგისტრირების ფაქტი ნიშნავს, რომ მეფე დაინტერესებული უნდა ყოფილიყო ამ ნაკვეთებით. თვით მეფე კი არასოდეს იხსენიება ნაკვეთების მესაკუთრედ. მიუხედავად ამისა, ჩვენ გვაქვს ერთი საბუთი, სადაც ჩამოთვლილია „სამეფო მიწები — temenos“. აქ გამოყენებული სიტყვა temenos აღნიშნავს „მამულს“. ეს სიტყვა კლასიკურ ბერძნულში მხოლოდ ღვთაებისათვის კუთვნილ მიწებს აღნიშნავდა. მიწების ზომა დიდია (30 ერთეული), მაგრამ უფრო საინტერესოა შემდეგი: *lawāgetās*-ს მამული, ჩანაწერების მიხედვით, შეესაბამება 10 ერთეულს, *telestai*-ს — 30 ერთეულს, თან აღნიშნულია, რომ *telestai* არის სამი, ე. ი. ყოველი მათგანი *lawāgetās*-ის მამულის თანაფარდი სიდიდის მამულის მფლობელია. ეს კი მეფის მამულის ერთ მესამედს შეესაბამება. დაბოლოს, ჩანაწერებში ვხვდებით მიტოვებულ მიწებს (დაუმუშავებელი მიწები?), რომელთაც *wo-ro-ki-jo-ne-jo* ეწოდება (ადგილის საბელია?) და მისი რაოდენობა 6 ერთეულის ტოლია.

აღნიშნული ფირფიტა წაკითხული უნდა იქნეს სხვა დოკუმენტის გათვალისწინებით, იმ დოკუმენტთან ერთად, რომელშიც აღნიშნულია პოსეიდონისადმი მიძღვნილი შესაწირავების ნუსხა და რომელიც უკვე განხილული იყო V თავში. ოთხი შემწირველი არის: *E-ke-ra-wo, dāmos, lawāgetās* და *ka-ma wo-ro-ki-jo-ne-jo*, რომელიც სხვა დოკუმენტიდან უნდა ყოფილიყო გადატანილი. ამ ოლქის საზოგადოებას სამი *telestai* (იხ. თავი V. 57 გვ.) შეადგენდა და, როგორც აღნიშნული იყო, *E-Ke-ra-wo*, შესაძლოა, თვით მეფის სახელიც ყოფილიყო. თუ ეს, მართლაც, ასეა, ჩვენ გვექნება იგივე ოთხი ადგილი, რომელიც პოსეიდონისადმი ძღვენის მირთმევაში ყოფილა ჩართული. ეს კი, ნაწილობრივ, ემსგავსება ზემოთ აღნიშნულ მიწათმფლობელთა ნუსხას. მეორე ფირფიტა ძალზე დაზიანებულია, მაგრამ შესაძლოა წარწერების აღდგენა: *E-Ke-ra-wo*-ს კერძო სა-

კეთრებას წარმოადგენს Sa-ra-pe-du -ს ნერვებით გაშენებული მამულ-
ლი“. ამ ადგილის სახელი დამოწმებულია ერთ-ერთ ფირფიტაზე. შემ-
დეგ, წარწერას მოსდევს ორი ხაზი, რომელიც ეხება ორი დიდი მამუ-
ლის ზომებს, მაგრამ აკლია აღწერილობა და ციფრებიც სრული სა-
ხით არ არის მოცემული. საბედნიეროდ, ტექსტის ბოლოში ჩვენ
ვხვდებით წარწერას — „სრული 94 ერთეული“, რაც ამ ორი მამუ-
ლის ზომების მთლიანი ჯამი უნდა იყოს. ორი წარწერა, აშკარად, ნერ-
ვების რაოდენობას ნიშნავს. ერთ შემთხვევაში, შესაძლოა, აღნიშნავს
ვაზების რაოდენობას, მეორეგან კი — ლეღვის ხეებს. ციფრები არა-
სრულადაა წარმოდგენილი, მაგრამ არც ერთი მათგანი 1,100-ზე ნაკ-
ლები არ არის. საკვირველია, რომ მთელი ერთეული უდრის 94-ს.
იგივე ციფრი დამოწმებულია 5 მამულისათვის ერთ-ერთი ფირფიტიდან.
ღნიშნულის შესადარებლად Sphagiānes-ის შემთხვევაში მთელი მამულე-
ბის ზომა დაახლოებით 102-ს უდრის.

კნოსოსში პილოსის ფირფიტების შესაბამისი წარწერები არ
გვხვდება, თუმცა მიწათმოქმედების ზოგიერთი ტერმინოლოგია
აქაც შემორჩა. იგივე შეიძლება ითქვას ტირინთოში ახლად აღმოჩენი-
ლი ორი წარწერის მიხედვითაც. მაშასადამე, რადგანაც პილოსის გარ-
კვეულ მიდამოებში იქმნებოდა ჩანაწერების წარმოების განსაკუთრებ-
ული პირობები, წარწერების დამოწმების გარეშეც ჩანს, რომ კნო-
სოსშიც ანლოგიური სიტუაცია იყო. ჩვენ ხელთ გვაქვს იმ პირთა სია,
რომელთაც მამულები ჰქონდათ სხვადასხვა ადგილებში კრეტაზე,
აქედან, ზოგი ფლობდა ბაღს, ან რაიმე ამის მსგავს ნაკვეთს.

გვაქვს აგრეთვე მონაცემები მარცვლეულის მოსავლის შესახებ.
თუმცა ასეთი ჩანაწერები იმდენად ფრავმენტულია, რომ ნათელ სუ-
რათს ვერ გვიქმნის. ანალოგიური ტიპის ჩანაწერები პილოსში არ
გვხვდება. როგორც ჩანს, ამის მიზეზია წელიწადის ის დრო, როდეს-
აც იქაური არქივები განადგურდა.

სხვა სასოფლო-სამეურნეო კულტურები

მიკენელების ჩვეულებრივი საკვები, დამზადებული უპირატესად
მარცვლეულისაგან, ძალზე მოსაბეზრებელი იქნებოდა სანელებლების
გარეშე. ამიტომაც გასაოცარი არ არის, რომ დოკუმენტებში ხშირად
ვხვდებით სუნელების სახელწოდებებსაც. ზოგიერთი სუნელის სახე-
ლი ჩვენთვის ცნობილია კლასიკური ბერძნულიდან, ზოგი სახელი სა-
ეპქოა ან სრულიად გაუგებარი. მარცვლეულის სახეობის სუნელები,
ალბათ, ზღვით შემოჰქონდათ, მაგრამ ის სუნელები, რომლებიც ჩა-
ნაწერებში დიდი რაოდენობითაა ჩამოთვლილი, ალბათ, ადგილობრივ

მოჰყავდათ. კრეტაზე მიწის მნიშვნელოვანი ნაწილი დათმობილი ჰქონდა სანელებელი მცენარეების კულტივირებას. ყველაზე გავრცელებული იყო მიხაკი, ე. ი. მცენარის თესლი, რომელსაც დღესაც იყენებენ კერძების მომზადებისას. სახელის მიკენური ფორმა ოდნავ განსხვავდება კლასიკურისაგან, მაგრამ ეჭვგარეშეა, რომ ეს ერთი და იგივე სიტყვაა. კამა აგრეთვე ნაცნობი სახეობაა მიკენელთათვის, რადგან იგი განსხვავდება კლასიკური ფორმისაგან მხოლოდ F-ის დამატებით (marathwon). ამ მცენარემ მისცა სახელი მარათონის დაბლობს ატიკაში. მიკენში გვხვდება სახელი შემოკლებული ფორმით — ma, იგივე ნიშანი იხმარება კნოსოსში. ქუნჯეთი არის კარგად ცნობილი მცენარე დღევანდელ საბერძნეთში, მისი დაფქვილი თესლი გამოყენებულია ჰალვის დასამზადებლად. მცენარე პიტნის სახელი შემოკლებული ფორმით გვხვდება და ძნელი გამოსაცნობია მისი სრული ფორმა. ბოსტნის წიწმატი ერთხელაა ნახსენები. მისი თესლი იხმარებოდა საკმაზად. ზაფრანის შესაბამისი ბერძნული სიტყვა ფირფიტებში გვხვდება რამდენიმეჯერ. აქ განიჩქევა ორი ჯიში: თეთრი, რომელსაც ზომავენ და წითელი, რომელსაც წონიან. ეს შეიძლება იმით ავხსნათ, რომ გამოყენებულია მცენარის ორი ნაწილი — უფერული თესლები და წითელი ყვავილები. ყვავილები საღებავადაც გამოიყენებოდა ხოლმე.

კნოსოსსა და პილოსში მოიხსენიებენ მცენარეს, რომელსაც დღესაც უწოდებენ *Cyperus*-ს მაგრამ ესაა ზოგადი ბოტანიკური ტერმინი მრავალი მცენარისათვის. წარწერებში, ალბათ, იგულისხმება არომატული *Cyperus rotundus*, რომელსაც ნელსაცხებლების ზეთის დამზადების დროს არომატის მისაცემად იყენებდნენ. კულტივირებული ზეთისხილი დღესაც ვაჭრობის მთავარი საგანია საბერძნეთში. წარწერები გვიმოწმებს, აგრეთვე, ბუნდოვანი მნიშვნელობის კიდევ რამდენიმე სხვა მცენარის სახელსაც. ზეთისხილის წარმოშობა უცნობია, მაგრამ მისი ყვავილის მტვერი ამოიცნეს ძვ. წ. XX საუკუნის საგნებზე, რომლებიც აღმოჩენილია დასავლეთ პელოპონესში. ზეთისხილის ხეები გამძლეა, ისინი ნაყოფს საუკუნეების მანძილზე გამოიღებენ. ამ ხის დადებითი თვისება ის არის, რომ ნაკლებ მოვლას მოითხოვს. შრომა, ძირითადად, ნაყოფის კრეფაზე იხარჯება, მაგრამ სირთულე იმაში მდგომარეობს, რომ იგი სხვადასხვა წელს სხვადასხვაგვარ მოვლას საჭიროებს. ზეთისხილი ადვილად ინახება ქოთნებში. კნოსოსის ფირფიტებში დამოწმებულია ზეთისხილის ორი სახეობა, სავარაუდოა, ველური და კულტივირებული. სიტყვებს თან ახლავს ზეთისხილის იდეოგრამა.

ლევდი ძალზე გავრცელებულია საბერძნეთში. მას დიდი მნიშვნელობა ჰქონდა მიკენშიც. პილოსის მონა ქალაქი ულუფა ხორბლისა და

ლღვის თანაბარ მოცულობას შეადგენდა. ლღვს ახმობდნენ და ამ სახით ინახავდნენ მთელი წლის განმავლობაში.

ვაზი ეგეოსურ აუზში ადგილობრივი მცენარეა, თუმცა მისი კულტივირების თარიღი ძნელი დასადგენია. მიკენური Woinos არის სიტყვათა იმ ჯგუფის წევრი, რომელსაც ჰქონდა „ღვინო“-ს მნიშვნელობა და რომელიც ფართოდ არის გავრცელებული ხმელთაშუა ზღვასა და შუა აღმოსავლეთში. ღვინო არ არის მოხსენიებული ჩვეულებრივ ულუფაში. ვაზის ბერძნული სახელწოდებაა ampelos, რაც მიკენურში არ არის დამოწმებული. ღვინო ჩვეულებრივი რაციონების ნუსხაში არ გვხვდება, მხოლოდ პილოსის ერთ-ერთ წარწერაში უნდა ყოფილიყო იგი მოხსენიებული. იგი გვხვდება, აგრეთვე, კნოსოსის დაზიანებულ ფირფიტებზეც. ღვინოს, უპირატესად, სვამდნენ, როგორც ჩანს, კნოსოსში.

უნდა აღინიშნოს, რომ საბერძნეთისათვის ჩვეულებრივი მოვლენაა ფუტკრის სკები. მიკენურ ხანაშიც ჰყავდათ ფუტკრები. წარწერა „მეფუტკრე“ გვხვდება პილოსის ფირფიტებზე. „მეფუტკრე“ ზუსტად არ შეესაბამება კლასიკურ ფორმას, რადგანაც აქ სიტყვა ნაწარმოებია „თაფლიდან“ და არა „ფუტკრიდან“. რაღაც მსგავსი მნიშვნელობა უნდა ჰქონდეს იმ ტერმინსაც, რომელიც აერთიანებს სიტყვა „თაფლსა“ და „უფროსს“, „ზედამხედველის“ მნიშვნელობით. ერთ ადგილას ზუთი ასეთი მოხელეა ნახსენები. მაშასადამე, „მეფუტკრე“ არ უნდა ყოფილიყო მაღალი რანგის წოდება. ძირითადად, თაფლი რელიგიური კონტექსტების წარწერებში გვხვდება. კნოსოსში ფირფიტათა მთელი სერია გვიჩვენებს, რომ თაფლის დიდ დოქებს გზავნიდნენ შესაწირად სხვადასხვა ღმერთებისათვის.

შინაური ცხოველები

ცხენი, როგორც ჩანს, იყო სიახლე. იგი წინაბერძნულმა მოსახლეობამ შემოიყვანა საბერძნეთში. ეს იყო ძალიან პატარა ჯიშის ცხენები, თანამედროვე „პონის“ მსგავსი. ჩვენი ინფორმაცია ცხენების შესახებ მთლიანად მომდინარეობს იმ ფირფიტებიდან, რომლებზედაც აღნუსხულია ეტლები. არ ვიცით, თუ საიდან შემოჰყავდათ ეს ცხენები. მხოლოდ ერთ პატარა ფირფიტაზე კნოსოსიდან ნახსენებია კვიცები, ფაშატები და ულაყები.

ფირფიტაზე არ არის აღნუსხული ხარების დიდი რაოდენობა. თუმცა ერთი ფირფიტა პილოსიდან, სადაც ჩამოთვლილია ხარის 90 მენახირე, უფლებას გვაძლევს შევიქმნათ შთაბეჭდილება ხარების რაოდენობაზე. ხარი იყო ერთადერთი მოშინაურებული ცხოველი,

რომლის გამოყენებაც შეიძლებოდა მძიმე სამუშაოს შესრულების დროს. ამიტომ, უნდა ვიფიქროთ, რომ თითოეულ თემს ჰყავდა ხარების გარკვეული რაოდენობა, თუმცა ამ საკითხთან დაკავშირებით „სამეფო საცაი“ არაფერს გვეუბნება. ფირფიტების ერთ-ერთი სერიის მიხედვით. 16-დან თითოეულ ადმინისტრაციულ ერთეულს მართებდა სასახლისათვის გადასახადი, სულ წელიწადში 234 ხარი. შესაბამისად, სამეფოს უნდა ჰყოლოდა მინიმუმ 1200 სული ხარი. კნოსოსის წარწერებში ჩამოთვლილია მუშა ხარები. პილოსის ფირფიტებში გვხვდება წარწერა „უღლის კაცები“. ისინი, ალბათ, მეურმეები თუ არიან. კნოსოსის დოკუმენტებში ჩამოთვლილია მეურმეების სახელები, მათი ორი ხარი და, რაც მთავარია, სახელთა უმრავლესობა სრულიად გასაგები ბერძნული სიტყვებია. ესაა, დაახლოებით „ჭრელა“, „რუხა“, „ხმაურას“ ტიპის სახელები. ეს ფაქტი, უპიკველად, ცხადყოფს იმას, რომ მიკენურ კრეტაში მეურნეობის რიგითი წევრები ბერძნულად ლაპარაკობდნენ. თუმცა კნოსოსის წარწერები ადასტურებს არაბერძნულ სახელებსაც. როგორც ჩანს, მათ მინოსური ძირი შეინარჩუნეს.

კნოსოსში ნაპოვნია 800-მდე ფირფიტა, სადაც აღნუსხულია ცხვარი. თუმცა თითოეულ მათგანზე ერთი ფარაა აღნიშნული, მაგრამ ცხადია, რომ ცხვრის რაოდენობა მთლიანად 100000 მაინც უნდა ყოფილიყო. წერილობითი ცნობების მიხედვით, განირჩევა ვერძები და ნერბები. თითოეულს განასხვავებს სპეციალური იდეოგრამა. ზემოაღნიშნულ დოკუმენტებში დამოწმებულია ვერძების ჰარბი რაოდენობა. ნებისმიერმა ფერმერმა იცის, რომ ვერძების დიდი რიცხვი თითქმის არაფერს ნიშნავს ფარისათვის. ვერძებს მხოლოდ მოსაშენებლად თუ ინახავენ, მაგრამ აღსანიშნავია, რომ მატყლის წარმოებისათვის იყენებენ ჰედილებს და სწორედ ისინი შეადგენენ ფარის დიდ ნაწილს. ჩვენ ხელთ გვაქვს ფირფიტები, სადაც აღნიშნულია ცხვარი და მატყლი. მატყლი იზომებოდა სპეციალური ერთეულით, რომელიც დაახლოებით 3 კგ-ს უდრიდა. პილოსში ნაპოვნი ფირფიტები განსხვავდება ერთმანეთისაგან. აქ თითოეულ დიდი ზომის ფირფიტაზე აღნუსხულია 25 ფარა და სხვა არავითარი დეტალი არ არის აღნიშნული. საინტერესოა, და, ალბათ, მეტისმეტად მნიშვნელოვანი, რომ ამ წარწერებში არსადაა ნახსენები მატყლი. ეს კი უნდა ნიშნავდეს, რომ საგაზაფხულოდ ცხვრები არ დაუხარისხებიათ; ასეთი რამ, ჩვეულებრივ, ხდებოდა აპრილში. როგორც ჩანს, მიმდინარე წლის ინფორმაცია არ ჰქონდათ მიღებული გადამწერებს. ეს კი ეთანხმება დასკვნას, რომ პილოსში კატასტროფა მომხდარა ადრე გაზაფხულზე.

ამავე სერიის ფირფიტებზე აღწესებულია თხების რაოდენობა. პილოსში თხებიც ფარებად ჰყოლიათ დაყოფილი. სავარაუდოა, რომ პილოსელები თხის ბეწვსაც წარმატებით იყენებდნენ. წარწერებში თხის რიცხვი ალემატება ცხვრების რიცხვს. კნოსოსის წარწერების მიხედვით, თხები ნაკლები იყო, ვიდრე ცხვარი, თუმცა ცალკეული ფარების მიხედვით, მათი რაოდენობა საკმაოდ დიდია: არტურ ევანსის ვარაუდით, მიკენურ საბერძნეთში თხის რქებს მშვილდების დასამზადებლად იყენებდნენ, ხოლო თხის ნაწლავებს — მშვილდზე გადასაჭიმად. მაგრამ ეს თეორია სარწმუნო ნივთიერი მონაცემებითაა უნდა დამტკიცდეს.

მიკენურ საბერძნეთში, კერძოდ, პილოსში; დიდი ყურადღება ეთმობოდა ღორების მოშენებას. ეს ნათლად ჩანს აქ აღმოჩენილი ფირფიტების მიხედვით, ღორების პატარ-პატარა ჯგუფებს, როგორც ჩანს, მსხვერპლად სწირავდნენ. ასე შეიძლება ავხსნათ ის ფაქტი, რომ წარწერებში ღორების დიდი რაოდენობა არ არის დამოწმებული. შეიძლება ვივარაუდოთ, რომ მიკენურ საბერძნეთში საქონლის ხორცს საკვებად იყენებდნენ მხოლოდ განსაკუთრებულ შემთხვევებში. დიდი ფენა მაინც ხორცს მსხვერპლად შეწირვის შემდეგ თუ იყენებდა საკვებად. დიდი მოწონება ჰქონდა ძროხის, თხისა და ცხერის რძეს. მისგან ამზადებდნენ ყველსაც.

მაგრამ მიკენურ საბერძნეთში საქონლის ძირითადი პროდუქტი მაინც ტყავი იყო. ტყავი გამოიყენებოდა ეტლის მოსაკაზმად, მისგან ამზადებდნენ უნაგირს, მისაბმელს. ტყავი გამოიყენებოდა გარკვეული სახეობის ფეხსაცმლის დასამზადებლად. როგორც ჩანს, ამ მიზნისათვის ხშირად იყენებდნენ ირმის ტყავს. პილოსის ზოგიერთ ჩანაწერებში გვხვდება ირემი. როგორც ჩანს, ამ ცხოველზე ნადირობდნენ ხოლმე, წარწერებში გვხვდება მინიშნება სიტყვა „მონადირეზე“, რომელიც სიტყვა-სიტყვით შეესაბამება ბერძნულ „ძაღვის წამყვანს“. მხოლოდ ამგვარი მინიშნებით თუ ვივარაუდებთ, რომ მიკენურ საბერძნეთში ძაღლებსაც აშენებდნენ. რაც შეეხება კატებსა, მათზე არაერთარი ცნობა არ მოგვეპოვება.

ხელოსნობა, მრეწველობა და ვაჭრობა

მრეწველობა პირობითი სათაურია. აქ იგულისხმება ყველანაირი საწარმოო პროცესი, რომელიც მიკენურ ეკონომიკას ადამიანის ხელით შექმნილი ნივთებით ამარაგებდა.

მიკენის უზარმაზარი კედლები 33 საუკუნის შემდეგაც, ზოგან ამაჟამადაც შემორჩენილი, უდიდეს შთაბეჭდილებას ახდენს მნახველებზე. ქალაქის კედლების საერთო სიგრძე 1100 მეტრზე მეტია. ისინი იმდენად ვეება. ლოდებითაა ხაგები, რომ მოგვიანებით ბერძნებმა დაასკვნეს: „ეს კედლები გოლიათების აშენებულაო“. საოცარია, როგორ მოახერხეს პრიმიტიული იარაღებითა და მხოლოდ ადამიანებისა და ხარების საშუალებით ასეთი ქვების აზიდვა. გვაოცებს ტექნიკური ოსტატობაც. წრიული ფორმის უდიდესი სამარხის, ე. წ. „ატრევსის საგანძურის“ დიამეტრი 14,50 მეტრია, თალის სიმაღლე 13.20 მეტრს აღწევს. ცხადია, მიკენელებს არ ჰქონდათ აღმოჩენილი თალის მშენებლობის პრინციპი, მაგრამ ამას არ შეუშლია ხელი მათთვის უზარმაზარი ქიშკრებისა და ხიდების აგების დროს (ამის ნიმუშია. ეთქვათ. ლომის ქიშკარი მიკენში, ან ხიდები ხევზე, რომელზედაც გზა გადიოდა. მათი ნანგრევები დღემდეა შემონახული — მთ. შენ.).

რთულია მიახლოებით მაინც გამოვიანგარიშოთ, რამდენი მუშა აშენებდა ასეთ ნაგებობებს. მიკენის სიმაგრის აგებას, ალბათ, მთელი თაობა დასჭირდებოდა. მხოლოდ ზოგიერთ ადგილას ვვხვდებამიკენური გამაგრების ნაშთები. არგოლიდის გარდა, მიკენური კედლები შემორჩენილია ათენის აკროპოლისშიც, თუმცა ნგრევა და ხელახალი აშენება არ გვაძლევს საშუალებას დავადგინოთ, თუ რა მანძილზე ვრცელდებოდა ეს საფორტიფიკაციო ნაგებობა. მუშახელის გამოყენების მხრივ ყველაზე საოცარი ნიმუშია კედელი გრეაში (ბერტია). მისი სიგრძე სამი კილომეტრია და ეს შემოფარგლული სიგრცე დაიტევდა არა მხოლოდ ხალხს, არამედ მათი საქონლის ჯოგებსაც. მიკენური კედლის ნანგრევები კორინთოს ყელთანაც შეინიშნება, თუმცა ჩვენ არ ვიცით, დასრულებული იყო თუ არა აქ სამშე-

ნებლო სამუშაოები. გარდა ამისა, ცნობილია, რომ თავისი არსებობის ეკანასკნელ ფაზაში პილოსი კედლებით არ იყო გამაგრებული, სავსეა. იყო თუ არა იგი გამაგრებული ადრე, რაც შეეხება კრეტას, იქ საერთოდ არ არსებობდა საფორტიფიკაციო სიმაგრეები.

შესაბამისად, არც არის საკვირველი, რომ მიყენურ დოკუმენტებში იშვიათ დაა საუბარი ხელოსნებზე, საშენ მასალებზე თუ ჩაგებობაზე. გვაქვს ერთადერთი ნიმუში — პილოსის ფირფიტა, სადაც 12 კლასიზია ჩამოთვლილი — სიტყვასიტყვით „კედლის მშენებელი“.




სურ. 9. „ლოზის კარიბჭე“.

ჩვენ არ ვიცით, თუ რის აშენებას აპირებდნენ ისინი. მშენებელთა მტრე რიცხვის მიხედვით თუ ვიმსჯელებთ, ეს არ უნდა ყოფილიყო უცარად მიღებული გადაწყვეტილება თავდაცვის უზრუნველსაყოფად, თუნდაც ეს ხელოსნები გამოცდილი ყოფილიყვნენ და წარუმართათ ადგილობრივი გამოუცდიელი მუშები. ასეც რომ ყოფილიყო, მთელი ძალის კონცენტრაცია უნდა მომხდარიყო ერთ-ერთ მონაკვეთზე და არა ერთდროულად ოთხ ადგილას, როგორც ცნობამია დამოწმებუ-

ლი. შეგვიძლია ვივარაუდოთ, რომ ეს ხელოსნები, ჩვეულებრივ, სამშენებლო ოპერაციებზე გაიგზავნა.

ჩვეულებრივი სახლის ან სასახლის მშენებლობის მსგავსი სურათი ჩანს პილოსის სხვა წარწერებში, რომელშიც აშკარად სამშენებლო მასალაა ჩამოთვლილი. როგორც ჩანს, აქ დასახელებული უნდა ყოფილიყო მთელი ხის მასალა, რაც საჭირო იყო ჩვეულებრივი, ე. წ. „მეგარონის“ ტიპის პატარა დარბაზის მშენებლობისათვის. ჩანაწერის დასაწყისი დაზიანებულია. სია იწყება ჩანაწერებს სამი სერიით. თი-



სურ. 10. „ატრევის საგანძურის“ დროშოსი.

თოეული მათგანი შეიცავს სიტყვას Kapniās — „ბუხარი“. ჩამოთვლილია 12 დედაბოძი, სახურავის კოჭი და 6 ჯვარდინი ბოძი. შემდეგ იწყება ბუნდოვანი სიტყვები, შესაძლებელია მხოლოდ ციფრების — 81 და 40 — გარჩევა. ამას მოსდევს 23 „კედლის დასამაგრებელი“, 140 ხის ლურსმანი, რომელიც ზოგჯერ გამოიყენებოდა კრეტაში ბათქაშის სქელი ფენის მისამაგრებლად. ჩამოთვლილია 6 კარის ბოძი და ციფრი 2, რაც შესაძლოა, ხის ზღურბლის რაოდენობას გამოხატავდა. შემდეგ, ბუნდოვან ჩანაწერებს მისდევს ციფრები: 10, 16, 18 და 100. არის კიდევ გაურკვეველი დანიშნულების 1 ბოძი, 2 კოჭი და 1 სვეტი, შეიძლება ვიფიქროთ, რომ ეს პატარა კარისწინა ბოძია.

ლითონები

როგორც ცნობილია, მიკენელები იყენებდნენ ხუთი სახის ლითონს: ოქროს, ვერცხლს, ტყვიას, სპილენძს, თუნუქს. ბოლო ორი არ იხმარებოდა წმინდა ფორმით. მიკენელებმა ვერ გამოიყენეს საბერძნეთის რკინის მადნების რესურსები, რაც მათი ტექნიკური დაოსტატების დაბალ დონეზე მეტყველებს. ამგვარად, საჭიროებისდა მიხედვით, უპირატესად, იყენებდნენ ბრინჯაოს. საბერძნეთში, მიკენის ხანის დასასრულს, მხოლოდ ტექნოლოგიური პროგრესის შემდეგ დაიწყეს რკინის ნივთებისა და იარაღების დამზადება. თუმცა ბრინჯაო მნიშვნელოვან როლს თამაშობდა მიკენურ საბერძნეთში, იგი უნდა ყოფილიყო შედარებით იშვიათი და ძვირი მასალა. ცნობილია, რომ საბერძნეთში არ იყო ამ მეტალების საბადოები. ბრინჯაოს ნივთების შესახებ ცნოსოსის წარწერებიც გვაწედას ცნობებს, მაგრამ მხოლოდ პილოსის ფირფიტებში არიან მოხსენიებული მჭედლები. აქ ჩვენ გვაქვს დოკუმენტების მთელი სერიები, სადაც ჩამოთვლილია მჭედლები და ბრინჯაოს ის რაოდენობა, რომელიც მათ ეძლეოდათ. ამ სერიის ყოველი ფირფიტა მოიცავს ადგილის დასახელებას, მჭედელთა სიას და იმ ბრინჯაოს რაოდენობას, რომელიც მიეცათ მათ სათითაოდ, და რაოდენობას მთლიანად. ხშირად გვაქვს იმ მჭედლების სია, რომელთაც ბრინჯაო არ ეძლეოდათ. ამგვარად, ჩვენ ვიცით მჭედლების რაოდენობა და, აგრეთვე ისიც, თუ რამდენი მათგანი იყო დასაქმებული. ეს უკანასკნელნი დაახლოებით მთლიანი რაოდენობის 1/3 შეადგენდნენ. განაწილებული ბრინჯაოს რაოდენობა საკმაოდ ცოტაა — მაქსიმუმ 18 კგ. ერთ მჭედელზე. ჩვენ აღმოვაჩინეთ აგრეთვე საბუთი, სადაც დამოწმებულია ბრინჯაო დიდი რაოდენობით. ეს, ალბათ, თითოეულ ფირფიტაზე აღნუსხულ ბრინჯაოს რაოდენობათა ჩამი უნდა ყოფილიყო. დაზიანებული ფირფიტების ერთ ჯგუფში მოიხსენიება ბრინჯაოს ზოდები (თუმცა ბრინჯაოს გამომხატველი ნიშანი დამოწმებულია მხოლოდ ერთგან). ასეთი ზოდების წონა, ჩანაწერების მიხედვით, უნდა იყოს დაახლოებით 1,562 კგ. ე. ი. თითოეულის საშუალო წონა არის 26,03 კგ. ეს, უთუოდ, არქეოლოგების მიერ აღმოჩენილი ზოდების წონას ეფარდება.

ბრინჯაოს მრავალი მიზნით იყენებდნენ: ის გამოსადეგი იყო ნებისმიერი ჭურჭლის დასამზადებლად. ბრინჯაო უფრო იაფია, ვიდრე ოქრო ან ვერცხლი და ბევრად უფრო გამძლეა, ვიდრე თიხა. ყოველთვის ადვილი არ არის მსჯელობა იმის შესახებ, თუ რა მასალისაგანაა დამზადებული ჭურჭელი. მხოლოდ მაშინ, როდესაც შეიქმნა საფრთხე მათი ერთმანეთში არევისა, ჭურჭლის სახელწოდებას დაემატა სიტყვა ან იდეოგრამა, რომელიც აღნიშნავდა მასალას, თუ რისგან იყო

დამზადებული იგი. პილოსის ფირფიტის ნუსხაში მოხსენიებული ორი მსგავსი თასი განსხვავდება ბრინჯაოსა და ოქროს აღმნიშვნელი იდეოგრამებით. მაგრამ ეს იმას არ ნიშნავს, რომ ყველა დანარჩენი ჭურჭელი თიხისაა. ეპითეტები, რომლებიც ჭურჭლის მიმართაა გამოყენებული; ადვილი გასაგები იქნებოდა, თუ გვეცოდინებოდა, რას ენება ის — დეკორს თუ ჭურჭლის ტიპს. დოქი აღწერილია: როგორც „მეფური, ქალური, ხარის თავისებური, სპირალური“.

ფირფიტის ნუსხაში ვხვდებით ექვს დიდი ზომის ქვებს, რომლებიც, უდავოდ, ბრინჯაოსაგანაა დამზადებული. ყველა მათგანი, ერთის გარდა, კრეტული ნახელავია. თუმცა ახლა ჩვენთვის მნიშვნელოვანია არა ის, რომ ქვებები კრეტული ხელოსნების ნახელავია და რომ, ალბათ, კრეტული იმპორტის ერთ მათგანს აქვს ეპითეტი, რომელიც ითარგმნება — „თხის“. ეს მოწმობს, რომ დიდი ზომის ჭურჭელზე კეთდებოდა ცხოველის თავის ორნამენტი, ან შესაძლოა თხის თავები მიმაგრებული ყოფილიყო როგორც სახელური. ერთ ქვებს აქვს ეპითეტი — „ერთი ფეხით“, მეორეს კი — „დამწვარი ფეხით“. ეს მეტყველებს იმაზე, რომ დაზიანებული ჭურჭელიც კი იმდენად მნიშვნელოვანი ყოფილა, რომ ნუსხაში შეუტანიათ, და აქედან გამომდინარე ისინი უბრალო კერამიკული ნახელავები არ უნდა ყოფილიყო.

ჩვენ ვხვდებით ჭურჭლების სერიის ნუსხას წარწერით — dipas. როგორც ჩანს, ეს უნდა ყოფილიყო საკმაოდ დიდი მოცულობის ჭურჭელი და არა სასმელი თასი, როგორც ამას კლასიკური dipas გვიმოწმობს. აღნიშნულ შემთხვევაში ჩვენ საქმე გვაქვს სიტყვასთან, რომელმაც დროთა განმავლობაში შეიცვალა მნიშვნელობა, მაგრამ მისი ძველი არსი უცვლელი დარჩენილა. როგორც ზემოთ აღვნიშნეთ, ისინი დიდი ზომის ჭურჭლებია, რომელთაც ან სულ არა აქვთ სახელური, ან აქვთ სამი, ოთხი სახელური.

ექვგარეშეა, რომ ფირფიტაზე აღნიშნული ყველა ნივთი ბრინჯაოსაგანაა დამზადებული. აქ ჩაწერილია ფოცხი, ორი მაშა და ორი შაყალი. ასეთი სახის ნივთები არქეოლოგიური გათხრების დროს, გარკვეული მიზეზების გამო, იშვიათი მონაპოვარია. აქ ვხვდებით მრავალ სიტყვას, რომელთა მნიშვნელობაც დადგენილი არ არის, ან სადავო საკითხს წარმოადგენს.

ბრინჯაოს გამოყენება აბჯრებისათვის ნაკლებ მოსალოდნელია, მაგრამ მას შემდეგ, რაც დენდრასთან აღმოჩნდა აბჯარი სრული სახით. საკვირველი არ არის ფირფიტებში ბრინჯაოს მოხსენიება აბჯრებთან დაკავშირებით. ბრინჯაო აგრეთვე გამოიყენებოდა ეტლის თვლის შემოსავლებად. კნოსოსის ერთ-ერთ ფირფიტაზე გამოსახულია ბრინჯაოს იდეოგრამა ეტლის აღმნიშვნელ იდეოგრამასთან ერთად. ძნელი დასადგენია, თუ რას უნდა ნიშნავდეს იგი ზუსტად.

ვერცხლი არ არის იშვიათი არქეოლოგიურ აღმოჩენებს შორის, მაგრამ. უცნაურია, რომ ვერცხლის ეს ნახელები წერილობით საბუთებში არ გვხვდება ერთი გამონაკლისის გარდა — ეს არის ეტლის წყელი თულები, „ვერცხლით შეკრული“. ასეთი ვერცხლით მოკაზმული ეტლი, ალბათ, რომელიმე მაღალი წოდების პირისა თუ იყო. როგორც აღვნიშნეთ, სიტყვა „ვერცხლი“ არც ერთ სხვა წარწერაში არ გვხვდება — არც სიტყვის და არც იდეოგრამის სახით. თუმცა არც ერთი დაუდგენელი იდეოგრამა არ უნდა აღნიშნავდეს მეტალს და ერთადერთი სიტყვა, რომელიც ვერცხლს შეიძლება ნიშნავდეს, არის pa-ra-ku და იგი არც ერთ ბერძნულ სიტყვას არ შეესაბამება. pa-ra-ku არის მასალა, რომელიც ორნამენტული ინკრუსტაციისათვის გამოიყენებოდა და, თუმცა შეიძლება ვერცხლიც გამოეყენებინათ ამ მიზნით, დასაშვებია სხვა ვარაუდიც.

ამ პერიოდში ცნობილი იყო ტყვიაც. მას იყენებდნენ პატარა ფიგურებისა და სხვა საგნების ჩამოსასხმელად. თებეს გათხრების დროს აღმოაჩინეს ტყვიის პატარა ნატეხები, რომლებიც, ალბათ, თავის დროზე, რალაც გარკვეულ ნივთებს წარმოადგენდნენ და ხანძარს დაუდნია. ერთ-ერთ ფირფიტაზე გვხვდება სიტყვა wo-ri-wo-do, ეს შესაძლოა ყოფილიყო მიკენური ფორმა moliwdos-ის შესაბამისი სიტყვა. იგი ბერძნულისათვის ნასესხებია და გვხვდება სხვადასხვა ვარიანტებით, მაგ., moliwdos, molybdos და ა. შ. წარწერებში ოქროს დამოწმებულია ან იდეოგრამებით ან „ჩვეულებრივი“ ბერძნული Khrysos-ის შესაბამისი სიტყვის სახით. საინტერესოა, რომ ეს სიტყვა ნასესხებია სემიტურიდან (უგარიტული hrs და ასირიული hura-su). ცხადია, მიკენურ ბერძნულში სხვა სიტყვებიცაა ნასესხები სემიტურიდან, მაგ., lewōn — ლომი; შეადარეთ ებრაული lābi ან ასირიული labbu და ა. შ.

პილოსის ერთ-ერთ ფირფიტაზე დამოწმებულია ოქროს გადასახადების ვრცელი, მაგრამ, სამწუხაროდ, დაზიანებული სია. აშკარაა, რომ ეს ოქროს გადასახადის სიაა, რადგანაც ცალკეული წარწერა მიცემითი ბრუნვის ნაცვლად სახელობითშია და ამასთანავე, თითქმის წარწერების ნახევარს აქვს ნიშანი ჯვრის სახით, რომელიც, ალბათ, გვიჩვენებს, რომ გადასახადი მიღებულია. ამ სიის სრული სათაურისაგან დარჩენილია მხოლოდ წარწერა Koretēr — „მმართველი“. სიაში ცხრა წარწერა შეიცავს იგივე სიტყვას. ორ შემთხვევაში გვაქვს Prokoretēr — „მმართველის მოადგილე“. სამ პირს აქვს წოდება mo-ro-qa. ერთი სახელი არის guasileus — „უფროსი“. სიაში იშვიათად გვხვდება ადგილის სახელი საკუთარი სახელის ან ტიტულის ნაცვლად. აშკარაა, რომ ოლქები წარმოდგენილია მისი მმართველებით. სიაში აღნიშნული ზოგიერთი საკუთარი სახელი შესაძლოა იდენ-

ტური იყოს სხვა რომელიმე დოკუმენტში ნახსენები სახელისა. Nedwātās -ი ჩრდილოეთით მდებარე სექტორის უფროსია, ალბათ, იგი ამ ოლქის მმართველი იყო. ამ სახელს მოსდევს Ekhemēdēs, რომელიც მისი პირველი ხელქვეითი იყო სანაპირო ზონის დაცვაში და შესაძლოა მისი მოადგილეც ყოფილიყო. აგრეთვე ვხვდებით წარწერას Augewās — პირი, რომელიც მეფის მიერ იყო დანიშნული da-mo-ko-ru-ის თანამდებობაზე. ამგვარად, ნათელია, რომ სიაში შეტანილი ე.დამხდლები მაღალი ჩინის მოხელეებია ამ ადგილებში. ნუსხის დასაწყისში ვხვდებით მხოლოდ ნიშანს (პატარა ჯერის სახით — მთ. შენ.), ხოლო სახელი ან წოდება არ არის მითითებული. ამ სიტყვის აღდგენა არ ხერხდება.

ნუსხაში ოქროს რაოდენობა მერყეობს 62 გ-დან 1 კგ-მდე. ყველაზე ხშირად გვხვდება 250 გ. საერთო ჯამი შეადგენს 5 კგ-მდე ოქროს და, თუ მხედველობაში მივიღებთ, რომ დაზიანებულ ფირფიტაზე არ ჩანს ზოგი ციფრი, საერთო რაოდენობა 6 კგ-ს უნდა აღემატებოდეს. ეს საეჭაოდ დიდი რაოდენობაა იშვიათი საქონელისათვის. ოქრო, როგორც ჩანს, შემოჰქონდათ, და როგორ მოხდა, რომ თანამდებობის პირების ხელში ყოფილა ამდენი ოქრო და რატომ მოითხოვეს მათგან ასეთი გადასახადი? ძნელი დასაჯერებელია, მიკენურ საბერძნეთში ჰქონოდათ იმდენი ოქრო, რომ ყოველწლიურად ოქროს გადასახადი ასეთი რაოდენობით მოეთხოვათ. მხოლოდ განსაკუთრებულ პირობებში იყო დასაშვები ასეთი კონტრიბუციის აკრეფა. მოკლედ, გადასახადების მიზეზი გაურკვეველია. ოქროს ვერ გამოიყენებდნენ სამხედრო საქმეში, თუ არა გაცვლა-გამოცვლის მიზნით. გარდა ამისა, ოქრო ჩნდება ან ჭურჭლის, ან ავეჯის მორთულობაში. კნოსოსში გვხვდება „ოქროს“ შესაბამისი სიტყვა, სამწუხაროდ, დაზიანებულ ფირფიტაზე, რომელიც გამოხატულია განსაკუთრებული ტიპის ჭურჭლის ცნება-ნახატით, პიქტოგრაფით. ჩვენ გვაქვს ორი ნიმუში იმისა, რასაც შეიძლება ეწოდოს „ხარის თავის“ ფორმის რიტონი (სასმისი ჭურჭელი—მთ. შენ.). ხარის თავის ფორმის ჭურჭელი გამოყენებული იყო ღვინის მსხვერპლთშეწირვისათვის. ხარისთავა ვერცხლის რიტონების ნიმუშები ცნობილია კნოსოსშიც და მიკენშიც. ალბათ, სასმისების რქები დამზადებული იყო ხისაგან და ოქროს ჩუქურთმით ყოფილა დაფარული. ზემოხსენებულ დაზიანებულ წარწერაში გარკვევით წერია — Ke-ra-a — „რქები“. ოქრო მოხსენებულია მხოლოდ ტექსტის შემორჩენილ მონაკვეთში და უკავშირდება სასმისის ცნობილ სახეობას, რომლის ნიმუშები აღმოჩენილია ვაფიოში (ლაკონია — მთ. შენ.).

მხოლოდ რელიგიური სამსხვერპლო ძღვენის ნუსხაშია (პილოსის ფირფიტა) დაზუსტებული ჭურჭლების რაოდენობა. აქ არის 13 ოქ-

როს ფილა, ზოგი სადა, ზოგიც დახვეწილი სახელურებით. ოქროს უმნიშვნელო ნარჩენები აღმოჩნდა თვით სასახლეში. ალბათ, სასახლე, სანამ ხანძარი გაჩნდებოდა, გულდაგულ გაუძარცვიათ. მაგრამ გაუძარცვავ სამარხებში, პერისტერიაში (კიპარისიის ჩრდილოეთით—მთ. შენ.) აღმოჩნდა რამოდენიმე ოქროს ჭურჭელი. პილოსის ერთ-ერთ წარწერაში, სხვა ხელოსნებთან ერთად, დამოწმებულია ოქრომჭედლებიც.

ავეჯი

ძალზე საინტერესოა პილოსის „ავეჯის ფირფიტების“ საგანგებო სერია. ამგვარი ჩანაწერის შედგენის მიზანი ნათელი არ არის, თუმცა ის იწყება სრულიად გასაგები სიტყვებით: მეფის მოხელე (თანამდებობა და სახელი) შემოწმების შემდეგ ჩამოთვლის ნივთებს. ეს სია, ალბათ, შემოწმების შედეგი უნდა ყოფილიყო, მაგრამ არ ვიცით, თუ სად ინახებოდა საქონელი. ჩამოთვლილი ავეჯი ოთახებისათვის შესაფერისი არ უნდა ყოფილიყო. თეორიულად დასაშვებია, რომ ეს ნივთები ყოფილიყო აკლდამაში, მაგრამ დამოწმებული არ არის არც ერთი ისეთი დიდი ზომის აკლდამა პილოსში, სადაც ეს ყველაფერი მოთავსდებოდა. თანაც, აღნიშნულ წარწერაში გვხვდება ისეთი ნივთები, რომლებიც მიკენის არც ერთ გაუძარცვავ აკლდამაში არ აღმოჩენილა.

წარწერებში არ იყო ნახსენები ავეჯის მასალა. უუქველია, მოხელეებმა იცოდნენ, რა სახის ხისგან შეიძლებოდა მათი დამზადება. მასალის ეპითეტები კი უპირატესად ეხებოდა დეკორაციებს და არა ძირითად მასალას. ბლეჯენმა მარმარილოს მაგიდის თავების ნამტვრევებიც კი აღმოაჩინა. მაგრამ, როგორც ჩანს, კატასტროფამდე სასახლიდან ყველაფერი ძვირფასი გატანილი იყო. ავეჯის ნაწილები. აღწერილი როგორც „ოქროსი“, შეიძლებოდა ინკრუსტირებული ყოფილიყო ოქროს ფირფიტებით. ავეჯის ფეხები იყო სპილოს ძვლის. მაგრამ ბევრ შემთხვევაში ორნამენტაციის სპეციფიკურ აღწერას ჩვენთვის უნდა მიენიშნებინა ავეჯის სახეობა. ატიკაში, მარათონთან აღმოჩენილ ერთ-ერთ აკლდამაში იყო სამი მდიდრულად მორთული ტახტი თუ სავარძელი, რომელიც ძალზე წააგავდა პილოსის აღწერებს. მათგან ერთი აღდგენილია (მიუხედავად იმისა, რომ ხე მთლიანად განადგურებული იყო), და აღმოჩნდა, რომ იგი დაფარული ყოფილა სპილოს ძვლის თხელი ფენით. მეორე დაფარული იყო ვერცხლის ფილებით, იგი ინკრუსტირებული ყოფილა სპილოს ძვლითა და მინისებრი მასალით. აქვე აღმოაჩინეს მსგავსად მორთული ტაბურეტი. როგორც ჩანს, მიკენური ავეჯიც ამ ტიპისა უნდა ყოფილიყო. მაგრამ წარწერების მიხედ-

ვით კიდევ მრავალი პრობლემა რჩება გადასაჭრელი. მოგვეყავს მხოლოდ ერთი მათგანი: წარწერებში აღნიშნული ყველა მაგიდა, გარდა რამოდენიმე შემთხვევისა, დახასიათებულია სიტყვებით, რომლებიც შეიძლება ითარგმნოს, როგორც „ცხრაფეხა“ და „ექვსფეხა“. სხვა რიცხვები აღარ გვხვდება, მაგრამ ცხრაფეხა მაგიდა, დამეთანხმებით, წარმოუდგენელია. შესაძლოა, მიკენელებისათვის „ფეხი“, ისე როგორც კლასიკური პერიოდის ბერძნებისათვის, სიგრძის საზომი იყო. საბუთებში სიგრძის საზომი არ არის ამოკითხული. მაგრამ საოცარია, რატომაა ამდენი მაგიდა ცხრა ფუტის (ფეხისტერფის) სიგრძის. ასე რომ იყოს, ექვსი ფუტის გარდა სხვა განსხვავებული ციფრებიც შეგვხვდებოდა. ამ ტიპის სხვა ეპითეტებთან დაკავშირებითაც ანალოგიური პრობლემები ჩნდება.

ქსოვილები

ახლა განვიხილოთ საფეიქრო მრეწველობა. ამ საკითხთან დაკავშირებით ხელთა გვაქვს მრავალი საბუთი, თუმცა მათი ინტერპრეტაცია რთულია. ცხადია, მატყლის დართვა და ქსოვა ფართოდ უნდა ყოფილიყო გავრცელებული მიკენურ საბერძნეთში, ისევე, როგორც ყველა უძველეს საზოგადოებაში. მაგრამ ჩვენ არ გვაინტერესებს ქსოვილების ყოველდღიური წარმოება. სამეფო არქივები ამ საკითხისადმი განსაკუთრებულ ინტერესს ამჟღავნებდნენ და უნდა დავასკვნათ, რომ შალის ქსოვილები არ იყო ყოველდღიური მოხმარების საქონელი. ისინი, ალბათ, მეფის ოჯახისათვის, სამეფო კარისათვის ანდა საექსპორტოდ იყო გამოყენებული. ეგვიპტურ ძეგლებზე გამოსახულია მიკენელი „ელჩები“, რომლებსაც, ჩვეულებრივ, მოაქვთ ძღვენი, მათ შორის ქსოვილებიც. ეს უნდა ყოფილიყო გულდაგულ დამუშავებული ქსოვილები, როგორიც ეგვიპტეში არ იშოვებოდა.

საკითხის მთელი სირთულე ტექნიკურ ტერმინებშია. რა თქმა უნდა, ფუფუნების საგნების წარმოების ტექნოლოგია ჩაკვდებოდა იმ ბნელი წლების პერიოდში, რომელიც მიკენის ნგრევას მოჰყვა. ამიტომაც არ არის საკვირველი, რომ ეს ტერმინები აღარ იხმარებოდა კლასიკურ პერიოდში. მეორე სიძნელეს განპირობებს ის, რომ კნოსოსის ტექსტები ფრაგმენტულია. ჩვენ კი სწორედ კნოსოსის ტექსტებს ვეყრდნობით, რადგან პილოსში ამ თემაზე ძალიან ცოტა ტექსტები გვხვდება.

საფეიქრო მრეწველობაზე კნოსოსში ცენტრალიზებული კონტროლი იყო დაწესებული. როდესაც ფესტოსში იღებდნენ მატყლს, რაოდენობა ზუსტად აღინუსხებოდა ფირფიტებზე. არის, აგრეთვე, ჩანაწერები, თუ რამდენი მატყლი განაწილდა „ფესტოსის ქალებზე“ და ჩა-

ნაწერები სათანადოდ ცხადყოფენ, რომ დამთავრებული პროდუქცია მიღებულია.

სხვადასხვა ქალაქი სხვადასხვანაირ პროდუქციას, ქსოვილს ამზადებდა. ისეთი შთაბეჭდილებაც იქმნებოდა, თითქოს სხვადასხვა ქალაქი საფეიქრო წარმოების სხვადასხვა დარგში იყო სპეციალიზებული. ზოგი ქსოვდა, ზოგიც ამზადებდა დეკორატიულ ელემენტებს ამ ქსოვილების გასალამაზებლად. წარმოებაში დაკავებული ქალები თავიანთ ულუფას სამეფო საწყობებიდან იღებდნენ. ეს კი ნიშნავს, რომ ისინი თავისუფალი მუშები კი არ იყვნენ, არამედ უფრო მონებს ჰგავდნენ— იყო მუდმივად დაქირავებული მუშახელი.

პილოსის ფირფიტებით შეგვიძლია წარმოდგენა შევიქმნათ სამუშაო ძალის შესახებ. ეს ყოველივე წარმოდგენილია ფირფიტების ორი დიდი სერიით. ახლა გავშიფროთ დასაქმებულთა დაკავშირებული ტერმინები, რომლებიც გამოყენებულია ქალთა ჯგუფების აღრიცხვის დროს. ამ შემთხვევაში ბერძნულთან შესაბამისობების ეტიმოლოგიური კვლევის გარდა სხვა საშუალებები არ მოგვეპოვება. ვარკვეულად, გვაფიქრებს მხოლოდ ის ფაქტი, რომ ყველა ხელობა მარტივია და ორ კატეგორიად იყოფა. ესაა საოჯახო და სამრეწველო კატეგორიები. საოჯახო ხელობის ნიმუშებია: მარცვლის დამფქველები, სააბაზანოს მსაჭურნი, მოახლეები, ხოლო ამ კონტექსტში ბუნდოვანი ტერმინი — pa-wo-ke — ინტერპრეტირებულია, როგორც „ყოველგვარი სამუშაოს შემსრულებელი მსახური.“ (ჩედვიცი, 1967).

სამრეწველო სექტორი მხოლოდ და მხოლოდ საფეიქრო მრეწველობას მოიცავს. ორი ტერმინი ამ კონტექსტში უნდა ნიშნავდეს მატყლისა და სელის დამუშავებას. ჩვენ ვიცით, რომ მიკენურ პერიოდში მრთველები დიფერენცირებული იყვნენ—მატყლის მჩეჩავი და მქსოველი. მაგრამ მოცემულ ვითარებაში სახელთა უმრავლესობა გვიჩვენებს საფეიქრო წარმოებასთან დაკავშირებულ უფრო სპეციალურ დიფერენციაციას. ერთ-ერთი სახის ქსოვილს, მაგალითად, ეწოდება te-pa. მის შესაბამის სიტყვას ბერძნულში ვერ ვპოულობთ, თუმცა ის ძალზე წააგავს გვიანდელი პერიოდის ბერძნულ სიტყვას tapēs-ს — „ხალიჩა“. აღსანიშნავია, რომ კილენის არგუმენტების მიხედვით, ta-pa მოიცავდა მატყლის დიდ წონას და ამიტომაც. ეს ტერმინი წონის ერთეულის მსგავსი რამ უნდა ყოფილიყო.

რადგან ქალთა ჯგუფების უმრავლესობა, უბრალოდ, ადგილმდებარეობის ან მათი წარმოშობის ადგილის მიხედვით განისაზღვრებოდა, შეუძლებელი ხდება მათი მოვალეობის დაზუსტება. დასაშვებია, რომ ასიის სანაპიროდან ჩამოყვანილი ჯგუფები განსაზღვრულ ხელობაში იყვნენ დაოსტატებულნი. შესაბამის სერიებში მოყვანილი რიცხვითი მონაცემების ანალიზის შედეგად ვასკვნით

ორ ფაქტს: ქალთა საერთო რაოდენობის 2/3 ან, დაახლოებით 500. საკუთრივ პილოსშია დასახელებული. დანარჩენი დასახელებულია ორივე (ახლო და შორეული) პროვინციის სხვადასხვა ადგილებში. ქალთა დაახლოებით მეოთხედი საოჯახო საქმეებით იყო დაკავებული, ხოლო დანარჩენები — სამრეწველო საქმიანობით. თუკი გაუშიფრავი ტერმინები იგივე პრინციპით არის დაჭვუფებული, მივიღივართ იმ დასკვნამდე, რომ მთელ სამეფოში, დაახლოებით 500 ან 600 ქალი დასაქმებული იყო საფეიქრო მრეწველობაში.

სელი

პილოსის ფირფიტების დიდი ჯგუფი აღწესსავს პროდუქციის რაღაც სახეობას, რომლის შესაბამისი მარცვლოვანი ნიშანია SA. ეს ნიშანი, როგორც სხვა ამის მსგავსი, აუცილებელი არ არის ყოფილიყო ბერძნული სიტყვის შემოკლება — ის ნახსენებია A-ხაზოვან დამწერლობაში. საბედნიეროდ, ხელთ გვაქვს საბუთი, რომლის მიხედვითაც SA უნდა შეესაბამებოდეს სიტყვას „სელი“.

საბერძნეთში სელის ბოქკოს ნედლეულს ძირითადად ამზადებდა სამეფო, რომელსაც ენგლიანოსის სასახლე უწევდა კონტროლს. ეს არ შეიძლებოდა შემთხვევითი ყოფილიყო, და, ალბათ, გამომდინარეობდა იმ განსაკუთრებული ხელსაყრელი პირობებიდან, რომელიც ბოქკოს დამუშავებასა და დამზადებას სჭირდებოდა. ფაქტობრივად, საბერძნეთის დასავლეთ სანაპიროზე ყველაზე მეტი ნალექი მოდის, ამის გამო ეს ადგილი წყლით მუდმივად და უხვად მარაგდება. ბოქკოს დამზადების პირველ საფეხურზე ფესვების კონებს უშვებენ გამდინარე წყალში. ამიტომ არ არის საკვირველი, რომ სელის მოყვანა აქ, მიკენური პერიოდიდან მოყოლებული, დღემდე გრძელდება. თუმცა ამ უკანასკნელ წლებში წარმოება შესამჩნევად დაეცა ხელოვნურ ბოქკოსთან კონკურენციის გამო. იმ ფაქტს, რომ სელი სწორედ ამ მიდამოებში მოჰყავდათ, მიანიშნებს ანტიკური ისტორიული წყარო (თუკი დიდე). შუა საუკუნეების წყაროებიც მიგვითითებს, რომ სელი ამ ადგილებში იწარმოებოდა. ჩვენთვის უცნობია, ზომა-წონის რა ერთეული იყო სელის ეკვივალენტი. კილენმა დაადასტურა, რომ სელს წონიდნენ, მაგრამ დეტალები არ არის ცნობილი.

ფირფიტათა სერიებში დამოწმებულია იმ ადგილთა სახელებიც, სადაც სელს აწარმოებდნენ. წარწერების მიხედვით ჩანს ცენტრალური მხარის მაღალი დონე — ყოველი ადგილობრივი მმართველი მასზე მინდობილი საქმის პასუხისმგებელი უნდა ყოფილიყო; თუმცა ყოველ უბანს განსაკუთრებული ყურადღება ეთმობოდა. ცალკეული ჩანაწერების რიცხვითი მონაცემების მიხედვით, შეიძლება აღვადგინოთ რიცხვითი მონაცემები მთლიანად

ფირფიტები, სადაც აღნუსხულია სელი, უპირატესად ორი ტიპისა: ერთ სტრიქონიანი ჩანაწერით და ორი ან მეტი სტრიქონის მომცველი ჩანაწერით. მარტივი ტიპი წარმოდგენილია, ჩვეულებრივ, ადგილის სახელით, რასაც მოსდევს — SA და რიცხვი. როგორც ჩანს, ეს უნდა ნიშნავდეს, რომ ამა და ამ სოფელმა შეასრულა თავისი ნორმა. ზოგ შემთხვევაში ჩანაწერს ახლავს შენიშვნებიც. რთული ტიპის ჩანაწერები ანალოგიურია მარტივი ტიპისა, მაგრამ დამატებითი წარწერა აღნიშნავს, რომ ამა და ამ რაოდენობის სელი „თავისუფალია“ ან „არ არის გაცემული“. ეს უნდა ყოფილიყო შედარებით თავდაპირველი შეფასების შემდეგ. მაგალითები ცხადყოფს, რომ მსგავსი შედარებები კეთდებოდა არა მთელი საზოგადოებისათვის, არამედ განსაკუთრებული კლასების მიმართ.

საკითხთან დაკავშირებით ყველაზე ნაკლებნიშნელოვანი პრობლემა არის შემდეგი: არქივში გვაქვს ისეთი ჩანაწერები, რომელიც წლის დასაწყისის თვეებს მიეკუთვნება, სელის აღება კი შემოდგომაზე ხდებოდა. ამას, ალბათ, შემდეგნაირი ახსნა შეიძლება მოეძებნოს: მოსავლის აღების შემდეგ სელის მომყვანი სოფლების მოვალეობა ბოქვების დასველება იყო. ამას, ალბათ, დასჭირდებოდა ერთი თვე და თვით მესენიაშიც კი არ იყო იმდენი წყალი, რომ მთელი სელი ერთბაშად დაესველებინათ. ე. ი. შეიძლებოდა პროცესი მომდევნო წლის დასაწყისამდე გაგრძელებულიყო, ვიდრე ბოქვოს შეაგროვებდნენ და წაიღებდნენ სამრეწველო ცენტრში. ერთხელ დასველებული და გამომშრალი ბოქვო კარგად ინახებოდა. წარწერების მიხედვით, ჩვენ ვიცით, რომ სელის დამმუშავებელი ქალთა ჯგუფი დამოწმებულია ბილოსში და ახლო პროვინციის ერთ-ერთ ქალაქში.

ვაჭრობა

ფირფიტებზე ჩანაწერების მიხედვით, შეგვიძლია მივუთითოთ იმ მოხმარების საგნებზე მიკენის სასახლეში, რომლებიც, ალბათ, მეზობელი ქვეყნებიდან შემოჰქონდათ. მაგალითად, სპილოს ძვალი შემოჰქონდათ, ჩანაწერებისა და არქეოლოგიური მონაცემების მიხედვით, უცხოეთიდან, ალბათ, სირიიდან. ოქროს ძალზე მცირე რაოდენობა შეიძლება ჰოპოვებიანთ საბერძნეთის საბადოებში, მაგრამ ეს იმას არ ნიშნავს, რომ საბერძნეთში ოქრო მცირე რაოდენობით ყოფილიყო. საბუთებიც გვიდასტურებს, რომ ოქრო სასახლეებში იშვიათი არ იყო. მაგრამ ოქროს ნივთების ნაწილი უთუოდ უცხოური წარმოშობისაა. უეჭველია, რომ საბერძნეთში უცხოეთიდან შეჰქონდათ ფუფუნების სხვა საგნებიც. ასე რომ, იმ პერიოდში ჰიმდინარეობდა

უცხოეთთან ვაჭრობა. ხშირად წამოუყენებიათ აზრი, რომ არსებობდა ვაჭართა კლასი. პროფესორმა ვეისმა, მიკენის კედლების გარეთ გათხრის დროს აღმოჩენილ პირველივე სახლს უწოდა „ზეთის ვაჭრის სახლი“. ეს იყო შენობა, სადაც მზადდებოდა და ინახებოდა ზეთი. არის საბუთი, რომ საცხოვრებელი ნაწილი ზედა სართული იყო. მაგრამ არსებობს ორი მიზეზი, რომელიც კითხვის ნიშნის ქვეშ აყენებს ვაჭართა კლასის არსებობის საკითხს. პირველი — არც ერთ საბუთში, რომელიც აქამდე ცნობილია, არ არიან მოხსენიებული ვაჭრები ან მათი საქმიანობა. ის რომ მნიშვნელოვანი კლასი ყოფილიყო, დაუჭერებელია, მათი არსებობის შესახებ სადმე არ ყოფილიყო მითითებული. შუა აღმოსავლეთის სასახლეების არქივებში ვაჭრები ძალზე ხშირად არიან ნახსენები, რადგან ისინი მნიშვნელოვან როლს თამაშობდნენ სახელმწიფო შემოსავლის საქმეში: მეორე — კომერციული სისტემის თავისუფალი ფუნქციონირება დამოკიდებულია ფულის ნიშნის არსებობაზე. ფულის ნიშნების გარეშე ეკონომიკაში ვაჭრობის წარმოება შესაძლებელი ხდება საქონლის გაცვლა-გამოცვლით. მაგრამ ეს მოუქნელი მეთოდია. ერთ-ერთი ძალზე დაზიანებული ფირფიტის ფრაგმენტი პილოსიდან შეიძლება ყოფილიყო კომერციული ტექსტი, რადგან ის შეიცავს მსგავს კონტექსტში მოხსენიებულ სიტყვას — o-no. სიტყვის იდენტიფიკაცია ძნელია, თუმცა ბერძნულში შესაბამისი სიტყვა noos ნიშნავს — „ფასი“, მაგრამ შედარებით უფრო მოსალოდნელი იქნებოდა მიკენური ფორმა wnoos. წარწერაში საუბარია o-no-ზე, რომელიც მიემართება ხორბალსა და ლელვს. პილოსში ეს იყო ბადის მრთველთა და მქსოველთა ჩვეულებრივი ულუფა. შემდეგ, გვაქვს კიდევ ორი ჩანაწერი, სადაც დასახელებულია ძვირფასი ქსოვილის რაღაც სახეობა. მომდევნო ნიშანი, ალბათ, აღნიშნავს, თუ რა სახის ქსოვილია ეს; უშუალოდ ამას მოჰყვება ჩანაწერი ხორბლის ხარისხის შესახებ. სამწუხაროდ, ფირფიტის წაკითხვის ყველანაირი ცდა უშედეგოა — წარწერა გაურკვეველია და, შესაბამისად, უნიკალური. არის სხვა ჩანაწერებიც, სადაც დამოწმებულია o-no, სხვადასხვა საქონელთან მიმართებაში. მაგრამ ამ ჩანაწერთა კონკრეტული დეტალები მაინც სადავო საკითხად რჩება. სახელდობრ, პრობლემატურია, რომელი ქვეყნების წარმომადგენლები ვაჭრობდნენ მიკენელებთან. სავარაუდო კანდიდატურებია კვიპროსი და ახლო აღმოსავლეთი. რამდენად მკაცრი კონტროლი ჰქონია დიწესებული მიკენს ვაჭრობაზე, ან, საერთოდ, როგორ ხორციელდებოდა საქონლის გასაღების პროცესი, დღემდე გაურკვეველია.

საბრძოლო იარაღები და ომი

მინოსური საზოგადოება კრეტაზე, როგორც ჩანს, შედარებით მშვიდობიანი იყო. სამხედრო სცენები არ არის გავრცელებული კრეტულ სელოვნებაში. უკანასკნელი პერიოდის ფრესკები თერადან უჩვენებდა იმით, რომ მათზე ასახულია შეიარაღებული ჯარების რიგ-



სურ. 11. მიკენური ვაზა მებრძოლთა გამოსახულებით.

ბი და საბრძოლო ფლოტილია. მაგრამ კრეტაზე ბერძენთა მოსვლის-თანავე შეიცვალა საზოგადოების მშვიდობიანი სახე. არქეოლოგები თავდაპირველად სავონებელში ჩავარდნენ კნოსოსის მიდამოებში ამ პერიოდის სამაროვნების აღმოჩენის შემდეგ. აღნიშნულ სამაროვნებს

მათ „მეომართა სამარხები“ უწოდეს, იმ იარაღისა და აღქურვილობის მიხედვით, რაც იქ აღმოაჩინეს. კრეტაზე ბერძენთა მმართველობა გამოირჩეოდა საომარი განწყობილებით.

არმიის არსებობის შესახებ არც ერთი საბუთი არ გვაწვდის ცნობას, თუმცა გვხვდება სამხედრო და საზღვაო თანამდებობებზე გაწესებული სიები. იყო ცდები ზოგიერთი წარწერის ასახსნელად, როგორც სამხედრო წოდებისა. მაგალითად, *lāwāgelās* -ს მიიჩნევენ მთავარსარდლად, მაგრამ უფრო დასაშვებია, რომ ამგვარ საზოგადოებაში მეომრის მოვალეობა ყველა მოქალაქის მოვალეობა ყოფილიყო და მცირე რამ ყოფილიყო საჭირო განსაკუთრებული სამხედრო ოსტატობის გამოსახატავად. ამიტომ სწორედ აღქურვილობის ნუსხების მიხედვით უნდა შევეცადოთ წარმოვიდგინოთ მიკენური საზოგადოება ომში.

ჯავშანი

ბრინჯაოს შესანიშნავი ჯავშანი აღმოაჩინეს მიკენურ სამარხში არგოლიდში, დენდრასთან. სავარაუდოა, რომ ჯავშნის უმეტესი ნაწილი მზადდებოდა ტყავისაგან ან სელის მაგარი ქსოვილისაგან, რომელსაც, ალბათ, მეტალით ამაგრებდნენ. სქელი ქსოვილის მრავალი ფენა ძალიან კარგად იცავდა მეომარს მახვილის კრილობისაგან. მიკენის ერთ-ერთ სამარხში აღმოაჩინეს სქელი ქსოვილის ნაგლეჯი, ხოლო კნოსოსის ერთ-ერთ დოკუმენტში საუბარია სელის შესანიშნავ ქსოვილზე, ალბათ, ჯავშნის პერანგისათვის (*Khiton*). მაგრამ ჩანაწერის ბოლოს ვკითხულობთ — „ერთი კილოგრამი ბრინჯაო“. ბრინჯაო იყო ან გაცელის ერთეული, ან, უფრო დასაშვებია, პერანგი იყო დამზადებული ქსოვილისაგან და ბრინჯაოთი გამაგრებული. მეტალის ერთი კილოგრამი დახარჯულია პერანგის ასაკანხმად. თუმცა, შეიძლება, ბრინჯაოს ჯავშანს ატარებდნენ პერანგის ზემოდან, უპირატესად, მხრებისა და მკლავის ზედა ნაწილის დასაფარავად. გვაქვს ფირფიტების საინტერესო, მაგრამ, უმთავრესად, არასრულყოფილი სერიები კნოსოსიდან, რომლებიც წარმოდგენას გვიქმნიან ჯავშნის ელემენტების დეტალებზეც, თუმცა, წარწერები არაფერს გვეუბნება გამოყენებული მასალის შესახებ. დამოწმებულია ჩაჩქნის ოთხი მეტალის ნაწილი: სახის დასაცავი ორი ნაწილი, ორი სამხრე და გაურკვეველი რაოდენობის სხვა „დამატებითი ნაწილები“. ჩამოთვლილი ნივთების თანმიმდევრობა საშუალებას გვაძლევს ვივარაუდოთ, რომ გადაუთარგმნელი სიტყვა *de-ro* უნდა ნიშნავდეს „სამკლავურს“, თუმცა სხვა მეცნიერები მას სხვაგვარად განმარტავენ.

ჩემი აზრით, „დამატებითი ნაწილაკების“ სხვა წყება, უპირატესად, სხეულის დასაცავად გამოიზნულ ნაწილებს უნდა შეესაბამებოდეს. ჩვეულებრივი ბერძნული სიტყვის — „ჯავშანის“ — შესაბამისი სიტყვა კნოსოსში ვერ აღმოაჩინეს, მაგრამ თითქმის ეკვივარეშეა, რომ ჯავშანი იდეოგრამით არის გამოხატული. პილოსში გვხვდება „ჯავშანის“ (thōrāx) კლასიკური ეკვივალენტი იდეოგრამასთან ერთად. თითქმის ამავე ფორმის ჯავშანი დამოწმებულია შედარებით გვიანდელი პერიოდის ეგვიპტურ ნახატზე. პილოსის საბუთების მიხედვით, ყველა ჯავშანს აქვს ოცი დიდი და ათი პატარა დამატებითი ნაწილი. კნოსოსში კი ოთხი დამატებითი ნაწილი მაგრდებოდა მუზარაღზე სახის დამკველ ორ ნაწილთან ერთად. თვით მუზარაღის ჩაჩქნის წარმოდგენა ძნელი არ არის: ყვავილის ოთხი ფურცლის ფორმის ფირფიტა ადვილად აძლევს მას კონუსის ფორმას, ლოყის დასაცავები კი მიმაგრებული უნდა ყოფილიყო მის კიდეებზე. ჯავშნის წარმოდგენა კი უფრო რთულია, რადგანაც ოცდაათი შემადგენელი ნაწილი საკმაოდ მცირე ციფრია ასეთი ტიპის ჯავშნისათვის. უფრო მეტიც, თერთმეტიდან ოთხ შემთხვევაში შემადგენელ ნაწილთა რაოდენობა ოდნავ მეტია: ოცდაორი დიდი და თორმეტი პატარა ფირფიტა.

ნიმუშების უქონლობამ არ უნდა შეგვიშალოს ხელი აღჭურვილობის აღდგენის საქმეში. შესაძლოა, დამატებითი ნაწილები ან ფირფიტები ჩაყვრებული იყო ქსოვილის ფენებში, ასე რომ, ჯავშნის სტრუქტურა ჩანახატების მიხედვით ვერ გამოჩნდებოდა. ძალიან ხშირად არქეოლოგიური ნეგატივები ამ სფეროში არასწორად იყო ახსნილი; ადრე არავის წარმოედგინა, რომ არსებობდა ჯავშანი, დენდრასთან აღმოჩენილი ბრინჯაოს ჯავშნის მსგავსი. ერთ შემთხვევაში, იქ, სადაც ჩამოთვლილია ხუთი „ძველი“ ჯავშანი, გვაქვს შემოკლება „წყვილებისათვის“, რიცხვითი სახელის წინ. შეიძლება ორი მსგავსი ჯავშანი კეთდებოდა — ერთი მეომრისა და მეორე მისი მეეტლისათვის. მაგრამ შეიძლება წყვილი ყოფილიყო ჯავშანის ორი ნახევარი, რომ გაადვილებოდა მეომარს მისი ასხმა, ალბათ, მნიშვნელოვანია აღინიშნოს ისიც, რომ ფირფიტათა რაოდენობა ყოველთვის წყვილია: 30 ან 34 დაიყოფა 15 და 17 ნაწილად. თუკი ფირფიტები არათანაბრად იყო განლაგებული და მათი ზომა და ფორმა დიდად განსხვავდებოდა ერთმანეთისაგან, მაშინ თითქმის ნებისმიერი ვარიანტი იქნებოდა მისაღები. მაგრამ თუკი ფირფიტები, ძირითადად, ერთი ზომისა და ერთი ფორმისა იყო, მაშინ პრობლემა უფრო ადვილი გადასაჭრელი იქნებოდა. ლ. რ. პალმერის ვარაუდით, 11 და 6 შეიძლება ყოფილიყო სამხრეების ნაწილები. მაგრამ იდეოგრამაში ყოველთვის ნათლად ჩანს სახელოებიც. უფრო სწორი იქნებოდა ასეთი თანათარღობა: 5+6+6. პალმერის აზრით, 15 ფირფიტა

განლაგებული იყო სამ-სამად, ხუთ პორიზონტალურ ჯგუფად: მოზრდილი — გვერდებზე, ერთიც, მომცრო — შუაში. კნოსოსის იდეოგრამის მიხედვით, ჯავშნის 5 პორიზონტალურ ჯგუფად დაყოფის ფაქტს ეწინააღმდეგება სხვა ფაქტი, სახელდობრ, პილოსის იდეოგრამის მიხედვით, ჯავშანი ხშირად დაყოფილია სამ პორიზონტალურ ჯგუფად. თუმცა ნახატი ზოგჯერ ისეთი დაუდევრობით არის შესრულებული, რომ ყოველგვარი დასკვნები საეჭვო ხდება. თუ წარმოვიდგინოთ სამ პორიზონტალურ მწკრივს, შეგვიძლია ვივარაუდოთ, რომ 5 დიდი, ვერტიკალურად წაგრძელებული ფირფიტა იყო გულმკერდის დამცველი, შემდეგ მოჰყვებოდა 5 ან 6 მომცრო ზომის ფირფიტა წელთან, მეტი მოქნილობისათვის. ფირფიტების რაოდენობა იზრდებოდა ჩასაცმელის ქვედა ნაწილში. ისინი, ალბათ, ნაწილობრივ ფარავდნენ ერთმანეთს; მაგრამ ამგვარ ჯავშანს აქვს ორი ნაკლი: ფირფიტები მხრებს კარგად ვერ დაიცავს, თუ ისინი რკალისებრი არ იქნება; სახელოებიც არ არის გამაგრებული. მაგრამ, მიუხედავად ამისა, ზემომოყვანილზე უფრო დამაკმაყოფილებელი ახსნა ჯერ არავის მოუწახავს.

მიკენურ ხელოვნებაში ხშირად გვხვდება ფარების სურათები. ფარები, ალბათ, მზადდებოდა ხარის ტყავისაგან. ისინი ზოგჯერ მეტალით იყო გამაგრებული (ცნობილია ფარის ფრესკა კნოსოსის სასახლიდან), თუმცა ჩანაწერებში არავითარი მონაცემები არა გვაქვს ფარების შესახებ. ნახსენებია ხარის ტყავი, მაგრამ იგი სხვა მიზნებისათვის იყო გამოყენებული. მიკენურ წარწერებში არ გვხვდება იდეოგრამა, რომელიც ფარს შეესაბამება, ანდა „ფარის“ ეკვივალენტი რომ იყოს, კლასიკური ბერძნულისა და პომეროსის მიხედვით.

ეტლები

მიკენელი მეომარი, რაც არ უნდა კარგად ყოფილიყო შეიარაღებული, თუ ტრანსპორტირების საშუალება არ ექნებოდა, სრულყოფილად ვერ ჩაითვლებოდა. ტრანსპორტი აუცილებელი იყო მძიმედ შეიარაღებული მეომრისათვის, თუმცა უნდა დავუშვათ, რომ სამხედრო ნაწილების უმრავლესობა გადაადგილდებოდა ფეხით. ბრძოლაში ეტლების მასიურად გამოყენება, რაც ჩვეულებრივი მოვლენა იყო ხეთებისათვის, მიკენელთა თანამედროვე და მეზობელი ხალხებისათვის, საბერძნეთის უმეტეს ნაწილში გამოუსადეგარი იყო. ეტლებს გაშლილი დაბლობი სჭირდებოდა, რომელსაც არც ხეები ეღობებოდა, არც წყალი. შესაფერის ადგილას ასეთი ტაქტიკის გამოყენება შესაძლებელი იყო, მაგრამ ისეთ მხარეებში, როგორიც

მესენიაა, ან კრეტა, ეტლები მხოლოდ ტვირთის გადასაზიდად ან პრესტიჟის სიმბოლოდ თუ გამოდგებოდა. მიკენური ეტლი კნოსოსის ბევრ ფირფიტაზეა ასახული, მას ხშირად ვხვდებით ხელოვნებაშიც. მაგალითად, პილოსის ფრესკაზე გამოსახულია ეტლზე ამხედრებული ორი მეომარი. ბევრია ანალოგიური სცენა ვაზების ან ლარნაკების მხატვრობაშიც. თვით ეტლი მსუბუქია, აქვს მყარი ღერძი, რომელზედაც მიმაგრებულია ორი თვალი. ჩვეულებრივ, ეტლში ორი ცხენია შებმული. გათხრების დროს ნაპოვნი ცხენების ჩონჩხების მიხედვით აღმოჩნდა, რომ ცხენები საბერძნეთში ძალიან პატარა ჯიშისა უნდა ყოფილიყო. ეგეოსურ კუნძულზე მსგავსი ჯიშის დღემდეა შემორჩენილი. და მართლაც, ცხენების ამ უძლური ჯიშის გამო არ არსებობდა მიკენურ საბერძნეთში კავალერია. ორი ცხენი კი მიკენურ მსუბუქ ეტლს ადვილად და სწრაფად წაიყვანდა შესაფერის გზებზე. ყოველივე აქედან შეიძლება გამოვიტანოთ დასკვნა, რომ ეტლების გადასაადგილებლად უნდა არსებებოდა საეტლო გზები.

ეტლების ზოგიერთ დეტალებზე წარმოდგენას გვიქმნის კნოსოსის ინვენტარი. პილოსში ეტლების შესახებ ჩანაწერები არ გვხვდება, მაგრამ თვით ეტლების არსებობას ადასტურებს ეტლის თვლების ინვენტარიზაცია. ეტლის კარკასები ცალკე, თვლების გარეშე აღნუსხული; ზოგიერთი მათგანი აღჭურვილია სრულად — ულლი ლაგამითა და სხვა საჭირო მოწყობილობებით, ზოგიერთები კი — არ.

ერთ-ერთი ვრცელი ფირფიტის რეკონსტრუქციის შედეგად აღვადგინეთ მიახლოებითი რაოდენობა: 246 ეტლის ჩარჩო და 208 წყვილი ეტლის თვალი. დასაშვებია, რომ კნოსოსს შეეძლო ველზე გამოეყვანა, დაახლოებით, 200 ეტლი. პილოსში ეტლების აღმნუსხველი ფირფიტები არ აღმოჩენილა, შეიძლება ეს ჩანაწერები ინახებოდა სადმე სხვა შენობაში, რომელიც ჯერ არ არის გათხრილი. ყოველთვის უნდა გვახსოვდეს, რომ გათხრები მხოლოდ სასახლის კომპლექსის ცენტრალურ ნაწილში მიმდინარეობს და, რა თქმა უნდა აქვე ახლოს უნდა იყოს სხვა, ნაკლებ მნიშვნელოვანი ნაგებობები ჩარჩენები, რომლებსაც მიკენური სასახლეების ანალოგიით, ექნებოდათ ფირფიტების მეორეხარისხოვანი საცავეებიც. სამწუხაროდ გათხრების გაფართოებასთან დაკავშირებით, ხარკები ძალზე დიდ იყო და ამასთან, შედეგიც არ იყო გარანტირებული.

როგორც აღვნიშნეთ, წარწერებში დამოწმებულია თვლებ დარწმუნებული არა ვართ, რომ ეს უთუოდ ეტლის თვლებია, მაგრამ ყველა ჩანაწერი ადასტურებს ერთი წყვილი თვალის არსებობას. ოთხ თვლიანი ტრანსპორტი კი ძნელი წარმოსადგენია იყოს სხვა რა თუ არა ეტლი. სხვადასხვა სარწმუნო წყაროებიდან შეგვიძლია; მოვიტანოთ დასკვნა, რომ პილოსს მაინც ჰყავდა სამხედრო ძალა

ეტლები, თუმცა, კნოსოსთან შედარებით, პატარა მასშტაბით. შესაძლოა ამის მიზეზია თვით სამეფოს პატარა ტერიტორია, მაგრამ ხელთ არა გვაქვს ჩანაწერები და ამიტომ ვერაფერს ვიტყვით ამგვარი სამხედრო ძალის შესახებ პილოსში.

იარალი

ევანსმა ჩვენი ყურადღება გაამახვილა იმ ფირფიტებზე, სადაც დამოწმებულია მოკლე მახვილები. ესკიზური ჩანახატებით ძნელია გავარკვიოთ ხანჯლებია ეს თუ მახვილები. პრობლემას არ წყვეტს მახვილი საგნის შესაბამისი სიტყვა — Pa-Ka-na. ეს, აშკარად, ჰომეროსისეული სიტყვაა — Phasgana და არის სამი სიტყვიდან ერთ-ერთი, რომელთაც ჰომეროსთან აქვს „მახვილის“ მნიშვნელობა. მაგრამ სხვა სიტყვებთან ანალოგია ცხადყოფს, რომ ჰომეროსთან მოხდა მიკენური ბერძნულისაგან განსხვავებულ ტერმინთა აღრევა. ასე რომ, რჩება მისაღები თარგმანი — „ხანჯლები“.

საკვირველი არ იქნება, თუ ფირფიტათა ამ ჯგუფში დაეინახავთ მეფის მცველთა არსენალში დაცულ ინვენტარს. ეს ფირფიტები აღმოაჩინეს ცენტრალური სასახლის აღმოსავლეთით, ერთ-ერთ დერეფანში, სამეფო აპარტამენტების ახლოს. თუ შეიძლება საბუთად (თუნდაც ქრონოლოგიურ საბუთად) გამოვიყენოთ „ოდისეა“, ეს წყარო დაგვიდასტურებს, რომ იარალი, ჩვეულებრივ, სამეფო რეზიდენციაში ინახებოდა. ერთ-ერთი დიდი სიძნელე, რომელსაც ოდისეისი სასიძოვებზე თავდასხმის დროს წააწყდა, იყო იარალის გამოტანა დაბაზიდან შეუმჩნეველად, ბრძოლის დაწყებისთანავე მათთვის იარალის ასხმის საშუალება რომ მოესპო. მიკენურ ჩანაწერში დამოწმებულია 50 ხმალი და ხანჯალი. ზოგიერთს ისეთი ეპითეტი ახლავს, რომ მათი გადმოცემაც კი რთულია.

პილოსში „ხმალის“ თუ „მახვილის“ შესაბამისი სიტყვა აღარ გვხვდება, მაგრამ უცნაური ფირფიტა, რომელიც ჰურკლისა და ავეჯის ინვენტარიზაციას ეხება, აღნუსხავს ორ ხმალს. აქ ვხვდებით კლასიკურ Xiphos-ის შესაბამისი სიტყვას, თუმცა ის უცნაურადაა აღნიშნული. აქ გვხვდება, აგრეთვე, თუკი ნახატს შეიძლება ვენდოთ, „ორი ორპირა ცული“, მაგრამ მათი აღმნიშვნელი სიტყვა არ შეესაბამება კლასიკურ ფორმას. კნოსოსში აღმოჩენილ ფირფიტაზე აღნუსხულია ბრინჯაოს ვადასახადები. ეს ფირფიტა ადასტურებს, რომ ბრინჯაო საჭირო ყოფილა შუბისა და pa-ti-ja-ს (ისრების) წვერის დასამზადებლად. ევანსი ბეჭდებზე ისრების გამოხატვის ანალოგიით, pa-ti-ja-ს განმარტავს, როგორც „ისარს“. მაგრამ ისრის იდეოგრამა სხვა ჩანა-

წერებში განსხვავებულია, და როგორც ჩანს, pa-ti-ja უნდა იყოს არა ისარი, არამედ რალაც ხელშეშების მსგავსი იარაღი.

სამხედრო ორგანიზაცია

იმ ფაქტს, რომ ჩანაწერებში ხშირად არ არის დამოწმებული იარაღი, მიკენელების მშვიდობისმოყვარეობის დამადასტურებელ საბუთად ვერ მივიჩნევთ. უნდა გვახსოვდეს, რომ წარწერები მოიცავს ცხოვრების იმ სფეროს, რომლითაც სასახლე იყო დაინტერესებული. ალბათ, არ ჰქონდათ პილოსისა და კნოსოსის მეფეებს კარგად მომარაგებული არსენალი, საიდანაც მებრძოლები მობილიზაციის დროს გაიტანდნენ იარაღს. უფრო დასაშვებია, რომ თითოეული მამაკაცი-სათვის განკუთვნილი ყოფილა პირადი იარაღი და მას გამოიყენებდა სამხედრო სამსახურის მოთხოვნილებისამებრ, ისევე, როგორც ეს ხდებოდა კლასიკურ საბერძნეთში.

საკვირველია, რომ არა გვაქვს კნოსოსის მეომარი ჯგუფების ნუსხა. მეფეს ხომ დიდი სამხედრო ძალა უნდა ჰყოლოდა უზარმაზარ ტერიტორიაზე თავისი ძალაუფლების შესანარჩუნებლად. კნოსოსის მიდამოებში აღმოჩენილი „მეომართა სამარხები“ ადასტურებენ ამ ვარაუდს. პილოსში უკეთესი მდგომარეობაა. აქ დამოწმებულია „ნიჩბოსნებად“ მიჩნეული მამაკაცების დიდი ჯგუფი. აქედან შეიძლება გამოვიტანოთ დასკვნა საზღვაო ორგანიზაციის შესახებ. უნდა ვაღიაროთ, რომ „ნიჩბოსანი“ შესაბამისი სიტყვა კნოსოსში ვანსხვავებულ კონტექსტებში გვხვდება. მაგალითად, სიტყვა „ნიჩბოსანი“ შეტანილია, ძირითადად, ადგილობრივი მმართველობის სიაში. მაგრამ პილოსში გვაქვს ხუთი სხვადასხვა ადგილიდან წამოსული 30 მამაკაცის სია. ესენი, როგორც ნიჩბოსნები, მიემგზავრებიან პლევრონში, მაგრამ თუ სად იყო ეს პლევრონი, ჩვენ არ ვიცით. შესაძლოა, ამ სახელწოდების ქალაქი იყო კორინთოს ყურის ჩრდილოეთით. ხელთ გვაქვს უფრო ვრცელი სია, რომლის დასაწყისი ფრაზა დაზიანებულია, მაგრამ სიტყვა „ნიჩბოსანი“ მაინც ამოიკითხება. შემორჩენილ ნაწილში 569 კაცი შეიძლება ამოვიკითხოთ, მაგრამ ზოგ ჩანწერს ციფრი აკლია. ზოგიც თავისთავად არასრულია; შესაბამისად, ჩამოთვლილ პირთა საერთო რიცხვი შეიძლება ყოფილიყო 600-სა და 700-ს შორის. არსებობს აზრი, რომ ერთი ხომალდი დაკომპლექტებული იყო 30 ნიჩბოსნით ასე რომ, ზემოთ მოყვანილი რაოდენობა საკმარისი იქნებოდა 20 ხომალდისათვის. მაგრამ კუნძულ თერაზე ახლად აღმოჩენილი ფრესკა მიხედვით შეიძლება ვივარაუდოთ, რომ მინოსურ სამხედრო გემზე კაცი იყო.

არეულობის ზანაში, მე-13 საუკუნის ბოლოს, მიკენური სამყაროს მხოლოდ რამოდენიმე მონარქმა შეძლო აეგო მასიური ციხე-სიმაგრენი, რომელთა მიღმაც მოსახლეობას და შინაური ცხოველების ზოგიერთ სახეობასაც შეეძლო შეეფარებინა თავი. ამ შემთხვევაში წამოიჭრებოდა მათი გამოკვების პრობლემა. მაგრამ ცნობილია, რომ სიმაგრეების არავითარი კვალი არ არის აღმოჩენილი პილოსში. დიდი კედლების ერთადერთი კვალი დათარიღებულია უფრო ადრეული ზანით. კედელი მე-13 საუკუნისათვის უკვე დაშლილი იყო. ხმელეთიდან პილოსის სამეფოზე თავდასხმა ძნელი უნდა ყოფილიყო. სამეფოს აღმოსავლეთი საზღვარი მაღალმთიანი ზოლია. შედარებით დაბალი, მაგრამ ძნელად გადასალახი მთა ქმნის ჩრდილოეთ საზღვარს. ჩრდილო-აღმოსავლეთ კუთხეზე გადის გზა, რომელიც ციცაბო ასასვლელით უდგება არკადიის ცენტრალურ პლატოს. ამ დაბლობის მტრისაგან დაცვა არ იქნებოდა რთული, მტერს კი, აქ მისასვლელად, ჭერ მთელი ჩრდილოეთი პელოპონესი უნდა დაემორჩილებინა. ამ მიმართულებით მტრისაგან საფრთხე არ იყო მოსალოდნელი, სანამ მიკენი მყარად იდგა. სამეფო მხოლოდ დასავლეთ სანაპიროს გასწვრივ, ჩრდილოეთიდან იყო ადვილად მისადგომი. პილოსის მეფეს დიდად არ აშინებდა თავდასხმა ხმელეთიდან, მაგრამ ზღვა სხვა საკითხია.

სამეფოს ზღვის სანაპირო დაახლოებით 150 კმ-ზე ვრცელდებოდა. თუ მტერი ზღვიდან მოვიდოდა, მას უნდა ამოერჩია ხმელეთზე მისადგომი. მაგრამ კლდოვან სანაპიროზე ბევრი ადგილი გადასასვლელად შეუფერებელია. ასე რომ, ზღვიდანაც რეალური საფრთხე უმნიშვნელო იყო. კიპარისიის სამხრეთი დაბლობი ნაკლებ ხელსაყრელია ხმელეთზე გადასასვლელად. ნავარინოს ყურის ჩრდილოეთით ვოიდოკილია, ალბათ, მთავარი ნავსადგური იყო. თვით ყურე ხმელეთზე გადასასვლელად იდეალური ადგილია, მას 5 კმ-ზე გასდევს სილიანი სანაპირო, რომელიც დაცულია კუნძულ სფაქტერიით. ეს უნდა ყოფილიყო გზა სასახლისაკენ, დაახლოებით 6 კმ-იანი გზის ყველაზე სახიფათო მონაკვეთი. თანამედროვე პილოსის სამხრეთით კლდეებია და დაბანაკება ამ მიდამოებში არ იქნებოდა მიზანშეწონილი, ვიდრე არ მიაღწევდნენ მეთონის ნახევარკუნძულის სამხრეთ-დასავლეთ წვერს. ან აქ, ან ფინიკუსში, 12 კმ-ზე აღმოსავლეთისაკენ, შესაძლებელი იქნებოდა ხმელეთზე გადასვლა, მაგრამ ეს ადგილი დაშორებული იყო სასახლიდან და დასახლების მთავარი ცენტრებიდან. ნახევარკუნძულის უკიდურესი სამხრეთი, აკრიტას კონცხი, მეტად კლდოვანია. თვით მესენიის ყურეშიც ხმელეთზე ვერ გადახვიდოდი, გარდა ერთი მონაკვეთისა ჩრდილოეთით, სადაც ახლა ჭაობია. თუმცა ეს ადგილიც მოშორებული იყო სასახლიდან და, საერთოდ, ყურეში შესვლა ძალიან სახიფათო უნდა ყოფილიყო იმიტომ, რომ გადასასვლე-

ლის ძებნაში მტრის ფლოტილიას შეეძლო გზა გადაეკეტა. თავდაცვის თვალსაზრისით, უმთავრესი ამოცანა იყო, მთელი სანაპიროს გასწვრივ, მეთვალყურეობის ორგანიზაცია მტრის ფლოტილიის მოახლოებისა ან მტრის ხმელეთზე გადმოსვლის შესახებ ინფორმაციის მიღების მიზნით. ჩვენი ერთ-ერთი ყველაზე მნიშვნელოვანი დოკუმენტიც ამ ტიპისაა. იგი იწყება შემდეგი სიტყვებით: „მეთვალყურე-ნი ამგვარად დარაჯობენ სანაპირო რაიონებს“ — ეს ნათლად გამოხატავს მიზანს, მაგრამ საჭიროა განვიხილოთ დეტალებიც.

ეს ერთადერთი დოკუმენტი მოიცავს ხუთ ფირფიტას, მაგრამ მათი თანმიმდევრობა გაურკვეველია და რეკონსტრუქცია, უმთავრესად, რთულ არგუმენტაციას ემყარება. ნათლად გამოკვეთილია შემდეგი: მთელი სანაპირო დაყოფილია 10 ნაწილად და ყველგან პასუხისმგებელი პირის სახელია აღნიშნული. მას მოჰყვება სხვა სახელები, ალბათ, ქვეშეყრდომებისა და რამოდენიმე (ორი ან სამი) პასუხისმგებელი პირის სახელი. ეს უკანასკნელი ჩვენთვის ცნობილია სხვა დოკუმენტებიდანაც და, ჩანს, ისინი მმართველ კლასს მიეკუთვნებოდნენ. ამას მოჰყვება ადამიანთა ჯგუფები, რომლებიც სხვადასხვანაირად არიან დაზარალებულნი. მათი რაოდენობა ყოველთვის 10-ის ჯერადია და შეიძლება აღწევდეს 110-ს. ჩანაწერს რამდენიმე რიცხვითი მონაცემი შეიძლება აკლდეს, ან არასრული იყოს, მაგრამ მთელი რაოდენობა, რაც კი შემოგვრჩა, აღწევს 800-ს. ეს, მთლიანობაში, დიდი ძალაა, მაგრამ თუ გავფანტავთ მას 150-კილომეტრიანი სანაპიროს გასწვრივ, მაშინ 200 მეტრზე მოვა ერთი კაცი. ასეთი ძალა, რასაკვირველია, ეფექტურ წინააღმდეგობას ვერ გაუწევდა მოწინააღმდეგეს, მაგრამ ეს სრულიად საკმარისია მეთვალყურეობისათვის. სამეთვალყურეო სექტორები იწყება მდინარე ნედადან (ჩრდილოეთით). მოჰყვება დასავლეთ სანაპიროს აკრიტას კონცხამდე და შემდეგ ბრუნდება ჩრდილოეთით, მესენიის ყურესაკენ.

მეთვალყურე მამაკაცთა ზოგიერთი ჯგუფები მათი მშობლიური ქალაქების სახელითაა წარმოდგენილი, მაგრამ ვხვდებით სხვა განსხვავებულ ტერმინებსაც, რომელთაგანაც არც ერთი არ ამოიცნობ მომდევნო პერიოდის ბერძნულის ლექსიკის დახმარებით. ზოგიერთ ტერმინი ადგილმდებარეობის სახელწოდებიდან წარმოებულს ჰგავს მაგრამ ეს ადგილები დოკუმენტებში არსადაა დამოწმებული. შესაძლებელია, ეს არის სამეფოს მოსახლეობის ჯგუფების აღნიშვნა ტომების მიხედვით.

ამ დოკუმენტებში, მეთვალყურეთა გარდა, დასახელებულია „ე¹ და ეს მხლებელი“. სულ დასახელებულია 10 სექტორი და 11 მხლებელი. როგორც ჩანს, მხლებლები უნდა ყოფილიყვნენ გარკვეული სხის მეკავშირე პირები, მათ ვეალებოდათ სწრაფად დაემყარებინ

კავშირი სხვადასხვა ბანაკების მეთაურებთან. მსლებლებს, ალბათ, ჰყავდათ ეტლებიც. მსლებლები იღებდნენ ცნობებს საგუშაგო ერთეულებიდან და გზავნიდნენ მეეტლეებს შიკრიკებად პილოსის მეფესთან. თუმცა ეს ჰემშარიტებას წააგავს, მაინც აუხსნელი რჩება, რად უნდოდა, მაგალითად, ერთ სამეთვალყურეო პუნქტს სამი მეკავშირე მეთაური, მაშინ, როცა სხვაგან მეკავშირე ერთია სამ სექტორზე?

მე სხვაგვარად ვცადე განმეარტა საქმის ვითარება; მსლებელთა ყველაზე დიდი რაოდენობა (სულ 5) კონცენტრირებულია VII და VIII სექტორებში. ეს უნდა ყოფილიყო, ფაქტობრივად, სამეფოს დასავლეთი სანაპირო, საიდანაც ყველაზე მეტად იყო მოსალოდნელი მტრის თავდასხმის საფრთხე. ყველაზე ნაკლებია მსლებელთა რაოდენობა (2 კაცი) II სექტორში, უფრო ჩრდილოეთისაკენ. ჩვენთვის ცნობილია, რომ მსლებლები სამეფო კარის უფროსი მოხელეები იყვნენ.

ჯარის დიდი ნაწილი მოთავსებული იყო კიპარისის მიდამოებში. ერთი იცავდა ჩრდილოეთს (III სექტორი), ერთიც — II სექტორს. IV, V და VI სექტორები სუსტად იყო დაცული, როგორც თავდასხმისათვის არახელსაყრელი რაიონები. ყველაზე სახიფათო უნდა ყოფილიყო ნავარინოს ჩრდილოეთი ან თვით ყურე. ამგვარად, VII სექტორში ჯარის ორი ნაწილი იდგა, VIII სექტორში — სამი. ძალების ნახევარზე მეტი ამ ნაწილებში იყო თავმოყრილი. ეს, საერთოდ, სწორი განლაგებაა თავდასხმის საფრთხის თავიდან ასაცილებლად. ჯარების ერთი ნაწილი ნახევარკუნძულის სამხრეთით იყო განლაგებული, მაგრამ არცთუ ისე შორს, რომ ვერ შეძლებოდა სწრაფად შეერთებოდა მთავარ ძალებს. ყველაფერი, ალბათ, დამოკიდებული უნდა ყოფილიყო არმიის დაჯგუფებაზე 5 ძირითად ერთეულად, რადგან, თუ ისინი დამარცხდებოდნენ, სასახლეს ვეღარავინ დაიცავდა.

თუ რა მოხდა სინამდვილეში, საიდუმლოდ რჩება. ჩვენ მხოლოდ ის ვიცით, რომ სასახლე გაიძარცვა და დაიწვა. არ არის ადამიანთა ნაშთებიც. ეს კი ნიშნავს, რომ თავდამსხმელთათვის წინააღმდეგობა არავის გაუწევია. როგორც ჩანს, მაშინვე, როგორც კი მიიღეს ცნობა არმიის დამარცხების შესახებ, ან შეიძლება მანამდეც, სასახლის მშვიდობიანმა მოსახლეობამ მთებს შეაფარა თავი. შესაძლოა, ლტოლვილებმა თან წაიღეს მცირეოდენი განძი. ტყვედ ჩავარდნილს, ქალს თუ ბავშვს, რა თქმა უნდა, მონად წაიყვანდა თავდამსხმელი; მამაკაცებს ამოხოცავენ. დარჩენილი მოსახლეობის მიმართ, ალბათ, მკაცრ ზომებს მიიღებდნენ. არქეოლოგიური მონაცემები ცხადყოფს, რომ მოსახლეობა წინანდელი რაოდენობის მეთაურად იქნა დაყვანილი. არქეოლოგიური მონაცემები ცხადყოფს, აგრეთვე, ლტოლვილთა კვალს, მაგალითად, პელოპონესის ჩრდილო-დასავლეთით ან იონიის

კუნძულებზეც კი. მაგრამ ვინ იყვნენ თავდამსხმელები? ცხადია, ისინი ზღვიდან მოვიდნენ. თუკი ამ თავდასხმას რეაქციად მოჰყვა სამეფოს მოსახლეობის უკან დახევა ჩრდილოეთისაკენ, თავდამსხმელნი სამხრეთიდან უნდა მოსულიყვნენ და, დასაშვებია, აქედან დაიწყო კიდეც იერიში. ამის მეტი პოზიტიური საბუთები აღარა გვაქვს. შეუძლებელია არ გავიხსენოთ თავდასხმები ეგვიპტეზე, დაახლოებით იმავე პერიოდში, მათ ეგვიპტელები „ზღვის ხალხის“ თავდასხმებს უწოდებდნენ. უეჭველია, „ზღვის ხალხი“ ეგვიპტური მიდამოებიდან მოვიდა. ეგვიპტელები მათ სახელებსაც კი ჩამოთვლიან, მაგრამ, ჩვეულებისამებრ, მათი ამოცნობა ძნელია. მაშინაც კი, თუ ვიფიქრებთ, რომ ეცნობთ ფილისტიმელებსა და ლიკიელებს, გადაქრით ვერ ვიტყვით, იყვნენ თუ არა ისინი თავთავიანთ ადგილებზე ამ ისტორიულ პერიოდში. ფილისტიმელები, როგორც ჩანს, დასახლდნენ პალესტინაში მხოლოდ მას შემდეგ, რაც ისინი ეგვიპტიდან გამოაძევეს. ლოგიკურია ვიფიქროთ, რომ მათ ადრეც ჰქონდათ კავშირი ეგვიპტურ სამყაროსთან. მსგავსი საბუთის მიხედვით, შეიძლება ვივარაუდოთ, რომ ეს ხალხი ანატოლიიდან იღებს სათავეს.

„ზღვის ხალხთა“ შორის იყო ტომი, რომელსაც ეგვიპტელები, ზოგადად, „აქაველებს“ უწოდებდნენ. ფონეტიკური მსგავსება ზუსტი არ არის. ყოველ შემთხვევაში, ექვი გვეპარება, უწოდებდნენ თუ არა მიყენელები თავის თავს ამ სახელს. ეგვიპტეზე მათი ორი თავდასხმის თარიღები — 1225 და 1183 ძვ. წ. — იმდენად უახლოვდება პილოსის კატასტროფის თარიღს, რომ ძნელია გაუძლო ცდუნებას და ისინი ამ ამბებს არ დაუკავშირო. „ზღვის ხალხის“ თავდასხმა ეგვიპტეზე უბრალო თავდასხმა კი არ იყო, არამედ ეს იყო სერიოზული ცდა შეჭრილიყვნენ ეგვიპტეში კოლონიზაციის მიზნით, რადგან თავდამსხმელთ თან ახლდათ ხომალდებიც და ქალებითა და ბავშვებით დატვირთული ურმებიც. ამ ხალხებს ხომ იმდენად ძლიერი ფლოტილია ჰყავდათ, რომ ერთი განაყოფიც კი საკმარისი იქნებოდა პატარა სამეფოზე თავდასხმისათვის.

ეს მოთარეშენი, როგორც ჩანს, იყვნენ მეკობრეთა დაჭრუფებები, რომლებიც დროდრო თავდასხმებს აწარმოებდნენ დიდ ობიექტებზეც, მაგრამ, უპირატესად, ამჟობინებდნენ უფრო სუსტ მოწინააღმდეგესთან დაექირათ საქმე. თუ მათი ბაზები ეგვიპტის აღმოსავლეთში იყო, მაშინ სავაჭრო გზები კიპროსამდე და ლევანტამდე არ იქნებოდა უსაფრთხო. მაგრამ ეს ყოველივე მაინც ვარაუდია და ჩვენ შეიძლება ვერასოდეს დავადგინოთ სიმართლე.

წელიწადის დრო, როდესაც თავდასხმა მოხდა, უნდა ყოფილიყო გაზაფხული. ჩვენ ხელთა გვაქვს დოკუმენტი, რომელიც, როგორც ჩანს,

თვის სახელის აღმნიშვნელი სიტყვით — „ნაოსნობის დროით“ — იწყება. ესეც მიესადაგება თეორიას ზღვიდან თავდასხმის შესახებ.

კნოსოსის კატასტროფა საბუთებში ნაკლებადაა ასახული. მაგრამ ვიმედოვნებთ, აღმოჩნდება ჩანაწერები, რომლებიც დაგვიმოწმებს საბრძოლო სამზადისს. მსგავს თეორიასაც თავისი სიძნელეები ახლავს. დასაშვები ვარაუდებიდან ყველაზე სანდო ჩანს შემდეგი: კნოსოსის მეფე არ უნდა ყოფილიყო ინფორმირებული მოსალოდნელი დარტყმის შესახებ. ეს დარტყმა კი, ჩანს, იყო სახელმწიფო გადატრიალება სასახლის შიგნით და არა სამხედრო ოპერაცია. მაგრამ ამ შემთხვევაში წამოიჭრება კითხვა: რატომ წაუქიდეს სასახლეს ცეცხლი ამ პირობებში? კნოსოსის სასახლის კატასტროფასთან დაკავშირებით ჯერ კიდევ გადაუჭრელი რჩება მრავალი პრობლემა და, დასკვნების გამოტანა მაშინ, როცა საბუთები ამდენად მცირეა, ყოველგვარ აზრს მოკლებული უნდა იყოს.

ჰომეროსი, ფსევდო-ისტორიკოსი

დაახლოებით 700 წლის წინათ ძველი წელთაღრიცხვით, პოეტმა, რომლის სახელიც — ჰომეროსი (Homēros — მძევალი) — მოგვიანებით ცნობილი გახდა, შეთხზა ორი დიდი ეპიკური პოემა. „ილიადაში“ ილიონის, ანუ, იგივე ტროას ომის მიხედვით, იგი აღწერს ხანმოკლე, მაგრამ მნიშვნელოვან პერიოდს, ქალაქის ალყის მე-10 წელს. „ოდისეა“ — ეს არის, ტროას ომის შემდეგ, ოდისეუსის შინ დაბრუნების ამბავი. ამგვარად, ორივე პოემა მიეკუთვნება ერთსა და იმავე პერიოდს და ეს პერიოდი მეტისმეტად შორსაა მისი შექმნის თარიღიდან. მაგრამ შანინც ხსენებული პოემები ტროას ომის ისტორიის ერთადერთი წყაროა.

როდის მოხდა ტროას ომი? ან საერთოდ, მოხდა თუ არა? ძვ. წ. VII საუკუნეში საბერძნეთი შედგებოდა არაორგანიზებული პატარა-პატარა სახელმწიფოებისაგან, ცივილიზაციის დონეც შედარებით დაბალი იყო. სახლებს აგებდნენ ხისაგან და ალიზისაგან. ძვირფასი მასალა ძალზე იშვიათი იყო, მხატვრობა და სკულპტურა — პრიმიტიული. მაგრამ ჰომეროსთან აღწერილი საბერძნეთი შედგება შესანიშნავად ორგანიზებული სამეფოებისაგან, ხასიათდება გაერთიანებული სამხედრო მოქმედებებით. ჰომეროსის მეფეები ცხოვრობდნენ მდიდრულ, ქვით ნაგებ სასახლეებში, რომლებიც დამშვენებულია ოქროთი, სპილოს ძვლითა და სხვა ძვირფასი მასალით. აქილეუსის ფარზე გამოსახული სცენები (აქილეუსს ფარი დაუმზადა ღმერთმა ჰეფესტოსმა — მთ. შენ.) მხატვრობის მაღალ დონეზე მეტყველებს. იმისათვის, რათა გამოენახოთ შესაბამისი ვითარება ჰომეროსის საბერძნეთისათვის, უნდა დაუბრუნდეთ მიკენის ხანას, XII ან, უფრო სწორად, XIII საუკუნესთან ახლო პერიოდს.

შესაძლებელია თუ არა VIII საუკუნის პოეტმა ზუსტად აღწეროს მოვლენები, რომლებიც მოხდა 500 წლის წინათ? — დადებითი პასუხი მოსალოდნელია. ჩვენ გვაქვს შუასაუკუნეებში შექმნილი „სიმღერა როლანდზე“. ეს პოემა, რომელიც აშკარად შექმნილია XII საუკუნე-

ში, აღწერს 778 წლის მოვლენებს, მაგრამ ეს შედარება თან გვაძინებებს, თანაც იმედს გვიტრუებს. ანალოგია ცხადყოფს, რომ ზეპირსიტყვიერებას საუკუნეების განმავლობაში კარგად შეუძლია შემოინახოს ისტორიული ფაქტები, მაგრამ მსგავსი ნიმუშები ცხადყოფენ იმასაც, რომ, ჩვეულებრივ, ხშირად მახინჯდება სიმართლე და მკვლევარისთვის გასათვალისწინებელი ხდება სერიოზული შეცდომები. ამიტომ არ შეგვიძლია ჰომეროსის მიერ პოემაში აღწერილი ამბები მივიჩნიოთ უტყუარ ისტორიულ ფაქტებად. მაგრამ მაინც უნდა დავაფასოთ ჰომეროსი, როგორც წყარო, საჭიროების შემთხვევაში, ამა თუ იმ არგუმენტის დასამოწმებლად. აქედან გამომდინარე, ჩვენც დროდადრო მივმართავთ მას.

ამ თვალსაზრისით, მნიშვნელოვანია ამერიკელი მეცნიერის მილმან პარის (1902—35 წწ.) ნაშრომი, რომელშიც მან განიხილა ზეპირპოეზიის მოქმედების მექანიზმი. ზოგი ვედური ჰიმნი*, ვიდრე მათ ჩაიწერდნენ, ასევე ზეპირად გადაიცემოდა ინდოეთში საუკუნეების მანძილზე. ჰომეროსის ეპიკური პოემებიც ჩაწერამდე, ალბათ, ასევე იყო შემონახული, მაგრამ ძნელია დავადგინოთ დრო, როცა დამწერლობა იქცა ტრადიციად. ჩვენს ხელთ არსებული ტექსტი ხომ დამყარებულია იმ გამოცემაზე, რომელშიც მოდერნიზებულია მართლწერა, ამასთანავე, ეს ტექსტი გამოქვეყნებულია III საუკუნეში ძვ. წ. თუკი ჰომეროსი ნამდვილად მოღვაწეობდა VIII საუკუნეში. ეს სწორედ ის პერიოდია, როცა ანბანური დამწერლობა ვრცელდებოდა საბერძნეთის მიწებზე, მაგრამ წერა-კითხვის უცოდინარ, ან ნაწილობრივ მცოდნე, საზოგადოებაში ზეპირსიტყვიერების პროცესი თავისებურ კვალს ტოვებს პოემაზე. შემოქმედი მომღერალი არ არის გრამატიკოსი, ყოველი გამეორებისას იგი ხელახლა ქმნის პოემებს. მას ეს შეუძლია, რადგან გონებაში დაგროვილი აქვს მთელი სტროფები. ან სტრიქონი, ან მათი ნახევრები და უფრო მცირე ერთეულებიც. მას მზად აქვს ფორმულები სიტყვების შესაქმნელად.

პოემაში ყოველ გმირს აქვს თავისი ეპითეტები: აქილეესი არის „ფესმარდი“. ოდისეესი „გამჭრიახი“, აგამემნონი „კაცთა მეუფე“. რადგან ბერძნული არის ფლექსიური ენა, ამ სახელებს აქვს სხვადასხვა მოდელები სხვადასხვა ბრუნვაში გამეორების დროს და ეპითეტიც შესაბამისად უნდა შეიცვალოს. „ფესმარდი აქილეესი“ მეუცვლელად ვერ გამეორდება ნათესაობით ბრუნვაში, ამიტომ შეიძლება შეიცვალოს ეპითეტი — „აქილეესი პელეესის ვაჟი“. ყველა საგანს თავი-

* ვედები — ძველი ინდური ლიტერატურის უძველესი ძეგლები (ძვ. წ. VI ს.-ზე ადრეული პერიოდი). 4 საღმრთო წიგნი, რომელიც შეიცავს რელიგიურ ჰიმნებს, სიმღერებს, მითებს...

სი ებ-თეეტები აქვს: გეში — „სწრაფია“ ან „ორივე მხარეს მომრგვა-
 ტუბული“. ხელი — „მსუქანია“. თუნდაც იგი დედოფლის ხელი იყოს.
 ან უწვეულო სისტემას ორი უპირატესობა აქვს: ის უადვილებს
 მკურნალს თავის ამოცანას, რადგან ფორმულები დროს აძლევს მას
 და ალკონს გონებაში შემდგომი სტრუქტონი. მსმენელს კი აქვს სასი-
 მუნო შეგრძნება, რომ ცნობს პოემის ნაწილს, რომელიც არასოდეს
 მოესმენია. მთლიანად, ორიგინალური პოემის სრული შეფასება პირ-



სურ. 12. „აგამენონის ნილაბი“ (მიკენის მეფე).

ველი მოსმენისთანავე ძალიან იშვიათია. ასეთი პოეზიის ნაკლი კი
 ის არის, რომ იგი მალე ხდება უინტერესო და მოსაწყენი. პომეროსი
 არა მარტო გონიერი მთხრობელი, არამედ მსოფლიოს უდიდესი პო-
 ეტიც იყო. მან ზეპირსიტყვიერების ტრადიცია უმაღლეს პოეზიად
 აქცია. ეს იმას არ ნიშნავს, რომ არ არის მის პოემაში მოსაწყენი ად-

გილები. მაგრამ სიუჟეტი, დახასიათებები და აღწერები იმდენად მშვენიერია, რომ ზეპირი შემოქმედების საშუალებანი განსაკუთრებულ ღირსებად იქცევა.

ცხადია, ჰომეროსმა მემკვიდრეობით მიიღო ტექნიკურ საშუალებათა დიდი ნაწილი თავისი უცნობი წინაპრებისაგან. შეიძლება მან მემკვიდრეობით მიიღო თვით თქმულების დიდი ნაწილიც. ამ თქმულებით, რომელსაც ერთი მომღერალი გადასცემდა მეორეს, აიხსნება ჰომეროსის კავშირი მიკენურ ეპოქასთან. არავითარი ჩანაწერები არ გადარჩენილა მიკენური სასახლეებიდან, და თუ გადარჩა, ალარავის შეეძლო მათი წაკითხვა. მიკენური სასახლეების დამწერლობის B-ხაზოვანის საიდუმლოება დაიკარგა.

დამწერლობა მხოლოდ ბუნდოვნად შემორჩა იმდროინდელ ხალხთა მეხსიერებას, მაგრამ მიკენურ სამყაროზე რაღაც აზრმა შეიძლება მიაღწია ჰომეროსამდე და ლექსთა თხზვის ტრადიცია, შესაძლებელია, თვით მიკენის სასახლეებიდან მოდიოდა. ე. წ. „სანახაობათა მოედნები“ კრეტის სასახლეებში ლექსების სამღერლად უფრო გამოდგებოდა, ვიდრე ხარების ბრძოლებისათვის. პილოსში აღმოჩენილია ფრესკა, რომელიც გვიჩვენებს კლდეზე ჩამომჯდარ ღირაზე დამკვრელს. იყო თუ არა იგი ჰომეროსის შორეული წინამორბედი?

ბევრი რამ ცხადყოფს იმას, რომ ჰომეროსის პოემებში ასახულია არა მიკენური ეპოქის დასასრული, არამედ მისი ადრეული ფაზა. ერთ-ერთ გმირს „ილიადაში“ აქვს უზარმაზარი ფარი, რომელიც დახასიათებულია, როგორც „კოშკის მსგავსი“. ჰომეროსს ზუსტად აქვს აღწერილი ტახის ეშვიდან აჭრილი ძვლის ფილებით დაფარული ჩაჩქანი. ეს ტიპი ცნობილი იყო მიკენური ხანის დასაწყისში, მაგრამ. როგორც ჩანს, გამოვიდა ხმარებიდან XIII საუკუნეში. ერთ-ერთი საოცარი ეპითეტით შეამკეს გმირი: „ალკინოოსის ღეთაებრივი ძლევა მოსილება“. სულ არ იყო აუცილებელი გმირს განსაკუთრებული ღეთისმოხაობა გამოეჩინა, რომ ასეთი სახელწოდება დაემსახურებინა. საინტერესოა აღვნიშნოთ, რომ იგივე ფრაზა (ოღონდ საკუთარი სახელის გარეშე) გვხვდება ვედურ ჰიმნებშიც. შესაძლოა, ორივე ენამ შეინარჩუნა ძველთაძველი გამოთქმა. ამავე დროს, არ უნდა ვიგულისხმოთ, რომ ჰომეროსის ენა არის უბრალო, მიკენური ხანიდან მემკვიდრეობით მიღებული. ის ნაწყვეტი, რომელიც ტახის ეშვებით დაფარულ ჩაჩქანს აღწერს. მოგვიანებით წარმოშობილი ენის ელემენტებს შეიცავს.

ტრადიცია ძალიან ცოტას მოგვითხრობს თვით ჰომეროსის შესახებ. ის ამბობს, რომ ჰომეროსი იყო ბრმა. ამ მოსაზრებას, შესაძლოა, სტიმული მისცა „ოდისეაში“ ბრმა მომღერალმა დემოდოკოსმა. მაგრამ რაკი ბრმებს ხშირად არაჩვეულებრივად კარგი მეხსიერება აქვთ, და სწორედ მეხსიერების ამგვარი ნიჭით ჰომეროსი ნამდვილად იყო და-

ჭილდოვებული, შესაძლოა, არის რალაც ჭეშმარიტება ზემოხსენებულში. ჩვენ არ ვიცით ჰომეროსის მამის სახელი. არადა, სწორედ ეს არის რესპექტაბელურობის ძირითადი ნიშანი, რომელიც ნებისმიერ ბერძენ მოქალაქეს უნდა ჰქონოდა. ამან და, აგრეთვე, მომღერლის უჩვეულო სახელმა სტიმული მისცა ვარაუდს, რომ ჰომეროსი არცკი იყო ბერძნულენოვანი პოეტი, არამედ მან თავისი მშობლიური ენიდან თარგმნის წყალობით გაავრცელა პოეზია ბერძენებში.

პირველი რომაელი პოეტიც ხომ ის ბერძენი იყო, რომელმაც თარგმნა ჰომეროსი ლათინურ ენაზე. ასეთი თეორია შეუთავსებელია ბერძნული ზეპირსიტყვიერების ხანგრძლივ ტრადიციასთან. ჰომეროსის წინაპრები, უეჭველია, ლაპარაკობდნენ ბერძნულად. ყველაზე სავალალო ის არის, რომ ჩვენ არ ვიცით, სადაურია ჰომეროსი. შვიდი ქალაქი ჩემულობს ჰომეროსის დაბადების ადგილს და ეს ფაქტი ადასტურებს, რომ ბერძენებს არა აქვთ სანდო ინფორმაცია. პოემების დიალექტიკის მიხედვით, ჰომეროსს უნდა ეცხოვრა იონიაში (ანატოლიის დასავლეთი სანაპიროს ცენტრალური ნაწილი — მთ. შენ.).

აქამდე ჩვენ ვლაპარაკობდით ჰომეროსზე, როგორც ორი პოემის — „ილიადასა“ და „ოდისეას“ — ავტორზე, მაგრამ ერთი პირი იყო ეს ჰომეროსი თუ ორი? თუმცა ორივე პოემაში წარმოდგენილი მონუმენტური სტრუქტურა, თავისთავად, ერთ შემოქმედზე მიანიშნებს — რაგინდ ბევრი არ უნდა ყოფილიყო მშენებელი, არქიტექტორი იყო ერთი, მაგრამ გაურკვეველია ერთი და იგივე არქიტექტორმა დავეგმა თუ არა ორივე სტრუქტურა. ზერელედ რომ გადავავლოთ თვალი ამ ორ პოემას, ისინი ერთმანეთთან დიდ მსგავსებას ამჟღავნებდნენ. ხოლო უფრო ღრმად თუ ჩავწვდებით „ილიადასა“ და „ოდისეას“, მათ შორის შევამჩნევთ განსხვავებებს, ზოგ შემთხვევაში, წარმოუდგენელსაც კი ერთი შემოქმედის ხელწერისათვის. მაგალითად, დამოკიდებულების საოცარი სხვაობაა „ილიადას“ სისხლისმღვრელი ომის სიდიადესა და „ოდისეას“ მსუბუქ თავგადასავალს შორის. მაგრამ ალბათ, ასეთი პატარა მხარე, თითქმის ერთსა და იმავე პერიოდში, ვერ წარმოშობდა ორ დიდ გენიოსს, ალბათ, მაინც ჰომეროსმა მემკვიდრეობით მიიღო ორი განსხვავებული თქმულება.

გასულ საუკუნეში დამკვიდრდა არქეოლოგიის საშუალებით ლეგენდების „სიმართლის დამტკიცების“ ტენდენცია, თუმცა ყველა ლეგენდა არ ემორჩილება ამ მეთოდს. მაგრამ თუკი ჰომეროსთან დამოწმებული ფაქტი ემთხვევა არქეოლოგიურ რელიქტებს, მაშინ მეტია ამ ფაქტის რეალურობის შესაძლებლობა, ოღონდ ჩვენ არ შეგვიძლია შევამოწმოთ მისი მტკიცებანი. ამ შემთხვევაში თავს იჩენს ანალოგია ბიბლიურ არქეოლოგიასთან — ძველ აღთქმაში ნახსენები ქალაქები აღმოჩენილია გათხრების შედეგად. შესაბამისად, ძველი აღთქმის გათ-

ვალისწინებით, დამოწმებულია, თითქოს იერიქონის კედელთა ნანგრევების ნაშთები ადასტურებს, რომ ისინი მოძრავი ტრანსპორტით გამოწვეულმა ვიბრაციამ დაანგრია.

არ არის საკმარისი დასაბუთება იმისა, რომ რამოდენიმე ფაქტი ჰომეროსის პოემებში ზუსტია. ჩვენ უნდა შევისწავლოთ ყოველი წერტილი. სადაც კი შეიძლება ჰომეროსისეული სურათი შემოწმდეს არქეოლოგიის გზით და შემდეგ უნდა ვნახოთ, გააწონასწორებს თუ არა ერთმანეთს მონაცემები.

რაგინდ დიდი არ უნდა ყოფილიყო ჰაინრიხ შლიმანის შეცდომა, იგი, ყოველ შემთხვევაში, იმით მაინც სანდოა, ძველად ტროას სახელით ცნობილი ქალაქი პისარლიყთან რომ გააიგივებ. პ. შლიმანი იყო ბრინჯაოს ხანის ეგეოსური სამყაროს არქეოლოგიური კვლევის პიონერი.

ტროა დასახლებული იყო (ხანმოკლე ინტერვალებით) ძვ. წ. IV ათასწლეულიდან, რადგან თითქმის ცხრა ქალაქის ნაშთები ფენებად ადევს ერთმანეთს. ქალაქის ერთ-ერთი ასეთი ფენა, ცნობილი როგორც ტროა VII—A, თითქოს მტერმა გაანადგურა დაახლოებით ძვ. წ. 1250 წ. ეს თარიღი საკმაოდ კარგად შეესაბამება ჰომეროსისეულ ტროას ომს. თარიღი იმდენად უახლოვდება მიკენური საბერძნეთის საერთო კატასტროფის თარიღს, თითქოს ეს უკვე დადასტურებული ინციდენტი იყოს. მაგრამ ვინც ჰომეროსის რეპუტაციას უფრთხილდება, შეუძლია ეს ჩათვალოს ტროადის ომის დადასტურებად.

მაინც უზარმაზარი განსხვავებაა ლეგენდის შესაბამის დეტალსა და მის დამადასტურებელ სიმართლეს შორის. არქეოლოგიაც ვერ გვეუბნება, თუ ვინ იყვნენ ტროელი სარდლები ან თავდამსხმელები: თუმცა არ არის საჭირო იმდენად გავაცხოველოთ ჩვენი სკეპტიციზმი, რომ მთლიანად უარვყოთ ტროას ომი, ჩემი აზრით, მეტი თავშეკავება გვმართებს ტროას ომის დეტალების — მისი თარიღის, გამომწვევი მიზეზების, ამ ომში მონაწილეთა და ა. შ. — მიმართ. მაინცდამაინც დიდი იმედი არ ჩანს, რომ ოდესმე მეტი გვეცოდინება, მაგრამ ისტორიაში ცუდი წყარო ზოგჯერ უარესია, ვიდრე არავითარი.

ჩვენ უნდა შევამოწმოთ ჰომეროსის სიზუსტე იქ, სადაც გვაქვს დამოუკიდებელი საბუთები. ზოგიერთი ფაქტები დიდი ხანია ცნობილია და აღიარებული. მაგალითად, ჰომეროსის გმირები აღჭურვილნი არიან ბრინჯაოს იარაღით, მაგრამ პოეტი, დროგამოშვებით, ანაქრონისტულად ახსენებს ხოლმე რკინის იარაღსაც. რკინა, რა თქმა უნდა, უცნობი არ იყო ბრინჯაოს ხანაში, მაგრამ არ ჰქონდათ მისი დამუშავების ტექნიკა. ყველაზე საოცარი მაგალითი არის მიცვალებულთა დაკრძალვა. მიკენის მმართველებს მარხავდნენ დიდ საგვარეულო აკლამბებში, ჰომეროსის გმირებს კი წვადნენ. გაჩნდა მოსაზრება, რომ

მტრის მიწაზე დაბანაკებულ საექსპედიციო ჯარებს შეიძლება შეეცვალოთ თავიანთი ჩვეულებრივი ადათ-წესები, და მაინც, ჰომეროსს გადაკვრითაც კი არსად უხსენებია უზარმაზარი წრიული სამარხები, რომლებიც მიკენური სამყაროსათვის, ალბათ, თვალში საცემი თავისებურება უნდა ყოფილიყო. B-ხაზოვანი წარწერების ფირფიტებზე შედარებისათვის მეტ საშუალებას გვაძლევს ოფიციალური წოდებანი, რომლებიც გვხვდება ამ ტექსტებში (hequetas, telestas, lawāgetas) და არსად იხსენება ჰომეროსთან. იქნებ ეს შემთხვევითობაა, ჰომეროსისეული ლექსის მეტრიკით გამოწვეული; სადაც კი ჰომეროსთან აღრეულია „მეფის“ შესატყვისი ორი სიტყვა, წარწერებში ისინი მკვეთრად დიფერენცირებულია: Wanax ნიშნავს „მეფეს“, სხვა სიტყვა კი — „მთავარს“.

ჰომეროსი რამოდენიმე ნაწყვეტში გვაძლევს ცნობებს სამხრეთ-დასავლეთ პელოპონესის შესახებ. „ილიადას“ მე-2 წიგნში, ე. წ. „ხო-მალდთა კატალოგში“, ჩამოთვლილია ცხრა ქალაქი. სია იწყება პილოსით, რომელიც ნესტორს ექვემდებარება. ფირფიტების წარწერებშიც ვხვდებით „ახლო პროვინციის“ ცხრა ოქს, მაგრამ არაა აღნიშნული პილოსის სახელწოდება. იგი განზე დგას გადასახადთა მევალეთაგან. დანარჩენ ცხრა სახელწოდებათაგან მხოლოდ ერთი შეესაბამება ჰომეროსისეულს — ესაა Kyparissēeis, რომელიც შეიძლება იყოს წარწერების ტოპონიმთა ერთ-ერთი ვარიანტი. ერთ-ერთი ჰომეროსისეული სახელი — Helos — დამოწმებულია პილოსის წარწერებში, მაგრამ ეს არის უკვე „შორეული პროვინცია“. ამასთანავე, გავითვალისწინოთ, რომ ეს არის რიგითი ბერძნული სიტყვა „ჰაობის“ შესაბამისი, ამიტომ შეიძლება ვიფიქროთ, რომ აქ თავს იჩენს შემთხვევითობა და მეტი არაფერი.

როგორც ზემოთ აღვნიშნეთ, სამეფოს ჩრდილო საზღვარი გადიოდა მდინარე ნედას გასწვრივ. ჰომეროსი კი „ილიადაში“ საზღვრად მიიჩნევს ალფეოსს, რომელიც 35 კმ-ის მოშორებითაა ჩრდილოეთით. ეს ცნობა არ შეიძლება შეესაბამებოდეს პილოსის იდენტიფიკაციას ენგლიანოსთან. დეტალურად შეიძლება დამტკიცდეს ჩვენი ვარაუდი, რომ ჰომეროსმა დასავლეთ საბერძნეთის გეოგრაფია არ იცოდა. იგი ოდისევსის სამშობლოს — ითაკას — ადგილმდებარეობას აღწერს, მაგრამ მისი გეოგრაფია იმდენად მცდარია, რომ დღევანდელი მეცნიერებებიც კი აცდუნა. მათ იმის დასაბუთებაც კი სცადეს, რომ იმდროინდელი ითაკა სულაც არ იყო თანამედროვე ითაკა. მაგრამ ჭეშმარიტება კიდევ უფრო მარტივია: ჰომეროსი იყო იონელი ბერძენი, რომელსაც, შესაძლოა, არასოდეს გადაულახავს ეგეოსის ზღვა, რომ არაფერი ვთქვათ საბერძნეთის დასავლეთ სანაპიროზე. ჰომეროსმა იცოდა, რომ მიკენი ამ პერიოდისათვის მთავარი ქალაქი

იყო საბერძნეთში. ამას ადასტურებს დიდებული არქეოლოგიური აღმოჩენებიც; მაგრამ, როგორც ჩანს, ჰომეროსმა არ იცოდა, თუ სად იყო მიკენი — აგამემნონის სამეფო; პოეტის აზრით, იგი არის კორინთოს სრუტის სამხრეთ სანაპიროზე, მაშინ, როცა მიკენი გაცილებით უფრო დასავლეთითაა. იმის ნაცვლად, რომ შევეცადოთ რაიმე აზრი გამოვიტანოთ ჰომეროსის გეოგრაფიიდან, კარგი იქნებოდა, თუ ჩავთვლიდით მას თავისებურ ინფორმაციად იმ შორეული ქვეყნის შესახებ, რომელიც მან, ამ ქვეყნის უნახავად, მეზღვაურობა ნაამბობიდან შეითვისა.

ყველაზე მნიშვნელოვანი, რაც უნდა გვახსოვდეს, არის ის, რომ ჰომეროსი პოეტი იყო და არა ისტორიკოსი. პოეტური სიმართლე და ისტორიული სინამდვილე ორი, სრულიად სხვადასხვა რამაა. პოეზიის საქმე უცვლელი, მარადიული ღირებულებაა, ისტორიის საქმე კი — ფაქტები და მოვლენები. პოეზიამ შეიძლება თხრობის ფორმა მიიღოს. ის, რაც ჩვენ გვაინტერესებს, არის ადამიანის ღირსება, საერთოდ, პოეტის გმირთა დამოკიდებულებაში, რადგან იგი მარადიულია და არის ისეთივე მნიშვნელოვანი დღეს, როგორც იყო წარსულის ნებისმიერ მომენტში. მეომრის სიკვდილი ან ქალაქის დაცემა შორეულ წარსულში შეიძლება დღეს არაფერს ნიშნავდეს ჩვენთვის, მაგრამ ჰექტორისა და ტროას ტრაგედია ჯერ კიდევ აღძრავს ემოციებს. ისტორიული ფაქტების ძებნა ჰომეროსთან ისეთივე ამაოა, როგორც მიკენის ფირფიტებზე პოეზიის ძიება. ისინი სხვადასხვა სამყაროებს მიეკუთვნებიან.

მიკენური სამხაროს აღსასრული

კნოსოსი

თავისთავად ცხადია, რომ მიკენური სასახლეების განადგურების პერიოდისათვის დაკარგული დოკუმენტები ვერაფერს გვეტყვიან შემდგომ მომხდარი ამბების შესახებ. უბედურება კნოსოსში მოხდა ძვ. წ. XIV საუკუნის დასაწყისში. ეს იყო ჩვენთვის ცნობილი პირველი კატასტროფა. სასახლე განადგურა ცეცხლმა და იგი იმავე სახით უკვე აღარ აღუდგენიათ. სხვა სასახლეები დაეცა, როგორც ჩანს, ძვ. წ. XIII საუკუნის ბოლოს, მაგრამ ვერც კატასტროფების ზუსტი თარიღი, ვერც მათი თანმიმდევრობა ვერ დადგინდა. მიკენის აღმოჩენების მიხედვით, ნაგებობათა პირველი ნგრევა მასიური კედლის მიღმა საუკუნის შუა წლებში უნდა დაწყებულიყო. არქეოლოგების მულმივი ცდები, დაეჭვებდებარებინათ ეს თარიღი საბერძნეთის კონტინენტის კატასტროფათა თარიღისათვის. ცნობიერად თუ ქვეცნობიერად, ალბათ, განპირობებულია იმ რწმენით, რომ ტროას ომი დათარიღებულია ამავე საუკუნის შუა წლებით.

მაგრამ მომდევნო მოვლენები ხშირად ჩრდილავენ ხოლმე წინა მოვლენებს: აყვავებული. კარგად ორგანიზებული წყობა, ჩვეულებრივ, ერთი ღამის განმავლობაში არ ინგრევა. დოკუმენტების მიხედვით, კნოსოსს, სანახევროდ, გავლილი ჰქონდა სრულიად ჩვეულებრივი წელიწადი, როდესაც უეცრად თავს დაატყდა კატასტროფა. თუმცა ეს არის სამეურნეო დოკუმენტებიდან გამომდინარე თარიღი. ეს თარიღი არ შეესაბამება ევანსის დასკვნას, რომ სასახლე დაინგრა გაზაფხულზე. იმ დროს ძლიერი სამხრეთული ქარი მქინვარებდა. ჩრდილოეთ მხარეს ქვის წყება ჩაშავებულია კვამლით. ასეთი ქარები, საბერძნეთის მეტეოროლოგიური სამსახურის ინფორმაციების მიხედვით, კრეტაზე დეკემბრიდან აპრილამდე იცის, გამორიცხული არაა მაის-ივნისიც.

ჩანაწერებში გვხვდება სანელებლები, როგორცაა მიხაკი, და ამან შეიძლება გვაფიქრებინოს, რომ კატასტროფა მომხდარა შემო-

დგომაზე. მაგრამ თუ ეს ასეა, რატომ არსად არის მოხსენიებული ჩანაწერებში რთველი?

თარიღი შეიძლება დაგვეზუსტებინა მიკენურ კალენდართან შესაბამისობების მიხედვით, მაგრამ მხოლოდ რამოდენიმე ჩანაწერში გვხვდება თვეების სახელწოდებები, ისიც მხოლოდ რელიგიურ მსხვერპლთშეწირვასთან დაკავშირებით. ეს იქნებ იმიტომ, რომ არქივებში დამოწმებული თითქმის ყველა საქმიანობა რეგულარულად მეორდებოდა ყოველწლიურად. ერთსა და იმავე დროს, და ამიტომაც აღარ იყო აუცილებელი საგანგებოდ გამოეყოთ თარიღი. წარწერები ფორფიტებზე გვიდასტურებს, რომ კნოსოსში ცხოვრება შეწყვეტილა, უკიდურეს შემთხვევაში, მეშვიდე თვეს. ამან წამოჭრა საკმაოდ უხერხული კითხვა: საიდან იწყებდნენ მიკენელები კალენდარულ წელიწადს? მიკენური წელიწადი. ალბათ, იწყებოდა ასტრონომიულად განსაზღვრული ოთხი წერტილიდან — ნაბუნიობებიდან და ბუნიობებიდან. კლასიკური პერიოდის საბერძნეთის პრაქტიკა. ამ შემთხვევაში, ბევრს ვერაფერს გვიშველის, რადგან სხვადასხვა ქალაქებს ჰქონდათ ერთმანეთისაგან განსხვავებული კალენდარი. თუ კნოსოსს ჰქონდა კალენდარი, რომელიც იწყებოდა შემოდგომის ბუნიობისას, მაშინ უნდა ავხსნათ, რატომ არ არის წარწერებში მოხსენიებული რთველი და სოფლის მეურნეობასთან დაკავშირებული სხვა საშემოდგომო მოვლენები. მაგრამ პილოსის ცნობები უფრო ზამთრის ნაბუნიობაზე მიგვითითებს. ეს არის გამოსავალი ამ დილემიდან. ერთ-ერთ ფორფიტაზე აღნიშნულია ჭერჭერობით უცნობი თვის სახელი. თვის სახელი სრულიად განსხვავდება სხვებისაგან ფორმიითა და მოყვანილობით. შეიძლება ეს იყოს კალენდარული წლის ბოლო თვის ჩანაწერების შეჯამება, მომზადებული და აღრიცხული ზამთრის დიდი ანგარიშსწორებისათვის, მაშინ, როცა დანარჩენები აღარ შინაწესს. თუ ეს ასეა, კატასტროფა შეიძლება დაგვეთარიღებინა მეექვსე თვით. ეს ჩვენს ივნისს შეესაბამება და ამ პერიოდში სამხრეთის ქარებიც ჭერ კიდევ შესაძლებელია.

XIV საუკუნის კატასტროფის მიზეზის ასახსნელად ევანსი აცდუნა „მიწისძვრის თეორიამ“. ისეთ სეისმურ ზონაში, სადაც მდებარეობს კრეტა, მიწისძვრები ხშირია და არ არის საშუალება დაეზუსტოთ ისინი არქეოლოგიური მონაცემების მიხედვით. ერთადერთი ხელშესახები საბუთი ამ შემთხვევაში არის ქვისწყობის დიდი გადაადგილებები, რაც მოსალოდნელი არ არის ხანძრის შემთხვევაში. ამ პერიოდში, კნოსოსის შემთხვევაში, არაერთარი ასეთი აშკარა მონაცემები არ დასტურდება, თუმცა ამის შესაძლებლობა გამორიცხული არ

მაგრამ, როცა აყვავებული საზოგადოება დიდ მიწისძვრას განიცდის, მისი დაუყოვნებლივი რეაქციაა ხელახლა გაშენება. ასეც მოხდა ადრე კნოსოსში. დამოწმებულია მოვლენათა იგივე თანმიმდევრობა ისეთ ადგილებში, როგორიცაა თერა ან ტროა. მაგრამ ჯერ კიდევ არა გვაქვს საბუთი, რომ ამ ნგრევის შემდეგ ხელახლა შენება დაწყებულა.

კნოსოსის ფირფიტები ერთ მნიშვნელოვან გასაღებს ვეთავაზობს. წარწერების მიხედვით ჩანს შემდეგი: სამეფოს ადმინისტრაცია ცდილობდა კონტროლი გაეწია ათასობით ადამიანის საქმიანობისათვის არა მხოლოდ ახლომახლო არემარეში, არამედ 70 კილომეტრსა და მეტ ნანძილზე. ყველაზე შორეული პუნქტი, რომელიც კი დამოწმებულია დოკუმენტებში, ესაა Kudônia — დაახლოებით 150 კილომეტრის მოშორებით კნოსოსიდან. ცხადია, ფესტოსის ადგილობრივი მმართველს (ფესტოსი 50 კმ-ით არის დაშორებული) ჰქონდა უმნიშვნელო ავტონომია. იგი იძულებული იყო დეტალურად მოეხსენებინა კნოსოსისათვის თავისი რეგიონის სასოფლო-სამეურნეო ნაწარმისა და სამრეწველო საქმიანობის შესახებ. ადვილი დასაჯერებელია რომ მმართველობა მეტისმეტად ცენტრალიზებული იყო და ეს იწვევდა უკმაყოფილებას შორეულ კონტროლს დაქვემდებარებულ ქალაქებში. კრეტა ბუნებრივად არის ცალკეულ რაიონებად დაყოფილი და ფაქტი, რომ მინოსურ პერიოდში არსებობდა ხუთი ძირითადი სასახლე თავისი ადმინისტრაციული ჩანაწერებით, ცხადყოფს შემდეგს: რაოდენ მნიშვნელოვანი არ უნდა ყოფილიყო კნოსოსის ჰეგემონია ბერძნების ჩამოსვლამდე, ადგილობრივი მმართველებს ჰქონდათ საკმაოდ დიდი ავტონომია. კრეტელები დღესაც არაკეთილმოსურნედ არიან განწყობილნი იმ კონტროლისადმი, რომელსაც ახორციელებს კუნძულის მიმართ ათენის ნაციონალური მთავრობა.

თავისთავად საინტერესოა ფაქტი, რომ ურთიერთდამოკიდებულებანი გრძელდება უძველესი დროიდან დღემდე და მაინც, უნდა ვაღიაროთ, რომ არა გვაქვს ნათელი საბუთი, თუ რამ გამოიწვია კატასტროფა კრეტაზე და მისი გამომწვევი მიზეზები ჩვენთვის დიდხანს დარჩება უცნობი. ამის გასარკვევად უნდა ვიცოდეთ ზუსტად, თუ რა ადგილები იყო დასახლებული ძვ. წ. XIV საუკუნის მეორე ნახევარში და XIII საუკუნეში, და თუ რა სახის საქმიანობა გრძელდებოდა შემდგომ. ჯერჯერობით, წერილობითი მონაცემები ძალიან უმნიშვნელოა; თუმცა B-ხაზოვანი წარწერები შიგადაშიგ გვხვდება კერამიკულ ნახელავებზე, მაგრამ B-ხაზოვანი დამწერლობით შესრულებული ფირფიტების კვალი, კნოსოსის გარდა, აღარსად ჩანს. ნუთუ კრეტა დაიშალა ისეთ მცირე სახელმწიფოებად, რომ წერილობითი ან-

გარიშების აუცილებლობა გამქარალა? თუ მათი არარსებობა უბრალო შემთხვევითობაა?

ჩემი აზრით, კნოსოსის სასახლის დანგრევის შემდეგ, კრეტის ბერძნულენოვანმა მოსახლეობამ დააარსა ბევრად უფრო მომცრო აღმინისტრაციული ერთეულები, რომლებიც საუკუნეთა შემდეგ აღმოცენდნენ კლასიკური ხანის პატარ-პატარა ქალაქ-სახელმწიფოებად. მაგალითად, ქალაქი ტილისოსი, რომელიც ექვემდებარებოდა მიკენურ კნოსოსს.

პილოსი

სრულიად განსხვავებული მდგომარეობაა პილოსში. აქ ჩვენ შევიძლია მივანოთ იმ სახიფათო სიტუაციის აშკარა დამამტკიცებელ საბუთს, რის წინაშეც მეფე იდგა. მიკენიდან და თებედან კი კვლავაც ძალზე მცირე რაოდენობით გვაქვს საბუთები. და ეს გვაბრკოლებს ანალოგიური დასკვნა გამოვიტანოთ.

წელიწადის ის დრო, როდესაც დაეცა პილოსი, კნოსოსის დაცემის დროზე უფრო ადვილი მისახვედრია. არსებული დოკუმენტური ცნობები მიგვანიშნებს წლის დასაწყისზე. კალენდარიც, თითქოს, გვიმოწმებს ამას, მაგრამ, სამწუხაროდ, მხოლოდ ერთ სახელს — Sphagiāniēs — ახლავს თვის აღმნიშვნელი სიტყვა. ეს, ალბათ, ის თვეა, როცა Sphagiāniēs-ში დიდი დღესასწაული ტარდებოდა. კლასიკური თვეებიც ანალოგიურად იწარმოება, ტოპონიმების მიხედვით. მაგრამ პილოსის წარწერებში არის ორი სიტყვა, რომლებიც კონტექსტის მიხედვით თვეების სახელები უნდა იყოს, ერთი უნდა შეესაბამებოდეს შემოდგომის დასაწყისს, მეორე — ადრეულ გაზაფხულს. დოკუმენტი, სადაც ამ უკანასკნელი თვის სახელი გვხვდება, ადვილი შესაძლებელია, სასახლის უკანასკნელი დღეების წინ არის შედგენილი. მანასადამე, პილოსის კატასტროფა მომხდარა ადრე გაზაფხულზე. საგულისხმოა, რომ პილოსი მოელოდა თავდასხმას ზღვიდან. უპირველეს ყოვლისა, ეჭვი შეიძლება მივიტანოთ ე. წ. „ზღვის ხალხებზე“, მაგრამ მათ დასადანაშაულებლად არავითარი დამამტკიცებელი საბუთი არა გვაქვს. თუმცა ბრინჯაოს წარმოების დოკუმენტაციით მოწოდებული საქმის ვითარება უეჭველად გვიდასტურებს იმ აზრს, რომ ზღვები ამ პერიოდისათვის სახიფათო გამხდარა. მრეწველობა, ესოდენ დამოკიდებული ზღვაოსნობაზე, უნდა ყოფილიყო საზღვაო ანარქიის პირველი მსხვერპლი.

დასკვნა

როგორც არ უნდა ყოფილიყო ვითარება, ფაქტი რჩება ფაქტად — ერთიმეორეზე მიყოლებით, მიკენური დასახლებები დაემხო და გადაიწვა. მთელ საბერძნეთში დამყარებული წყობილება, რომელმაც სამ საუკუნეზე მეტ ხანს გაძლო, დასასრულს უახლოვდებოდა. ამას მოჰყვა მოსახლეობის შემცირება. არ არის ცნობილი ომის, შავი ჭირის თუ შიმშილიანობის შედეგი იყო ყოველივე ეს. არც ერთის შესახებ ცნობები არ მოგვეპოვება. რის კარპენტერის (1966 წ.) თეორია, რომ მიკენური საბერძნეთის დანგრევა გამოწვეული იყო კლიმატური ცვლილებებით, არის მხოლოდ და მხოლოდ მოსაზრება, და მას ეწინააღმდეგება პალეობოტანიკის საბუთები. ამ თეორიის ყველაზე სუსტი მხარე არის ვარაუდი, რომ ძვ. წ. XII საუკუნეში აყვავებულ ისეთ მხარეებში, როგორცაა, მაგალითად, ატიკა, კლიმატი ერთბაშად შეიცვალა და უფრო ნალექიანი გახდა.

თითქმის ტრადიციად იქცა მიკენის ტრაგედიაში დორიელები დაადანაშაულონ. დორიელები მხოლოდ მოგვიანო ხანაში გაბატონდნენ საბერძნეთის სამხრეთ და დასავლეთ ნაწილში. მათ შეინარჩუნეს ტრადიციული მტრობა იონელებისადმი, რომლებიც გაბატონებული ხალხები იყვნენ ეგეოსურ ცენტრში. ამ მტრობამ აპოგეას მიაღწია ძვ. წ. V საუკუნის ოცდაშვიდწლიან ომში. თუმცა, ცხადია, დორიელებმა სარგებელი ნახეს მიკენის განადგურებით, ამიტომ, ბუნებრივია, ისინი დაედანაშაულებინათ ამ საქმეში, მაგრამ მთავარ სირთულეს განაპირობებს კვლავ ერთადერთი რამ: არქეოლოგიურად არ დასტურდება დორიელთა თავდასხმები. თანდათანობით, უსაფუძვლო აღმოჩნდა ყველა არსებითი სიახლე, რომელიც კი დორიელებს დაუკავშირეს.

ტრადიციული აზრია, რომ დორიელები კლასიკურ პერიოდში მათ სამშობლოდ აღიარებული ტერიტორიების ასათვისებლად დაიძრნენ სამხრეთისაკენ. უეჭველია, ამ პერიოდში იყო მოსახლეობის ღიდი გადაანაცვლება. მაგრამ სად იყვნენ დორიელები მიკენურ პერიოდში? და რატომ კმაყოფილებოდნენ ისინი მხოლოდ ლოდინით, ვიდრე თავდასხმისათვის დრო არ მომწიფდა?

XI საუკუნიდან VIII საუკუნემდე პერიოდი, უეჭველად, ითვლება საბერძნეთის „ბნელ წლებად“, რომელთა შესახებ ჩვენ ჯერ კიდევ ნაკლებად ვართ ინფორმირებული. ჩვენს ხელთაა მხოლოდ და მხოლოდ უმნიშვნელო მონაცემები მარტივი სამარხებიდან. არა მგონია, „ბნელი წლები“ სრულიად ბუნდოვანი დარჩეს. უკვე გამოიკვეთა წყვილიადში რალაც კონტურები, მაგრამ ეს არ არის ჩვენი წიგნის თემა.

გარკვეულმა თანმიმდევრობამ შესაძლებელი გახადა ფრაგმენტულად მაინც ჩამოგვეყალიბებინა ზოგიერთი ამბავი მიკენური საბერძნეთის სიდიადის დღეებიდან იმ პერიოდამდე, როცა ისინი უდიდესმა პოეტმა ორი დიდი პოემის საფუძვლად გამოიყენა. მაგრამ დროის ამ ინტერვალზე რეალური ინფორმაცია, ფაქტობრივად, არის მკვდარი ინფორმაცია და საბუთები, რომლებიც ამ წიგნს საფუძვლად დაედო, ჯერ კიდევ მოელის აღორძინებას ჩვ. წ. XX საუკუნეში..

შ ი ნ ა ა რ ს ი

მთარგმნელის წინასიტყვაობა	3
თ ა ვ ი I	3
საბერძნეთის ელინიზაცია	8
თ ა ვ ი II	8
დოკუმენტური მასალები	22
თ ა ვ ი III	22
მიკენური გეოგრაფია	29
მესენია	29
კრეტა	35
თ ა ვ ი IV	35
მოსახლეობა ფირფიტების ცნობების მიხედვით	41
თ ა ვ ი V	41
სოციალური სტრუქტურა და ადმინისტრაციული სისტემა	47
ადგილობრივი მმართველობა	51
დაბალი კლასები	56
თ ა ვ ი VI	56
რელიგია	60
თ ა ვ ი VII	60
სოფლის მეურნეობა	72
მარცვლეული	75
სხვა სასოფლო-სამეურნეო კულტურები	81
შინაური ცხოველები	83
თ ა ვ ი VIII	83
ხელოსნობა, მრეწველობა და ვაჭრობა	86
ლითონები	89
	126

ავეჯი	93
ქსოვილები	94
სელი	96
ვაქრობა	97
თ ა ვ ი IX		
საბრძოლო იარაღები და ომი	99
ჯავშანი	100
ეტლები	102
იარაღი	104
სამხედრო ორგანიზაცია	105
თ ა ვ ი X		
ჰომეროსი, ფსევდო-ისტორიკოსი	111
თ ა ვ ი XI		
მიკენური სამყაროს აღსასრული	119
კნოსოსი	119
პილოსი	122
და ს კ ვ ნ ა	123

დაიბეჭდა საქართველოს სსრ მეცნიერებათა აკადემიის,
სამეცნიერო-საგამომცემლო საბჭოს დადგენილებით

სბ 4174

გამომცემლობის რედაქტორი ლ. ჭვებენაძე
მხატვარი გ. ლომიძე
მხატვრული რედაქტორი ი. სიხარულიძე
ტექნიკური რედაქტორი მ. გიორგაძე
კორექტორი ნ. მანაიძე
გამომწვევი ე. შაისურაძე

გადაეცა წარმოებას 21.11.93; ხელმოწერილია დასაბეჭდად 6.2.1989,
ქალაქის ზომა 60X90¹/₁₆; ქალაქი № 1; ბეჭდვა მაღალი;
გარნიტურა ენური; პირობითი საბეჭდო თაბაზი 8.0;
პირ. სალ.-გატ. 8.5; სააღრიცხვო-საგამომცემლო თაბაზი 6.59;
ტირაჟი 30000; შეკვეთა № 3598;

ფასი 1 მან. 20 კაპ.

გამომცემლობა „მეცნიერება“, თბილისი, 380050, კუტუზოვის ქ. 19
Издательство «Мецниერება», Тбилиси, 380050, ул. Кутузова, 19

საქართველოს სსრ მეცნ. აკადემიის სტამბა, თბილისი, 380050, კუტუზოვის ქ. 19
Типография АН Грузинской ССР, Тбилиси, 380050, ул. Кутузова, 19

Дж. Чедвик
МИКЕНСКИЙ МИР
ПЕРЕВОД, ПРЕДИСЛОВИЕ И ПРИМЕЧАНИЯ
Т. Э. БУАЧИДЗЕ
(на грузинском языке)

ТБИЛИСИ
«МЕТСНИЕРЕБА»
1989

I. CHADWICK
THE MYCENAEAN WORLD
Translated in to georgian by
T. Buachidze

TBILISI
„METSNIEREBA“
1989